

(2)  
HISTORICA  
NOTITIA

*Rituum ac Ceremoniarum  
Sinicarum*

In colendis Parentibus  
ac Benefactoribus De-  
functis,

Ex ipsis Sinensium Authorum li-  
bris desumpta

A

P. FRANCISCO NOËL,

Societatis JESU Missionario.

*De speciali Licentia*

SS.D.N.D.CLEMENTIS PAPÆ XI.

ET

SUPERIORUM PERMISSU.

\*\*\*\*\*

PRAGÆ, typis Univerſ. Carolo-Ferdinand. in Collegio Soc. JESU  
ad S. Clementem, per JOACHIMUM JOANNEM KAMENICKY  
Factorem, Anno 1711.





# INDEX

## Capitum & Quæstionum in hoc libello contentarum.

**P** Ræfatio ad Lectorem. Pag. 1.  
Materiæ & ordo rerum dicendarum. Pag. 6.

### CAPUT I. De origine, & fine Rituum Sinicorum in genere & in specie.

*Quæres 1.* Quænam sit origo Rituum Sinicorum in genere & in specie? Pag. 7.

*Quæres 2.* Quis finis Rituum Sinicorum in genere? Pag. 8.

*Quæres 3.* Quis finis Rituum Sinicorum in variis Ceremoniis Cy, diversimodè nuncupatis? Pag. 8.

*Quæres 4.* Quis finis Rituum Sinicorum in Ceremonia Cy Parentum delunctorum? Pag. 9.

### CAPUT II. De diversis Ceremoniarum Cy speciebus apud Sinas.

*Quæres 1.* Quid significet vox Cy, vel, ut quidam scribunt, Chi apud Sinas? Pag. 10.

## INDEX.

Quæres 1. Quot sunt Ceremoniarum & species apud Sinas? præcipue octo.	Pag. 11.
Quæres 2. Quænam sit distinctio ac diversitas inter has omnes Ceremoniarum & species?	Pag. 16.
Prima, de diversitate appellationis.	
Secunda, de diversitate Rituum.	
Tertia, de diversitate finis.	
Quæres 4. Quibus licitæ essent varietates istarum Ceremoniarum & species?	

### CAPUT III. De Mente Sinarum circa hominis Animam & Spiritum.

Quæres 1. Quid libri Sinarum antiqui & classici dicant de hominis Anima?	Pag. 20.
Quæres 2. Quomodo hos originales librorum antiquorum textus explicent Sinici Interpretes recentiores?	Pag. 21.
Quæres 3. Quid alii Authores dicant de hominis Anima & de Spiritu?	Pag. 23.
Quæres 4. Quid significant istæ voces Sinicæ Yin & Yang?	Pag. 25.

### CAPUT IV. De funebribus Ritibus à morte hominis usque ad triennium, quo durat luctus funeralis.

Quæres 1. Quinam Ritus instante hominis morte?	Pag. 26.
Quæres 2. Quinam Ritus statim post mortem?	Pag. 27.
Primò, de Defuncti inclamatione.	
Secundò, de unione vel aliâ re ori Defuncti impositâ.	
Tertiò, de Tabella lignea paulò altiori, & de serica fascia, Defuncti representativa.	
Quartò, de labaro, in quo Defuncti nomen scribitur.	

Quin-

Quintò , de confanguineis & Amicis , qui statim veniunt in domum Defuncti pro luctu.

*Quæres 3.* Quinam sint alii Ritus usque ad cadaveris sepulturam, quæ solet in China diu differri? Pag. 30.

Primò , de cibo & potu, qui bis quotidie usque ad sepulturam apud cadaver apponitur, & de motivo.

Secundò , de hospitibus venientibus in Defuncti domum ad luctum demonstrandum, & funus cohonestandum.

Tertiò , de Ceremonia Cy Spiritui sepulchralis loci facienda antequam sepeliatur cadaver.

Quartò , de petra sepulchrali, & de variis figuris sculptis.

Quintò , de lignea Tabella breviori, dicta Chu.

Sextò , de valedictione Majorum defunctorum.

Septimò , de apparatu ante funebrem sepulturæ pompam.

Octavò , de funebri sepulturæ pompa.

Nonò , de Ceremonia Cy Spiritui sepulchralis loci rursus facienda post sepultum cadaver.

*Quæres 1.* Quinam sint Ritus à sepulto cadavere usque ad finitum triennium, quo durat funebris Parentum luctus? Pag. 37.

Primò , de erectione & inscriptione Parentalis Tabellæ, dictæ Chu.

Secundò , de Ceremonia Tu, quæ fit in domo Defuncti, ipso die sepulturæ.

Tertiò , de victus temperantia, quam Sinæ servant triennalis luctus tempore.

Quartò , de Ceremonia Cy, quæ Parentis defuncti Tabella apponitur in Parentali Majorum domo apud Avi Tabellam.

Quintò , de variis aliis Ceremoniis Cy ad usque triennalis luctus finem.

## CAPUT V. De Parentali Signo, seu lignea Tabella, Sinicè *Mo Chu*, quam erigunt Sinæ ad colendos Defunctos post sepulturam.

*Quæres 1.* Quænam sit istius lignæ Tabellæ origo, & quonam tempore inceperit? Pag. 43.

*Quæres 1.* Quisnam sit finis erigendæ istius Tabellæ Chu; & quid significet? Pag. 44.

## INDEX.

*Quæres* 3. An in illa Tabella *Chu* resideat Spiritus hominis Defuncti?  
Pag. 45.

### CAPUT VI. De Parentali Ædificio, quod exstruunt Sinæ ad colendos Defunctos Parentes.

- Quæres* 1. Quænam sit origo istius Parentalis ædificii? Pag. 46.  
*Quæres* 2. Quando exstruitur ista Parentalis domus? Pag. 48.  
*Quæres* 3. Quid Sinæ intelligant per vocem *Miao*, quâ illustriores Defunctorum Parentales domos nuncupant? Pag. 49.  
*Quæres* 4. Quomodo olim construerentur illæ Parentales domus? P. 50.  
*Quæres* 5. Quomodo nunc construantur Parentales domus, dictæ *Tsu Tam*, id est, Ceremoniales Aulæ? Pag. 51.  
*Quæres* 6. Ob quem finem exstruantur omnes illæ Parentales domus? Pag. 52.  
*Quæres* 7. Quando & quomodo in istis Parentalibus domibus fiat Defunctis Parentibus Ceremonia *Cy*. Hæc referuntur varix in variis anni temporibus, Parentalium Ceremoniarum *Cy* species. Pag. 52.

### CAPUT VII. De fine & intentione, ob quam varii Ritus erga Defunctos olim instituti sunt, ac nunc fiunt in Parentali Ceremonia *Cy*.

- Quæres* 1. Ob quem finem sanguis, pili, caro cruda, jecur, pulmo, cor, caput, aqua apponatur, & adeps concremetur? in quibusdam nempe tantum particularibus & raris Parentalibus Ceremoniis *Cy*. Pag. 62.  
*Quæres* 2. Ob quem finem olim ipsemet Rex, exuta veste exteriori, pœcedem pro defunctorum Parentum Ceremonia *Cy* occisam, in frustra abstindebat? Pag. 65.  
*Quæres*

## INDEX.

- Quæres 3. An ista cibi & potûs fercula apponantur , ut Parentum defunctorum animæ comedant & bibant? Pag. 66.
- Quæres 4. An apponantur ista cibi & potûs munera , ut saltem eorum vaporem , halitum aut odorem comedant ac bibant Defunctorum animæ? & quid sit demittere Spiritum, Sinicè *Kiam Xin*? Pag. 68.
- Quæres 5. An illæ Parentales Ceremoniæ *Cy* fiant , ut saltem ad eas veniant Defunctorum animæ? vel ut animarum dissipatarum aër, seu vitalis aura rursus conculata , illic adsit? Pag. 69.
- Quæres 6. An Sinæ olim in Parentalibus Ceremoniis *Cy* aliquid peterent aut sperarent a defunctis Parentibus? Pag. 72.
- Quæres 7. An Sinæ nunc in Parentalibus Ceremoniis *Cy* aliquid petant à defunctis Parentibus? Pag. 75.
- Quæres 8. An facienti Parentalem Ceremoniam *Cy* promittantur bona? & quid per vocem *felicitas* , Sinicè *Fo* , quæ in istis Ceremoniis *Cy* sæpè usurpatur, intelligatur? Pag. 76.
- Quæres 9. An in aliis festiuitatibus , aut Ceremoniis politicis adhibeatur etiam illa felicitatis apprecatio? Pag. 78.
- Quæres 10. Quid significant istæ duæ voces *Xam Hiam* , quibus solent terminari Ceremoniarum *Cy* formulæ? an significant comestitionem, aut rei degustationem? Pag. 79.
- Quæres 11. Ob quem tandem finem istæ Parentales Ceremoniæ fiant? Pag. 80.

## CAPUT VIII. De Parentalibus Ceremoniis , quæ fiunt Benefactoribus defunctis, & maximè Confucio.

- Quæres 1. Quænam origo faciendi Parentales Ceremonias Benefactoribus defunctis, & præcipuè priscis Magistris? Pag. 81.
- Quæres 2. Ob quem finem fiebant istæ Parentales Ceremoniæ *Cy* priscis Magistris? Pag. 81.
- Quæres 3. Quando & quomodo inceperit fieri Parentalis Ceremonia *Cy* Confucio , ceu prisco Magistro? Pag. 82.
- Quæres*

## INDEX.

- Quæres 4.* Quinam sint Parentalis Ceremoniæ cy, quæ sit Confucio,  
Ritus? Pag. 84.  
*Quæres 5.* Ob quem finem fiat Confucio Parentalis Ceremoniæ cy? &  
an in ea aliquid a Confucio petatur? Pag. 89.  
Epilogus. Pag. 91.



PRÆ-



# PRÆFATIO

## AD

### LECTOREM.



*N*ulla major hallucinatio est, quàm velle de rebus, quas nescimus, disceptare; tunc enim solet sæpe contingere, ut magnam longæ disputationis & argumentationis molem super æereum ac chymaricum fundamentum construamus; aut unum pro alio, album pro nigro, calum pro terra accipiamus; aut astruamus seu supponamus in rerum natura existere id, quod nec existit, nec unquam extitit; & dum arbitramur ire ad Orientem, tendamus ad Occidentem. Hoc autem frequenter factum vidimus, ac simul luximus in materia Rituum ac Ceremoniarum Sinenfium jam à tot annis controversarum, in quibus unusquisque pro pruritu ingenii, aut zeli ardore voluit & Sinarum consuetudines vel facta referre, & suam particularem sententiam ferre. Ut ergo daremus certam aliquam & indubitatam istarum rerum notitiam, nulla tutior mihi visa est via, quàm ad ipsos fontes recurrere; ad Sinicos, inquam, libros, in quibus istorum Rituum & origo, & institutio, & finis, & modus,

A

& in-

*Et intentio, Et tempus, Et varietas singillatim descripta reperiuntur. Quapropter quæ mihi visa sunt magis facere ad præfatam notitiam, ea in pauca capita, Et singula capita in breves quæstiones distribui, ut sic Lectoris tedium vitarem, vel saltem sublevarem. Responsa ad quæstiones ut essent indubitata, certamque fidem facerent, ea ex solo ipsorum librorum Sinicorum textu in linguam latinam versò excerpti. In vertendis autem horum librorum textibus, variam secutus sum viam; ubi nullam vidi inesse verborum difficultatem aut ambiguitatem, me potius adstrinxi ad verborum sensum, quàm ad ipsa verba, ut non obscurus forem; Contrà ubi poterat inesse difficultas ob verba Sinica ambigua, Et utcumque obscura; tunc magis me adstrinxi ad vertenda ipsamet verba, prout jacent, quàm ad reddendum omninò clarum illorum sensum, nè ipsomet textu clarior forem.*

*Deinde quia Libri, Et Authores, quos cito, variæ sunt authoritatis ac temporis; idcirco brevem illorum notitiam hic præfigo.*

*Primæ apud Sinas authoritatis libri sunt illi, quos vocant Ou Kim, id est, quinque communis Et incommutabilis doctrine libros; Et Su Xu, id est, quatuor alios libros, anamasticè dictos quatuor libros.*

*Primus istorum quinque, dicitur Ye Kim, id est, liber mutationum ac productionum; primum à Principe Fo hi Sinarum Conditore per characteres tantum ani-*  
gma-

gmaticos, seu notas symbolicas propositus, quibus verba & explicationem adjunxit Princeps Ven Vam & Princeps Cheu Kum; huicque explicationi superaddidit compendiosam explanationem Confucius.

Secundus dicitur Xu Kim, id est, liber Annalium Imperialium, scilicet Imperatorum Yao, Xun, triumque sequentium Imperiorum Hia, Xam, & Cheu, tunc temporis ab ipsis regis historiographis conscriptus.

Tertius dicitur Xi Kim, id est, liber Carminum, sub his predictis Imperiis à variis Authoribus conscriptus, & à Confucio emendatus.

Quartus dicitur Chun Cieu, id est, Ver, & Autumnus, seu liber quorundam Annalium Regni Lu, in bonum ordinem à Confucio redactus.

Quintus dicitur Li Ki, id est, liber Rituum, scilicet eorum, qui sub predictis Imperiis vigeant, in unum corpus redactorum à viris litteratis Imperiorum Cin, & Han.

Præter hos quinque olim addebatur sextus, dictus Cheu Li, id est, ritus Imperii Cheu, primum à Principe Cheu Kum inchoatus, deinde à viris literatis Imperii Han absolutus; & tunc dicebantur Lo Kim, seu sex libri Classici; sed hic exolevit, & extra ordinem horum librorum classicorum positus est, ita ut nunc tantum quinque nominentur.

Deinde quatuor aliorum Librorum, dictorum Su Xu, primus dicitur Ta Hio, id est, Aulorum doctrina,

à Confucio compositus, & ab ejus Discipulo Tsem Tſu explanatus.

Secundus Chum Yum, id est Medium (nempe virtutis) immutabile, à Tſu Su nepote Confucii conscriptus. Hi duo Libelli Ta Hio, & Chum Yum, erant prius parva aliqua pars, seu duo separata capita libri Rituum; inde extracti sunt sub Imperio Sum, & seorsim impressi.

Tertius dicitur Lun Yu, id est, liber Sententiarum, tum à Confucio, tum ab ejus discipulis prolatarum.

Quartus dicitur Mem Tſu, id est, liber Doctoris Memcii, in quo agit præcipue de pietate, & equitate ad bonum regimen necessaria, de variis Sectarum erroribus, de innata naturæ rationalis bonitate. Hi omnes libri, excepta aliqua libri Ye Kim parte, & alii, fuerunt olim flammis traditi ab Imperatore Xi Hoam, ac postea non sine dispendio, varia cum immixtione, augmentatione, diminutione resarciti sunt. Unde non sunt ubique suo fonti consimiles.

Præter hos libros Classicos & antiquos, alii sunt recentiores, aut istorum antiquorum interpretes, quos etiam sæpius cito, iique sunt inferioris ordinis, ac ponderis. Nempe liber qui dicitur Pe Hu Tum; id est, communis regionum Doctorum sensus, etiam sat antiquus; fuit conscriptus sub Imperio prioris familie Han; & alius dictus u Kim y y, id est, quinque librorum specialis explicatio, conscriptus à Doctore Hiu Xin sub Imperio posterioris

rioris familiae Han ; alius dictus Y ven luy ciu , id est ,  
 variarum rerum farrago ad scientias spectantium , con-  
 scriptus sub Imperio Tam ; alius dictus Sim li piao ti ,  
 id est , natura , & rationis brevis explicatio , conscriptus  
 sub initio praecedentis Imperii Ta Mim , imperante Yum  
 Lo ; alius dictus Su xu mum yn , id est , quatuor libro-  
 rum Classicorum facilis interpretatio ; fuit conscriptus à  
 Doctore Tsay hiu chay sub eodem Imperio Ta Mim , im-  
 perante Hum Chi ; alius dictus Kia li , id est , Ritus do-  
 mestici , conscriptus ab interprete , seu Doctore Chu Hi  
 sub Imperio Sum , imperante Xim Hi ; ejus autem glossa  
 conscripta à Doctore Yam , sub Imperio Ta Mim , impe-  
 rante Chim Te . Denique plerique aliorum Authorum ,  
 quos cito , vixere sub hisce ultimis Imperiis vel Sum , vel  
 Yuen , vel Mim seu Ta Mim , v. gr. interpres Chin Hao  
 sapissimè citatus vixit sub Imperio Yuen , imperante Kia  
 Tim ; interpres Tsay Xin , sub Imperio Sum , imperante  
 Chi chi ; Cham Kiu Chim , vulgò Cham ko lao , seu pri-  
 mus Imperii minister , sub finem praecedentis Imperii Ta  
 Mim , imperante Van Lie ; reliquos omitto nè sim lon-  
 gior . Ex his poterit colligi , quid olim , & quid nunc  
 sentiant Sina circa res controversas ; & hac pauca indi-  
 casse sufficiat ad clariorem dicendorum intelligentiam .  
 Siquis plura in hac materia desideret , videat Tractatum  
 de Ceremoniis Sinarum erga Defunctos , seu Tract. 2. de  
 Philosophia Sinica . Ibi omnia quae spectant ad Ceremonias

*Sinicas in colendis Defunctis, enucleatè exposita ac discussa inveniet, omnesque solutas difficultates; hic enim tantum Historicè loquor.*

## Materies & ordo rerum dicendarum.

**N**on est animus in hac brevi pagina omnes ritus, quos Sinæ ad colendos Defunctos adhibent, referre; sed tantum eos, qui sunt magis speciales, quique in materia Religionis possunt aliquam parere difficultatem. Quare non hic ago de feretro, ejusque ornatu, de cadaveris syndone, de sepulturæ loco, de veste lugubri per trimestre, semestrem, annum, triennale temporis spatium gerenda, & ejus diversitate juxta diversum consanguinitatis, aut affinitatis gradum, de lugendi modo, & de variis aliis rebus huc spectantibus, quæ omnia ad nauseam in suis libris enucleatè, & singillatim præscribuntur, vel referuntur, atque sæpius iterantur; nihil enim præter communem gentium morem, si excipias exteriorem exactudinem ac pompam, continent. De quibus verò mihi videtur hic agendum, sunt hæc octo: 1. Origo ac finis Rituum Sinicorum. 2. Diversæ Ceremoniæ & species. 3. Mens Sinarum circa hominis animam. 4. Funebres Ritus à morte hominis usque ad triennium, quo durat luctus. 5. Parentale signum seu lignea tabella, quam erigunt Sinæ ad colendum Defunctum. 6. Parentale ædificium, quod exstruunt Sinæ ad colendos defunctos Parentes. 7. Finis & intentio parentalium Ceremoniarum, quæ quotannis fiunt Parentibus defunctis. 8. Parentales Ceremoniæ, quæ fiunt Benefactoribus defunctis, & maxime Confucio. Nunc ordine de singulis; sed nota me tantum referre hos ritus prout habentur in libris; nam quoad praxim, multi illorum non sunt in usu. Deinde aliqui ab his adhibentur, aliqui ab istis non adhibentur; quæ omnia distinguere, difficillimum est, & ad id distinguendum penè omnium Chinæ locorum practica notitia requireretur. Attamen subinde in decursu aliquid de hoc indicabo. Itaque

## CAPUT I.

C A P U T I.

De Origine, & fine Rituum Sinicorum in genere, & in specie.

**Q**UAERES 1. Quæ sit origo Rituum Sinicorum in genere, & in specie?

Respondeo: Sic ait liber Rituum tom. 4. cap. 9. dicto *Ly yun*: quod attinet ad horum Rituum principium, id habetur a primis condiendi cibi & potûs Inventoribus; hi milium supra calefactum lapidem torrebant, & supra eundem, dissectam carnem porc nam assabant. Deinde effossam lacunulam aquâ implebant, & ad illam potandam seu hauriendam palmâ manûs pro cyatho utebantur. Præterea ad tundendum figulinum tympanum, ex durato luti fragmento pistillum conficiebant. Hisce levibus rebus suam vel sic erga Spiritus, ac Parentes defunctos venerationem exhibere poterant. Statim atque homo obierat, in superiorem domûs partem ascendebant, & altâ voce Defunctum inclamabant dicendo. N. redi. Videndo autem eum non reviviscere, tunc ei præsentabant crudam orizam, (qualis antiquitus comedebatur, dum ignis usus nondum habebatur) & carnis coctæ frustra, (qualis nempe comedebatur post habitum ignis usum;) idcirco oculos in cælum attollebant ad inclamandam animam, & in terram deprimebant ad humandum corpus; mortuum enim corpus deorsum vadit, & vitalis Intelligentiæ aura sursum existit. Quod autem homo mortuus jaceat capite ad Boream verso, & vivus sedeat vultu ad Austrum directo, id utrumque sit ad sequendam primitivam antiquissimi ritûs institutionem.

Olim prisca Imperatores, dum nullus adhuc erat palatiorum ac Domuum usus, hieme habitabant in subterraneis, quas effodiebant, cavernis; & æstate in mapalibus ex ramorum ac lignorum sarmentis constructis. Dùmque nullus adhuc etiam erat ignis usus ad cibos coquendos, vescabantur plantarum, & arborum fructibus, crudasque volucrum ac pecudum carnes comedebant, eorum sanguinem potabant, pilosque cum carne, utpote qui penitus extrahi non poterant, unâ deglutiebant. Denique quia necdum cannabis ac serici erat usus, avium plumis ac animalium pellibus vestiebantur.

Po-

Postea verò cùm Principes doctrinâ, & virtute inclyti exurrexerunt, tunc ex invento ignis usu habita est condiendorum ciborum utilitas, ex inventis formis coeperunt liquari metalla, ex luti compactione elaborari vasa figulina, extrui solaria, domus, palatia, portæ, fenestræ; carnes condiri, assari, coqui, torreri, vinum & acetum confici; Deinde aptari cannabis & sericum ad texendas telas. Quæ nunc igitur fiunt ad suppeditanda vivis alimenta, ad justa mortuis persolvenda, ad cultum Spiritui destruenti ac producenti cæli Domino *Xam Ti* præstandum, hæc omnia suam ab istis primis sapientibus Inventoribus normam acceperunt.

Quæres 2. Quis finis Rituum Sinicorum in genere?

Respondeo 1. Sic habet Lib. Rituum tom. 4. cap. 9. *Ly jun*: Prisci Imperatores instituerunt Ritus ad sequendam Cæli viam, & ad regendos naturales hominum affectus. Ideo qui eos rejicit, perit; qui eos retinet, vivit. Itaque Ritus pro suo principio cælum, pro sua varietate terram, pro suo ordine Spiritus, pro sua universalitate exequias, Ceremonias *Cy*, jaculatoriam & curulem artem, primi pilei impositionem, matrimonia, Regis assatum, legationes spectant. Hæc enim omnia viri illi doctrinâ, & virtute illustres juxta honestatis leges ordinârunt. Hinc Imperium, Regna, Familiæ habent, quo dirigantur, ac bene componantur.

Respondeo 2. Lib. Rit. tom. 8. cap. 24. *Cy y*, sic: Imperii (nempe Sinensis) Ritus spectant sui principii recordationem, Spirituum cultum, hominum concordium facultates seu divitias, rerum æquitatem, morum urbanitatem. Spectant autem sui principii recordationem, ad magni faciendam suam originem; Spirituum cultum, ad exhibendum Superioribus honorem; hominum concordium facultates, ad stabiliendam populi honestatem; rerum æquitatem, ad servandam debitam inter Superiores & Inferiores subordinationem; morum urbanitatem, ad expellendas discordias. Qui his quinque Rituum generibus ritè noverit uti ad Imperii regimen, quavis fortè futuri adhuc sint nonnulli indociles & depravati homines, qui ipsius voluntati non obsequentur; paucissimi tamen sine dubio illi erunt.

Quæres 3. Quis finis Rituum Sinicorum in variis Ceremoniis *Cy* diversimodè nuncupatis?

Respondeo 1. Lib. Rit. tom. 9. cap. 28. *Chum ny yen Kin*, sic: Ritus, quo litatur Cælo ac Terræ, est ad dæmonstrandam pietatem erga Spi-



Cap. I. De Origine, & fine Rituum Sinicorum. 9

Spiritum destruentem & producentem, (pictas juxta Sinas, est omni-  
moda cordis reſtitudo.) Ritus, quo fit obſequioſa gratitudinis exhibi-  
tio, æſtate & autumnſo erga omnes ſimul Majores defunctos, eſt ad  
demonſtrandam pietatem erga conſanguineos diverſi gradus. Ritus,  
quo cibi & potus ſercula apponuntur ante ſeretrum, eſt ad demonſtran-  
dam pietatem erga recenter Defunctum. Ritus, quo ſolemniter præ-  
ſentatur caro & vinum odoriferum viro illuſtri adventanti, eſt ad demon-  
ſtrandam pietatem erga hoſpitem.

Reſpondeo 2. Lib. Rit. tom. 4. cap. 9. *Ly yun* ſic: Idcirco ad Ce-  
remoniam *Cy* faciendam, intra conclave, vinum cæruleum, (id eſt aqua,  
qua antiquitus, dum nondum erat vinum, utebantur) ad Borealem; vi-  
num novum & vinum ſubalbum ad Auſtralem fenestram apponitur; in-  
tra Aulam, vinum ſubrubrum, & ad gradus vinum deſecatum. Appo-  
nuntur pecudes, præparantur ollæ & lances; lyrae, citharæ, fiſtulæ,  
cymbalum fiſtile, campanulæ, tympana in ſuis quæque locis diſponun-  
tur; componuntur, quibus Parentans ſuam mentem declarat Spiritui ſeu  
Defuncto, & quibus Puer perſonatus Spiritum repræſentans, bene ap-  
precatur Parentanti, verborum formulæ. Hæc autem omnia ſunt ad de-  
mittendos Spiritus, (nempe ad repræſentandos ſibi Defunctos tanquam ſi  
eſſent præſentes, ut alibi demonſtramus) ad ſervandam inter Regem  
& Subditos æquitatem, ad teſtificandum inter patrem & filium amo-  
rem, ad conciliandam inter fratres ſeniores & juniores concordiam, & ad  
dirigendam inter Superiores & Inferiores ſubordinationem.

Quæres 4. Quis ſinis Rituum Sinicorum in Ceremonia *Cy* Parentum  
defunctorum?

Reſpondeo 1. Lib. Rit. tom. 8. cap. 25. *Cy Tum* ſic: Ceremonia *Cy*  
Parentum defunctorum, eſt id, quo recolitur priſtina illorum alimo-  
nia, (quam nempe filius non poteſt ampliùs ſubminiſtrare) & filialis in  
eos obſervantia continuatur. Continuare filialem obſervantiam, eſt de-  
functos Parentes animo fovere. Sequi autem diſciplinam rectæ rationis,  
nec naturali humanæ conditionis ordini (qui nempe quintuplex, & pri-  
mus quidem eſt ordo amoris inter patrem & filium) adverſari, eſt men-  
te illos fovere. Idcirco filius obſequioſus triplicem habet modum ac  
normam, qua Parentibus inſerviat; dum vivunt, eos alit; dum obierunt,  
eis juſta perſolvit; poſt juſta perſoluta, eis facit Ceremoniam *Cy*; in eis  
alendis ſuam morigerationem, in juſtis perſolvendis ſuum luſum, in Ce-

B

remo-

ceremonia Cy faciendâ suam reverentiam, & hanc quidem statim cujusque anni temporibus patefacit. Hæc tria accurate adimplendo, filii obsequiosi munus adimplet.

Respondeo 2. Lib. Rit. tom. 5. cap. 10. *Li Ki*, sic: Ritus (colendi scilicet Parentes defunctos) sunt id, quo recordamur eorum, ex quibus nati sumus. Deinde Interpres *Chin Hao* sic ait: omnes res suam à Cælo trahunt originem, homines suam ab Avis. Quod Ritus spectant, est grates nostræ origini persolvere, nostrum principium recolere, nec unquam oblivisci eorum, ex quibus nati sumus.

Itaque quem finem, & quam originem habeant isti Ritus, ex his citatis textibus sat liquet. Nunc verò priusquam referam Ritus particulares, quibus Sinæ colunt suos Defunctos, oportet referre diversas Ceremoniarum Cy species, quibus non tantum Defunctos, sed etiam alia objecta colunt. Deinde quid de hominis anima sentiant, breviter etiam exponemus. Fusiores verò hac de re sermonem vide in aliis Tractatibus, in quibus ago de cognitione Dei & Spirituum, de Ceremoniis Sinarum erga Defunctos, & de Ethica Sinenſi.

## C A P U T II.

### De diversis Ceremoniarum, Cy speciebus apud Sinas.

**Q**Uæres 1. Quid significet vox Cy apud Sinas? Ceremonias enim, de quibus agimus, solent sæpe exprimere Sinæ per vocem Cy, videamus ergo quid hæc vox Cy ex se significet?

Respondeo 1. Dictionarium *Ta tsu gwei* in littera Cy sic habet: ista vox Cy, ait magnum libri *Xu Kim* Commentarium, idem significat, ac vox *Cba*: vox *Cba* autem significat *pertingere*, id est, hominis res seu servitium pertingit ad Spiritum.

Idem Dictionarium in littera *Cba*, sic habet: Ista vox *Cba* significat *inspicere, discutere, nōsse, pertingere, examinare, perpendere*. Paulò post: vox Cy, ait magnum libri *Xu Kim* Commentarium, idem significat ac vox *Cba*; vox *Cba* autem significat *pertingere*; quando hominis res seu servitium pertingit, tum dicitur Cy.

Re.

Respondeo 2. Aliud Dictionarium dictum *Chim tsu cum* in littera Cy, sic: insuper ista vox Cy, inquit Doctor *Chim*, significat *habere aliquam communicationem*; nempe homo habet cum Spiritu communicationem. Et Dictionarium *Pien Hay*: vox Cy, inquit, significat *Ciem* presentare, &c.

Ex his sat patet istam vocem Sinicam Cynon significare idem, ac latinam *sacrificare*, aut similem; idque clariùs adhuc apparebit ex diversis Ceremoniarum Cy speciebus infra enumerandis, quas promiscuè per vocem Cy exprimunt. Unde ista vox Cy est genus indifferens ad significandum vel sacrificium, vel simplicem oblationem, vel Ceremoniam civilis observantiæ. Itaque

Quæres 2. Quot sunt Ceremoniarum Cy species apud Sinas?

Respondeo has octo esse: 1. Quæ fit Spiritui cæli ac terræ. 2. Quæ fit quatuor anni tempestatum, solis, lunæ, stellarum, nimis siccitatis, nimis pluvie, montium, fluminum, quatuor orbis partium Spiritibus. 3. Quæ fit Spiritui frugum ac regionis. 4. Quæ fit quinque domus Spiritibus. 5. Quæ fit Parentibus defunctis. 6. Quæ fit Benefactoribus defunctis. 7. Quæ inter comedendum fit primis conediendi cibi ac potus Inventoribus. 8. Quæ fit in solemnibus visitationibus ac legationibus, aliisque ejusmodi solemnitatibus adventanti hospiti.

De 1. Sic Lib. Rit. tom. 8. cap. 23. *Cy fa*: Cremare animal & alia pretiosa in rotundo terræ aggeri, istud est Ceremoniam Cy seu oblationem facere Cælo; tumulare animal & alia pretiosa in quadrata aggeris fossa, istud est oblationem Cy facere Terræ; adhibetur rubri coloris vitulus. Sed Sinenses Authores dissident inter se circa hunc modum oblationis faciendæ Cælo & Terræ. Vide lib. *Hien uen tsu kao*. Vide etiam tractatum de cognitione primi Entis apud Sinas Cap. 2.

De 2. Sic idem Lib. tom. 8. cap. 23. *Cy fa*: pro faciendâ Ceremonia Cy quatuor anni temporibus, tumulatur animal in altioris aggeris scrobe; pro faciendâ Ceremonia Cy frigori, excavatur fossa; calori erigitur agger, (id est, dum tempus æstivum & hibernum advenit, aut discedit;) fit Ceremonia Cy Soli in loco, qui vocatur regium palatium; Lunæ in scrobe, quæ vocatur nox clara; Stellis in loco, qui vocatur veneranda obscuritas; nimis siccitati aut nimis pluvie in loco, qui vocatur venerandum suspitium; quatuor mundi plagis, & quatuor harum collateralibus partibus, in 4. fossis, & in quatuor aggeribus. Sed Sinen-

les Authores de hoc modo oblationis seu Ceremoniæ Cy faciendæ istarum rerum omnium Spiritibus, etiam inter se dissident. Vide prædictum librum *Hien nen tum kao*.

Rursus idem Liber Rit. tom. 3. cap. 5. *Vam Cbi*, sic : facere Ceremoniam Cy totius Imperii celebrioribus montibus ac maioribus fluminibus, solius Imperatoris est ; Regulus verò tantum potest Ceremoniam Cy facere celebrioribus montibus, ac maioribus fluminibus, quæ sunt in suo Regno ; id est, eorum Spiritibus, ut passim explicant Sinæ.

De 3. Lib. Rit. tom. 8. cap. 23. *Cy fa*, sic : Imperator erigit duo terræ suggesta ad faciendam Ceremoniam Cy Spiritui terræ ac frugum ; alterum pro omnibus sui Imperii incolis, quod dicitur primarium ; alterum pro se, seu pro sua urbe imperiali, quod dicitur imperiale. Regulus etiam erigit duo terræ suggesta ad faciendam Ceremoniam Cy Spiritui suæ regionis ac frugum ; alterum pro regni sui populis, quod dicitur regni suggestum ; alterum pro se, seu pro sua urbe regia, quod dicitur Reguli suggestum. Denique primarius Præfectus, seu Toparcha erigit etiam unum pro omnibus suæ toparchiæ incolis, quod dicitur specie suggestum, seu singulariter constitutum.

De 4. Liber Rit. tom. 3. cap. 6. *Yue lim*, sic : Mense verno fit Ceremonia Cy cubiculi Portæ, (id est, Spiritui) . . . mense æstivo, fit Foco . . . mense medio inter æstatem & autumnum, fit domûs Meditullio . . . mense autumnali, fit domûs Valvis . . . mense hiberno, fit domûs Viæ, (id est, Spiritui), vel juxta alios Spiritui putei.

De 5. Sic Lib. Rit. tom. 3. cap. 5. *Vam Cbi* : Ceremonia Cy, quam Imperator, & Reguli Parentibus defunctis faciunt, *Verna* vocatur *Yo*, id est, paucitas ; *Æstiva* vocatur *Ti*, id est, ordo ; *Autumnalis* dicitur *Cbam*, id est, degustatio ; hiemalis dicitur *Cchim*, id est, multitudo.

De 6. Lib. Rit. tom. 8. cap. 23. *Cy fa*, sic : Prisci illi virtute ac doctrinâ inclyti Imperatores sic faciendæ Ceremoniæ Cy Ritus instituerunt, ut iis qui præclara olim vivendi ac regendi præcepta tradidissent, fieret Ceremonia Cy ; iis qui publicæ utilitati ad profundendum usque sanguinem operam navassent, fieret Ceremonia Cy ; iis qui suâ diligentia ac laboribus labantem Imperii statum firmassent, fieret Ceremonia Cy ; iis qui magnis populorum calamitatibus opem tulissent, fieret Ceremonia Cy ; iis qui ingentia publica mala impediissent, fieret Ceremonia Cy.

Idem Lib. Rit. tom. 3. cap. 6. *Yue lim*, sic : Secundo mense verno fit

fit Ceremonia Cy Imperatori *Tay hao*, id est, *Fo bi*, Sinarum Conditori; & Principi *Keu Vam*, seu *Cbum*, filio Imperatoris *Xao hao*. Deinde interpretres *Chin hao* sic ait: Quia viri illi virtute & doctrinâ inclyti, qui Cæli legi obsequentes, verbo, & exemplo summæ perfectionis normam tradiderunt, optimè de populo in vita meriti fuerunt; ideo posteriores Imperatores tempore verno illis Ceremoniam Cy facere ceperunt. Eadem est ratio de aliis quatuor Imperatoribus ac Spiritibus, id est, Imperii Principibus, quibus juxta quatuor anni tempestates fiebat etiam Ceremonia Cy; scilicet in ejusdem libri eodem cap. sic: Secundo mense æstatis fit Ceremonia Cy Imperatori *Yen ti*, id est *Xinnum*, & Spiritui seu defuncto Principi *Cho yun*, alio nomine *Lie*, filio Imperatoris *Chuen bio*.

Mense medio inter ætatem & autumnum, fit Ceremonia Cy Imperatori *Hoam ti*, & Spiritui seu Principi *Hen tu*, alio nomine *Cho yun*, suprâ jam dicto.

Secundo mense autumnii, fit Ceremonia Cy *Xao hao*, & Spiritui seu Principi *Jo xeu*, alio nomine *Kay*, filio Imperatoris *Xao hao*.

Secundo mense hiemis, fit Ceremonia Cy Imperatori *Chuen bio*, & Spiritui seu defuncto Principi *Hinen mim*, alio nomine *Sien*, filio Imperatoris *Xao hao*.

De 7. Lib. Rit. tom. 1. cap. 1. *Kio li xam*, sic: Herus in mensa prior invitat hospitem ad faciendam Ceremoniam Cy; sic autem fit: quod prius infertur, de eo prius fit Ceremonia Cy; juxta successivum ferculorum ordinem peragitur Ceremonia. Tum ibi Interpretres *Chin hao*: prisci, inquit, ut Principium, à quo res incepterunt, non obliviscerentur, in quavis refectione ad singula escarum fercula desumebant tantillum cibi, & illud in vacuo vase supra mensam posito deponebant ad grates primis condiendarum epularum Authoribus persolvendas; & hoc vocabant Cy. Prisci, inquit Doctor *Chu bi*, solebant præsentare vel deponere, sinicè Cy, vinum in terra (nempe scyphum vini, vel fortè etiam vinum effundendo in terram), & escas in disco; idèque lignea aderat, quam replebant, lanx; ac expletis epulis illa auferebatur.

De 8. Lib. Rit. tom. 10. cap. 45. *Hiam yn* sic:

1. Præsentare vel humi deponere (sinicè Cy) escas ab hero datas, & vinum ab eodem datum, istud est magnificere dantis munus. Admovere dentibus pulmonem, istud est degustare dantis munus. Admovere vinum ori, istud est consummare dantis munus. Tum ibi Interpretres *Chin hao*:

*bas* : præsentare vel deponere, sinicè *Cy*, *escas*, inquit Doctor *Chim*, ab Hero datas : id est, Herus eas offert hospiti ; hospes mox ad storem accedens, oblatum carnis conditæ ferculum super eam humi deponit. Præsentare vel deponere, sinicè *Cy*, vinum : id est, hospes postquam humi deposuit *escas*, etiam deponit & vinum. Paulò post sic : hic autem ritus est id, quo hospes magni facit, ac reveretur offerentis Heri munus. Postquam hospes præsentavit vel deposuit, sinicè *Cy*, vinum, exurgens accipit pulmonem de ferculo & dentibus adinovel, quo videatur degustare offerentis Heri munus ; & ori vinum applicat, quo videatur illud consummare. Præsentare vel deponere, sinicè *Cy*, vinum, est quædam vocis appellatio, qua significat homo se illud non bibisse. Idcirco istæ voces præsentare vel deponere, sinicè *Cy*, vinum & *escas*, simul in textu junguntur, ut demonstraretur quanti offerentis munus ac rem æstimet hospes, quantumque eam reveretur.

2. Lib. *Kia li*, seu Rit. Domesticorum tom. 2. Agens de solemnitate, quâ primus pileus Adolescenti imponitur, sic : Ceremoniarum Præfectus, fuso in craterem vino, egreditur cubiculo, & stat à sinistris Adolescentis primo pileo donati. Præses Ceremoniæ, factâ prius pileato Adolescenti reverentiâ, accedit ad storem humi stratæ dextram partem, stansque Austrum versus, accipit à Magistro Ceremoniarum vini craterem ; Deinde, ad aliam festivitatis storem apud Adolescentem pergit, versoque ad Boream vultu, his verbis ei bene precatur : cùm vinum sit purum, & *escæ* ferculum bene odoriferum, ista accipe, & præsentata vel deponere, sinicè *Cy*, ad stabiliendam vitæ tuæ honestatem, & ad excipiendam Cæli prosperitatem ; totâ vitâ, quamvis senex, nè illud obliviscaris. Adolescens post unam leviolem, & binam profundiolem reverentiam, ascendit storem, versoque ad Austrum vultu excipit vini craterem ; & Præses ad suum locum rediens, ternam similem ei reverentiam restituit. Deinde Ceremoniarum Magister allatum è cubiculo *escæ* ferculum præsentat Adolescenti, qui dextrâ manu exceptum *escæ* ferculum, flexis genibus facit Ceremoniam *Cy*, deponendo illud humi ante storem, & laeva manu tantillum vini in terram effundendo. Tum surgens recedit ad cornu storem ; flexisque genibus tantillum reliqui vini ebibit, seu potius vini craterem ori tantum applicat. Quo factò surgit ; reddit craterem Ceremoniarum Præfecto ; *escæ* ferculum famuli auferunt ; Adolescens ternâ corporis inclinatione gratias agit Præfidi, qui illam eodem modo ei restituit.

Idem

Idem Lib. *Kia li*, seu Rituum Domesticorum, impressus Anno 1701. tom. 8. artic. *Kiu hiam tsa y*, id est, variae urbanitates inter ejusdem loci incolas vel concives, sic ait de mutuis visitationibus: Herus assurgens accipit vini scyphum, versoque ad Ortum vultu, (scilicet ad hospitem externum illic extantem) flexis genibus facit Ceremoniam Cy; id est, tantillum vini in terram effundit; dein surgit; & postquam stando illud bibit, scyphum restituit Magistro Ceremoniarum. Dein statim ibidem narrat, quomodo externus hospes eodem modo resalutet hospitem Herum, sive ei repropinet.

3. Lib. *Xu kim*, seu Annal. imperialium tom. 5. cap. *Lo kao*, sic Princeps *Cheu kum* loquitur: Imperator, (nempe *Chim uam*) venire jussit, qui mandata sua populo exponeret; simulque jussit ad recreandos meos labores, duabus vini ex milio nigro & herba fragrantissima *Cbam* confecti amphoris me donari dicendo: hoc est mundi cordis munus honorificum, sinicè *Tu*; reverenter illud excipe. Ego non ausus statim istud vinū bibere, cum eo feci Ceremoniā Cy defunctis Parentibus *Ven uam* & *Vu uam*. Tum Interpres *Tray xin*, sic: ista vox *Tu*, id est, *Honor*; nimirum eo ritu, quo Spiritus seu defuncti Parentes coluntur, voluit Imperator colere Principem *Cheu kum*. Vinum, inquit Doctor *Su*, ex nigro milio confectum, herbisque odoriferis *To* & *Cbam* commixtum, seu illarum succo temperatum, est id, quo fit Ceremonia *Quon*; (id est, vinum odoriferum praesentatur, vel in terram effunditur.) Inter omnes, qui in parentali Majorum Aula fiunt Ritus, nullus est celebrior ac honoratior, quam istius vini Ceremonia *Quon*. Ratio autem cur Imperator venire jussit, qui mandata sua populo praeteritae imperiali Familiae *Tu* exponeret, & duabus vini odoriferi amphoris labores Principis *Cheu kum* recrearet, dicendo: *Hoc est mundi cordis munus honorificum: illud reverenter excipe*; fuit, quia eo ritu, quo Spiritus intelligentes seu defuncti Parentes coluntur, voluit Principem *Cheu kum* colere. Prisci enim cum habebant hospitem omni exceptione majorem, hoc praesentandi, sinicè *Quon*, ritu illum honorabant; vinum purum aut clarum praesentabatur; sed quamvis homo sitiret, illud non bibebat; Deinde caro exsiccata praesentabatur: sed quamvis homo esuriret, illam non comedeat; ideo in isto praesentandi, seu *Quon* Ritu, etiam aderat carnei ferculi munus. Ecquae sanè major veneratio adhiberi potest? Numquid igitur iste Ritus est sicut parentalis Ceremonia Cy?

4. Lib. Rit. tom. 3. cap. 5. *Vam chi* sic: Imperatores Familix *Hia* solebant uti Ritu *Hiam*. Ritus *Hiam*, inquit Interpres *Chin hao*, est ille, in quo præsentatur carnis ferculum, sed illa non comeditur; impletur scyphus vino, sed illud non bibitur; statur, & non sedetur; juxta variam personæ nobilioris, aut ignobilioris conditionem, majori aut minori Ceremoniæ iteratæ numero Ritus absolvitur. Verumtamen hic Ritus dumtaxat erga quatuor hominum genera servatur. 1. Erga Regulos ad curiam Imperialem accedentes. 2. Erga Imperatoris consanguineos, ac Regulorum Legatos. 3. Erga externorum Principum legatos. 4. Erga præterianorum militum Duces, Senes, & Orphanos; sed hi ad satietatem usque, vino recreabantur.

5. Lib. Rit. tom. 9. cap. 30. *Fam ki*, &c: Ad honorem alicui exhibendum, inquit Confucius, vasa, quæ in Ceremonia *Cy* usui sunt, adhibentur.... Quocirca Sapiens nec parcitate negligit, nec prodigalitate Ritus perdit. Hinc in Ritu, in quo solemniter hospiti caro offertur, (ut jam dixi, Lib. Rit. tom. 3. cap. 5.) si Herus ipsemet eam offerat, statim hospes acceptam humi deponit, sinicè *Cy*; si ipsemet non offerat, hospes non deponit. Deinde Interpres *Chin hao* sic: omnibus illis discis, ollis & aliis vasis, quæ Ceremoniæ *Cy* inservire solent, hospites inter se utuntur ad representandum mutuum suum honorem. Jam verò tam ille, qui parcitate negligit, quàm qui prodigalitate perdit Ritus, non potest dici honorem exhibere. Dum Herus ipsemet carnis ferculum præsentat hospiti, censetur hospitem honore afficere; Deinde dum hospes facit Ceremoniam *Cy*, illud humi deponendo, censetur Herum honore afficere.

Quæres 3. Quænam sit distinctio ac diversitas inter has omnes Ceremoniarum *Cy* species?

Respondeo: hæc diversitas maximè petitur tum à diversitate appellationis, tum à diversitate Rituum, tum à diversitate finis. Itaque de singulis hæc sint:

1. De diversitate appellationis.

Lib. *Xu kim*, seu Annal. Imperial. tom. 1, cap. *Xun tien*, sic interpretis *Tsay xin*: Ceremonia *Cy*, quæ fit caeli Domino *Xam Ti* ob causam specialem, dicitur specificatio, sinicè *Luy*; quæ quatuor anni tempestatum, frigoris, caloris, solis, lunæ, stellarum, siccitatis, pluvix venerandis Spiritibus, dicitur interior animi sensus, sinicè *Tu*; quæ fit celebriorum montium ac majorum fluminum Spiritibus, dicitur prospectus, sinicè

*Vam*;



*Vam*; quæ sit reliquis omnibus Spiritibus, dicitur universitas, sinicè *Pien*.

Debere autem intelligi solis, lunæ, stellarum *spiritus*, non solem, lunam, stellas &c. id ipsum expressè dicit Dictionarium *Ta tsu gwey* in littera *Yum*, citans librum *Tso chuen*, & qua occasione fiat illis Ceremonia Cy.

Sic etiam Liber Rit. tom. 3. cap. 5. *Vam chi*, ait: Ceremonia Cy, quam Imperator in bellum protecturus facit cæli Domino *Xam Ti*, dicitur *specificatio*; quam facit terræ seu regionis Spiritui, dicitur *convenientia*; quam facit Majoribus defunctis in parentali ipsorum Aula, dicitur *accessus*.

Omitto alias ejusmodi Ceremoniarum Cy diversas appellationes; nonnullas adhuc vide infrà in decursu.

2. De diversitate Rituum.

Liber Rit. tom. 5. cap. 11. *Kiao te sem*, sic: Imperator ad faciendam Cælo Ceremoniam Cy, adhibet speciale & unicum animal, scilicet tenellum vitulum; ad eam faciendam regionis ac frugum Spiritui, adhibet bovem, ovem, & porcum. Dum Imperator reguli Regnum invisit, Regulus ei offert unicum dumtaxat tenellum vitulum; contra dum Regulus invisit Imperatorem, Imperator ei offert bovem, ovem, porcum, seu donat.

Lib. Rit. tom. 5. cap. 11. *Kiao te sem*, iterum sic: Si vitulo destinato ad offerendum cæli Domino, id est, *Xam Ti*, infausi aliquid acciderit, tunc accipiat bos destinatus ad præsentandum Principi *Hen cie*, Imperialis Familiæ *Chen* conditori. Vitulus destinatus cæli Domino debet per trimestre spatium in nitido ac separato caulæ loco ali; destinatus autem Principi *Hen cie*, quilibet bos potest adhiberi; idque fit ut cultus, qui cæli Spiritui exhibetur, distinguatur à cultu, qui hominis defuncti animæ redditur.

Idem Lib. Rit. tom. 3. cap. 5. *Vam chi*, sic: Vitulus qui litatur Cælo ac Terræ (nempe cæli ac terræ Spiritui), ita debet esse tener, ut ei tantum incipiant pullulare cornua instar bombycini glomeris, aut castaneæ. Vitulus autem, seu bos, qui Majoribus defunctis in parentali eorum Aula præsentatur, habet cornua quatuor digitis alta. Denique bos, qui illustribus hospitibus offertur, cornua habet uno cubito alta.

Idem Lib. Rit. tom. 5. cap. 10. *Li ki* sic: Imperator dum visitat Reguli Regnum, Regulus ei unicum dumtaxat tenellum vitulum offert. Dum vero Reguli se invicem invisunt, sibi præsentant vinum odoriferum ex herbis *To* & *Cham* confectum, sed carnis ferculum non offertur.

Primarius tamen Præfectus dum advenit agendo legationem, solemne carnis exsiccatae & conditæ ferculum ei præsentat Regulus. Tum interpres *Chin hao* ibidem hæc addit : Dum Imperator Cælo sacrificat, unico tantum vitulo utitur, dumque visitat Reguli Regnum, Regulus etiam unicum tantum ei offert vitulum, quia nempe eo Ritu Imperatorem veneratur, quo Cælum Imperator.

Idem Lib. Rit. tom. 5. cap. 11. *Kiao te sem*, sic : Dum Imperator ad faciendam Ceremoniam *Cy*, seu ad litandum Cælo vadit, currus, quo vehitur, est ligneus, seu ex simplici ligno confectus, vulgaris, sine ornatu, & equi perparce exornati. In hoc Cæli litamine, primum offertur sanguis, deinde caro cruda, postea caro semicocta, denique caro penitus cocta. In Ceremonia *Cy*, quæ fit omnibus simul Imperatorum Majoribus defunctis, primum sanguis unâ cum carne cruda, postea caro semicocta, postea caro penitus cocta præsentatur. In Ceremonia *Cy*, quæ fit Spiritui regionis ac frugum, atque quinque domus Spiritibus, primum sanguis, caro cruda, & caro semicocta simul offertur, postea caro penitus cocta. In Ceremonia *Cy*, quæ fit aliis Inferioris ordinis Spiritibus, tantum semel vinum, & caro cocta præsentatur. Maxima veneratio non consistit in ciborum ac saporum degustatione; sed quod plurimi sit, est suffitus, & odoriferi aeris fragrantia.

Quando aliquis Regulus invisens Imperatorem tractatur ut hospes, Imperator vinum ex nigro milio, & ex herbis odoriteris *Yo* & *Cham* ( alio nomine *Kin biam* ) confectum ei præsentat, vel in terram effundit, sicut *Quon*. Quod autem in hac vini præsentandi vel effundendi Ceremonia spectatur, est ille odorifer suffitus. Deinde in magno præsentandi Ritu, id quod maximi fit, est illud odoriferum carnis ferculum gingibere & cinnamo bene conditæ. Deinde Interpres *Chin hao* sic : magnus præsentandi Ritus est ille, quo Imperator honorificè tractat Regulos : dum hic peragitur, quamvis apponatur bovis integri ferculum, prius tamen ad stercem humi apponitur odoriferum carnis gingibere & cinnamo bene conditæ ferculum; postea reliqua fercula. Ideirco dicitur maximi fieri carnis gingibere & cinnamo conditæ ferculum. Hinc patet istum Ritus non fieri ad sapes & cupedias degustandas.

Dictionarium *Ta tsu guey* in littera *Quon*, sic : In parentali Majorum defunctorum Aula ( faciendo nempe Ceremoniam *Cy* ) adhibetur Ceremonia *Quon*; dum autem litatur magno Spiritui cæli ac terræ, illa non adhibetur.

Sunt

## Cap. II. De diversis Ceremoniarum Cy speciebus. 19

Sunt adhuc multæ aliæ istorum Rituum diversitates, quas omitto, nè sim longior; uti & in decursu rursus videre aliquas licebit.

### 3. De diversitate finis.

Lib. Rit. tom. 5. cap. 10. *Li ki*, sic: Litare supremo cæli Domino; seu *Xam Ti* in suburbano terræ aggere, est testari summam venerationem; parentare Majoribus defunctis in parentali eorum Aula, est testari summam pietatem; Defunctis exequias juxta Ritus persolvere, est testari summam fidelitatem; lugubres vestes, & instrumenta pro sepultura procurare, est testari etiam summam pietatem; illustribus hospitibus munera serica offerre, est testari summam æquitatem.

Idem Lib. Rit. tom. 5. cap. 11. *Kiao te sem*, sic: Ceremoniæ Cy, aliæ fiunt ad rogandum (nempe cæli Dominum, seu *Xam Ti*, vel alios Spiritus. Vide ibi Interpretes, in tract. 2. de Philosophia Sinica,) aliæ ad gratias agendas, aliæ ad expellenda mala, rogando nempe cæli Dominum, vel Spiritus; non enim ibi agitur de Ceremonia Cy Parentum Defunctorum; sed Ceremoniarum Cy species tantum generaliter ibi referuntur.

Idem Lib. Rit. tom. 1. cap. 1. *Kio li xam* sic: Quoad Ceremoniam Cy, alia est quæ spectat postulationem, alia quæ spectat externæ pompæ ornatum, alia quæ spectat escarum exhibitionem, alia quæ spectat cordis tranquillitatem.

Denique idem Lib. tom. 8. cap. 25. *Cy tum* sic: In Ceremonia Cy hæc decem rationes eluecent: norma cultûs erga Spiritus, æquitas inter Regem & Subditum, ordo inter Patrem & filium, discrimen inter nobilem & ignobilem, diversitas inter propinquum & extraneum, retributio inter dignitates & merita, differentia inter maritum & uxorem, æqualitas inter administrationem & negotia, subordinatio inter seniores & juniorem, connexio inter Superiorem & Inferiorem.

Quæres 4. Quibus licitæ essent varix istæ Ceremoniarum Cy species?

Respondeo. Lib. Rit. tom. 1. cap. 2. *Kio li bia*, sic: Imperator in anni decursu facit Ceremoniam Cy Cælo ac Terræ, (id est, Spiritui) quatuor mundi plagis, montibus ac fluminibus, quinque domûs Spiritibus. Regulus in anni decursu facit Ceremoniam Cy, tantum montibus ac fluminibus suæ ditionis, & quinque domûs Spiritibus. Primarius Præfectus, seu Toparcha in anni decursu facit Ceremoniam Cy, tantum quin-

que domus Spiritibus. Denique Doctor, seu vir litteratus tantum facit Ceremoniam Cy Majoribus suis defunctis.

Idem Liber Rit. tom. 3. cap. 5. *Vam chi*, sic : Filius secundariæ uxoris, nisi in absentia legitimi Primogeniti, non potest ( nempe solemniter ) facere Ceremoniam Cy Majoribus suis defunctis. Ibidem : vir Doctoru, seu litterarum laurea donatus potest habere unam Parentalem domum in qua Majoribus suis defunctis faciat Ceremoniam Cy ; sed vir plebeius, cum non liceat ipsi habere Parentalem ejusmodi domum, potest tantum in sua domo facere Ceremoniam Cy Parentibus suis defunctis.

Ex his diversitas omnium istarum Ceremoniarum Cy sat patet. Nunc quid de Anima nostra ac Spiritu iidem Sinæ sentiant, videamus ; plenorem tamen de his sermonem vide in Philosophia Sinica.

### C A P U T III.

#### De Mente Sinarum circa hominis Animam, & Spiritum.

**Q**Uæres 1. Quid libri Sinarum antiqui, & classici dicant de hominis Anima ?

Respondeo 1. Lib. Annal. Imperial. tom. 3. cap. *Tam kao*, sic : Maximus ille cæli Dominus homini infundit internam naturæ rectitudinem. Qui isti rectitudini obsequitur, hic habet naturam prout omnibus hominibus communis est.

2. Idem Lib. Annal. Imper. tom. 1. cap. *Ta yu mo* sic : Hominis seu humanæ cupiditatis cor, ( nempe appetitus sensitivus ) valde periculosum est : viæ seu rectæ rationis cor, ( nempe appetitus rationalis ) valde subtile.

3. Lib. Annal. Imperial. tom. cap. *Tay kia xam* sic : Prædecessor tuus ( scilicet Imperator *Chim tam*, tuus Avus ) semper ante oculos habebat lucidam illam Cæli legem.

4. Lib. Carminum tom. *Ta ya*, odâ *Chim min* sic : In omnibus istis populis, quos Cælum producit, inest & materia & forma.

5. Idem Lib. Carminum *Ta ya*, odâ *Ven vam*, agens de defuncto Principe *Ven vam*, sic : sursum existens Princeps *Ven vam*, proh ! quam ful-

fulgidè in cælo resplendet ! . . . sive descendat, sive ascendat, semper est à dextris, aut sinistris cæli Domini seu *Xam Ti*.

6. Lib. *Te kim*, seu mutationum ac product. tom. 3. part. *Hi tsu xam*, art. 5. sic : quod nec quiete *In*, nec motu *Tam* potest comprehendì, id dicitur Spiritus.

7. Lib. Rit. tom. 8. cap. 24. *Cy 7*, sic : Ego quidem, inquit discipulus *Tsay ngo* interrogans Magistrum suum Confucium, sæpius audiivi Spiritus destruentis & producentis nomen, sed necdum satis scio, quid illud significet, vel quid sit Spiritus destruens ac producens. Sic illi Confucius : Aura vitalis est clara Spiritus producentis manifestatio, corpus organizatum, est clara Spiritus destruentis manifestatio ; ultima autem doctrinæ meta consistit in conjunctione Spiritus producentis & destruentis. Quicumque vivit, debet mori ; mortuus in terram revertitur, & dicitur Spiritus destruens ; id est, à Spiritu abeunte destructus ; cadaver tumulo illatum postquam putrefactum est, resolvitur in terram agrestem ; vitalis autem illius aura sursum se prodens resplendet, reverentiamque ac timorem simul inspirat.

8. Liber *Ta bio*, seu Adulorum doctrina art. 1. sic : Ratio doctrinæ Adulorum consistit in reparando luminosæ suæ facultatis primitiva claritate.

9. Lib. *Chum yun*, seu immutabile Medium art. 1. sic : Cæli lex est natura, scilicet in actu primo.

10. Memc. Lib. 2. cap. 7. *Cin sin xam* sic : Quod homo sine arte & discendi labore potest agere, id ex naturali ejus agendi seu volendi facultate provenit ; quod sine studio & meditandi cura potest scire, id ex naturali ejus intelligendi facultate proficiscitur. Omitto alia multa ejusmodi.

Quæres 2. Quomodo hos originales librorum antiquorum textus explicent sinici Interpretes recentiores ?

Respondeo. Ad 1. sic Interpres *Tsay xin* : Interna naturæ rationalis rectitudo est illa lex, quam Cælum infundit, & quæ complectitur pietatis, æquitatis, honestatis, intelligentiæ, veritatis rationem, ( nempe semen harum virtutum ) nec ad ullam partem sive dexteram, sive sinistram declinat. Id autem quod dicitur natura, est illa Cæli lex, quam homo recipit, complectens congenitam pietatis, æquitatis, honestatis, intelligentiæ, veritatis rationem. Quatenus interna illa rectitudo infunditur,

ad nullam partem declinat; quatenus naturali illius ductui homo obtemperat, tunc habet naturam, ut est omnibus hominibus communis.

Ad 2. Idem Interpretes *Tsay xin*, sic: Cor seu animus, est hominis intelligentia & advertentia prout in medio illius præsidet ac dominatur, rebusque omnibus advenientibus occurrit ac respondet. Dum in res corporeas ac sensu perceptibiles erumpit, tunc vocatur hominis seu humanæ cupiditatis cor; dum in res rationi & æquitati consentaneas tendit, tunc vocatur viæ seu rectæ rationis cor (nempe appetitus rationalis, & sensitivus;) quia autem humanæ cupiditatis cor facile pravitatem, difficile honestatem amat, ideò dicitur periculosum; & quia rectæ rationis cor difficile luce, facile tenebris potitur, ideò dicitur subtile.

Ad 3. Idem Interpretes *Tsay xin*, sic: Ista vox *lucida Cæli lex*, id est, excelsi Cæli resplendens Ratio, quæ nobis legem imponit. Illa prout est in Cælo, dicitur lucida lex; prout est in homine, dicitur lucida facultas, nempe rationalis facultas.

Ad 4. Sic Interpretes *Cham kiu chim*, in Lib. Memcii: Ista vox *materia* significat corpus, ac rem sensibilem; ista vox *forma* significat rationem, & agendi viam.... Cælum in producendo homine postquam illi indidit æream seu sensibilem materiam ad formandum corpus, postea infundit rationem ad perficiendam naturam.

Ad 5. Interpretes *Chu bi* sic: Hic articulus asserit defuncti Principis *Ven vam* Spiritum sursum exillere & in cælo resplendere... quia Principis *Ven vam* Spiritus in cælo existens sive descendat, sive ascendat, est semper à dextris vel sinistris supremi cæli Domini sinicè *Xam Ti*; ideò nepotes largo prosperitatis beneficio, Imperium possident.

Ad 6. Interpretes *Chim* sic: Quod nec representatione inquiri, nec instrumentis, seu re materiali apprehendi potest, id dicitur Spiritus.... si velis Spiritum videre, non potes; si scire, non potes; doctrina mutationum ac productionum non est ejus substantia. Cum igitur non habeatur ejus proprium nomen, nomine adscititio vocatur Spiritus; Spiritus omnes res exornat ac transcendit.

Ad 7. Sic Interpretes *Cy*: Id quo hominis corpus se movet & operatur, est aura vitalis; quando abiit istius auræ vitalis intelligentia ad motum *Yam* pertinens, dicitur Spiritus, sinicè *Xin*; hæcque perfecta ac pura intelligentia, quatenus non potest celari, dicitur clara Spiritus producentis manifestatio. Deinde id, quo hominis corpus organizatur ac for-

formatur, est vita sensitiva; quando ablit istius vitæ sensitivæ intelligentia ad quietem *in* pertinenens, dicitur Spiritus destruens, sive *Quay*; ex quo hæc perfecta intelligentia exit, dicitur clara Spiritus destruents manifestatio; nempe Anima prout est & rationalis, & sensitiva.

Ad 8. Sic Interpres *Cham kiu chim*: Clara illa facultas, est humani cordis ab omni specie sensibili vacui, spiritualis, intelligentis, clari, capacis omnium rerum rationes comprehendendi, & omnibus rebus occurrendi ipsamet substantia seu essentia; sed quia crescente ætate nostrum illud cor seu animus, vel ob ingenii hebetudinem, vel ob rerum mundanarum cupiditates sæpius obscuratur, idè oportet diligens studium adhibere ad tollendam illam ingenii hebetudinem, & expellendas istas pravas rerum mundanarum cupiditates, ut possit primitiva cordis nostri claritas restaurari, sicut offuscatus speculi splendor poliando restauratur.

Ad 9. Sic idem Interpres *Cham kiu chim*: Nullus est homo qui naturam (nempe rationalem) non habeat: sed unde hoc naturæ nomen? Cælum in producendo homine postquam illi aërem, seu materiam sensibilem indidit ad formandum corpus, eidem infundit rationem ad perficiendam naturam. Hæc ratio, prout in Cælo est, dicitur Principium primum seu magnum, communicativum, directivum, perfectivum; prout in homine est, dicitur pietas, æquitas, honestas, intelligentia congenita, seu inchoata; hujus rationis infusio & receptio est instar legis ac præcepti à Cælo impositi. Idcirco dicitur: natura est Cæli lex, scilicet in actu primo.

Ad 10. Idem Interpres *Cham kiu chim* sic: Omnis homo scit quidem se habere naturam, sed sæpe nescit eam à Cælo ortam.

Quæres 3. Quid alii Authores dicant de hominis Anima & de Spiritu?

Respondeo 1. Lib. Brevis naturæ & rationis expositio tom. 3. art.

*Quay xin* sic: quod attinet ad explicationem Spiritus producentis & destruents, inquit Doctor *Cham*, si hunc conjunctim spectes; dum advenit nec sensu percipitur, vocatur *Xin*, Spiritus producens seu veniens; dum abit nec ampliùs revertitur, vocatur *Quay*, Spiritus destruens seu abiens. Si eum divisim spectes; quæcumque cæli, terræ, montium, fluminum, ventorum, fulminum vitalis aura, cum qua mutuam habere potest homo communicationem, (nempe quicumque harum rerum Spiritus) vocatur *Xin*, Spiritus producens seu veniens, vel se communicans. Majores defuncti parentalis domus vocantur *Quay*, Spiritus qui abivit, vel

vel Spiritus destruens, id est, à Spiritu abeunte nec revertente destructi. Deinde si species hominis, & aliarum rerum naturam (nempe naturantem,) dum ex materiæ & formæ conjunctione producuntur, vocatur Spiritus produciens; dum destruuntur ac pereunt, vocatur Spiritus destruens. Denique si solus hominis naturam species; Animæ aura seu vita spiritualis dicitur Spiritus produciens; corporis vita sensitiva dicitur Spiritus destruens. Quidquid in libris Classicis vocatur Spiritus produciens ac destruens, ad his species reduciuntur.

Idem sic Interpret *Hoam*: post multos à morte annos quamvis Avorum, aut Majorum vitalis aura sit dissipata, causa tamen vitalis auræ eorum nunquam cessat agere cælum inter & terram, seu in mundo; deinde quamvis perfecta Avorum vitæ species, non amplius persistat; illa tamē perfecta vitæ species, quam ego accepi, est perfecta Avorum vitæ forma ac species. Jam verò quando ego utens illā perfectā vitæ specie quam accepi, tracto cum causa Avorum vitalis auræ ac Spiritus, tunc ex utroque illo vitalis auræ concursu Majores defuncti fiunt magnificā specie velut spectabiles.

2. Lib. *Su xu mum yn* tom. 3. in lib. Immutab. Medii art. 16. sic: Spiritus destruens ac produciens, inquit Doctor *Chim*, est Cæli ac Terræ opera, rerumque Effectoris vestigia, (sumpta nempe per metonymiam, effectus pro causa, ut patet ex ipso textu, & interpretatione hic, & alibi); Doctor *Chim* veritus, ne litterarum Alumni Spiritum destruentem ac producentem quærent in quadam recondita & abstrusa patria, idcirco dixit *Cali*, ac *terra opera*, rerumque *Effectoris vestigia*. *Vestigis*, inquam, quia Spiritus destruens ac produciens per hæc nonnihil se prodit visui & auditui nostro; proprius enim & originalis hujus loci sensus est, quod Spiritus destruens ac produciens nec videri, nec audiri possit; sed ita corpora penetret, ut ab eis non separetur. Ista verba *Cali ac terra opera* idem significant, ac hæc, *rerum Effectoris vestigia*. Hæc verò, *rerum Effector*, indicant cælum ac terram, ut id, in quo ipse agit. Et paulò post: Jam verò illud cælum omnia regens, terra omnia sustinens, sol & luna omnia illustrans, quatuor anni tempestates sibi invicem succedentes, ventorum, nubium, imbrum, roris vicissitudines: hæc omnia possunt & visu & auditu percipi, ideoque non possunt dici Spiritus produciens & destruens; sed sunt tantum ejus vestigia & effecta. Spiritus verò produciens & destruens est illa vitalis auræ vis motrix iens & rediens, quæ in illis tacite & arcane agit. Qui sanè ille possit aut visu, aut auditu per-



percipi? Ceterum quamvis Spiritus destruens ac producens non possit visu, & auditu percipi, in ipsis tamen rebus cum vides; qui enim per conjunctionem quietis *Tu*, & motus *Yam* dat rebus incipere, est ille Spiritus se extendens & se communicans; qui dat rebus desinere, est ille Spiritus se colligens & rediens.

3. Lib. *Chum jum* art. 16. Interpres *Chu bi* sic: Spiritus destruens ac producens, inquit Doctor *Cham*, est naturale duplicis vitalis auræ Principium. Ego autem arbitror istud sic explicandum: si Spiritus destruens ac producens exprimitur per duplicem vitalem auram, Spiritus destruens erit quietis *Tu* Intelligentia; Spiritus producens, erit motus *Yam* Intelligentia. Si autem per unicam vitalem auram: Spiritus veniens, & se extendens seu se communicans, erit Spiritus producens; Spiritus rediens & se colligens, erit Spiritus destruens; reapse verò una & eadem res, sive unum & idem Principium.

Quæres 4. Quid significant istæ voces *Tu*, & *Yam*?

Respondeo: Lib. Brevis naturæ & rationis expositio tom. 3. art. *Tu Yam* sic: Istæ voces *Tu Yam*, inquit Doctor *Chim*, sunt tantum quidam productionis & definitionis termini, seu modi; reliquæ nondum in suo statu positæ ratio.

Lib. *Sim li ta ciuen* tom. 8. art. *Tu Yam*, sic: Istæ voces *Tu Yam*, inquit Doctor *Chu bi*, nihil aliud indicant, quam vitalem auram, scilicet *Ki*; dum vitalis aura ex quiete transit ad motum, dicitur *Yam*; dum ex motu transit ad compositionem nempe quietem, dicitur *Tu*: unde *Tu*, & *Yam* non sunt verè duæ res, quæ sibi invicem opponuntur. Idem art. *Tay kie* sic: motus & quies, dicitur vitalis aura.

Ex his, & aliis patet, quod istæ voces *Tu* & *Yam*, apud Sinas passim & penè ubique adhibitæ, generalissimè loquendo, nihil aliud significant, quam quietem & motum; vel potius transcendentalem relationem & quietis ad motum, & motus ad quietem. Vide plura in Philosophia Sinica, Tractatu 1. de cognitione primi Entis apud Sinas.

Præterea istas duas voces *Tu* & *Yam* applicant Sinæ ad innumera alia: v. gr. materia est *Tu*, forma *Yam*; nox est *Tu*, dies *Yam*; luna est *Tu*, sol *Yam*; modus agendi terræ & ipsa terra est *Tu*; modus agendi cæli & ipsum cælum est *Yam*; femina est *Tu*, masculus *Yam*; numerus affixus symbolis seu notis ænigmaticis libri *Ye kim*, par, est *Tu*; impar, est *Yam*; anni decursus, à solstitio æstivo usque ad hibernum, est *Tu*; ab hiberno usque ad æstivum, est *Yam*; homo mortuus est *Tu*, vivus *Yam*, &c.

Sed hæc pauca sufficiant ad noscendam utcumque Sinarum mentem circa naturam Spiritûs, & animæ. Antiqui videntur clariùs de vera illius essentia, & immortalitate loqui; recentiores paulò implexiùs; imò hi videntur asserere animam hominis unà cum corpore perire; quamvis id possit intelligi de sola vitæ dissipatione, non de Spiritûs seu Animæ Ratione; nam Ratio apud illos semper persistit.

## C A P U T IV.

### De funebribus Ritibus à morte hominis usque ad triennium, quo durat luctus funeralis.

**Q**UÆRES 1. Quinam Ritus instante hominis morte?  
 Respondeo 1. Lib. Rit. tom. 8. cap. 22. *Sam ta ki*, sic: Ægro graviter ægrotaute tota domus diligenter verratur (nempe ob hospites adventuros,) & deponatur æger in Borealem fenestram capite ad Orientem vergente.

2. Lib. *Kia li*, seu Rit. Domestic. tom. 4. *Sam li* sic: Imminente morte, ægri lectus in mediam Aulam transferatur, si nempe sit Mater, aut Pater honoratior; si sit alius, in medium suum conclave; (capite, addit glossator *Tam*, ad Orientem verso; id enim est vivificantem aërem excipere.) Prohibeatur omnis tumultus & clamor. Femina non debet mori inter manus viri, nec vir inter manus feminæ; scribatur testamentum; novæ vestes ægro superponantur; globulo gossipii inter os & nares posito exploretur, utrùm expiraverit. Ubi expiravit, electo deponatur super stratum humi floream, & cooperiatur &c.

3. Lib. Rit. tom. 1. cap. 1. *Kio li xam*, sic: Mortui corpus dum est adhuc super lectum, dicitur *Xi*, id est, expositum ad tempus: dum est intra feretrum, dicitur *Kieu*, id est, diuturnum. Tum Interpres *Chin hao*: antiquitus ubi quis extremis morbi doloribus premebatur, antequam expiraret, cum deponebant super terram; postquam expirarat, cum reponebant super lectum; id autem ideò faciebant, quia omnis homo initium vitæ trahit à terra; hinc ægrum morti vicinum iterum reponebant, ubi vivere inceperat, exoptando ut à morte evaderet; atque ita hominis vitam magnificiebant.

Quæ-

Quæres 2. Quinam Ritus statim post mortem?

Respondeo 1. De *Defuncti inelamatione* sic Lib. Rit. tom. 1. cap. 2. *Kio li hia* : Ad significandum Imperatorem esse mortuum, dicitur : *Imperii Restor occidit* ; ad inelamandum eum , ut redeat , dicitur : *Celi fili, redi*. Tum Interpres *Chin hao* : dum homo moritur, corpus & Spiritus à se invicem disjunguntur ; olim accipiebant Defuncti vestes & ascendebant in superiorem domûs partem, faciêque ad Boream versâ, inelamabant Defuncti animam ut in mortuum corpus rediret ; adeò siquidem optabant ut ille revivisceret ; idcò id vocabatur, *redi*.

Idem Lib. Rit. tom. 8. cap. 22. *Sam ta ki*, sic : Ad subeundam superiorem domûs partem, scalæ apponuntur à sylvarum, & montium Præfectis, si adsint ; sin minùs : à muficis, & comædis.... ab orientali domûs angulo subitur, & in medio domûs fastigio facie ad Boream versâ ter inelamatur. Tum Defuncti vestes collectæ deorsum projiciuntur, & ab earum Præfecto recipiuntur. Ad quem locum Interpres *Chin hao* sic : ter inelamatur, inquit, id est, prima inelamatio fit fursum versùs, optando, ut anima è cælo redeat ; 2. deorsum versùs, optando ut anima è terra redeat ; 3. medium versùs, optando ut anima è quatuor mundi partibus cælum inter & terram redeat. De hac terna inelamatione agit etiam Lib. *Kia li* tom. 4. *Sam li*.

Idem Lib. Rit. tom. 2. cap. 3. *Tan kum xam* : Imperator defunctus inelamatur ut redeat, in anteriori & posteriori tum propinquorum Majorum, tum Familiæ conditoris Parentalis palatii parte ; in Regiæ Aulae porta, in quatuor mundi plagis extra Urbis portam. Deim Interpres *Chin hao* refert Authorem *Ma* sic loquentem : Imperator defunctus inelamabatur in his locis ad redeundum, quia vitalis animæ aura post obitum nondum ab his locis, quibus in vita affuefacta erat, discesserat. Sed hujus Authoris mens non videtur cum aliis sat cohærere.

*Motivum inelamandi* Defunctum, sic habet idem Lib. Rit. tom. 2. cap. 4. *Tan kum hia* : inelamare Defunctum ut redeat, est modus, quo omnis amoris affectus exhauritur ; sic nempe inelamando, habet homo adhuc istum animum, quo ægri sanitatem ardebat, dum pro ejus recuperatione offerebat dona & preces. Prospicere utrùm redeat ex tenebrosa regione, est modus quærendi defunctorum Spiritus ; vertere faciem ad sepientrionem, est modus quærendi regionem tenebrosam. Deinde Interpres *Tuen* sic : tempore morbi offerebat dona & preces quinque domûs

Spiritibus pro ægri recuperanda valetudine, quod non potuit obtinere. Post mortem, dum Defunctum inclamat, habet adhuc istum animum, quo tunc offerebat ista dona & preces &c. Regio tenebrosa, est locus Spirituum, seu Defunctorum &c. Septentrio enim, est tenebrarum locus.

2. De *unione*, vel *alia re* ori Defuncti impositâ, sic Lib. Rit. tom. 2. cap. 3. *Tan kum xam*: post Defuncti inclinationem ad redeundum, bacillus instar bisidæ fusciniulæ recurvæ imponatur ori defuncti, ita ut claudi non possit; & pedes super tabulam colliguntur, ita ut non incurvantur. Deinde oriza, & unio intra Defuncti os imponatur.

*Motivum* hujus rei faciendæ, sic idem Lib. tom. 2. cap. 3.: Ideò oriza, & unio ori Defuncti imponitur, quia sufferri non potest, ut illud sit vacuum; non tamen hoc fit, ut habeat Defunctus aliquid ad comedendum; sed ut os re nitida & honesta impleatur.

Lib. *Pe bu tum* tom. 2. art. ultimo, sic: Quare Defuncti ori oriza immittitur?

Respondeo: Quia homo dum vivit, comedit; nunc cum sit mortuus, nolunt ut ejus os sit vacuum; ideoque ista oriza ori immittitur. Dein sic pergit: Quare unio, aut alia res pretiosa? Respondeo id fieri ad cadaveris ornamentum.

Eundem Ritus refert Lib. *Kia li*, tom. 4. qui tamen loco unionis, seu gemmæ, ponit tres quadrantes vel aliud pretiosum.

3. De *tabella lignea paulò altiori, & serica Fascia Defuncti representativa, ac earum motivo* sic:

Lib. Rit. tom. 2. cap. 4. *Tan kum bia*: Tabella lignea, dicta *Cbum*, paulò altior, servat easdem leges ac Tabella dicta *Cbu* paulò brevior, quæ post sepultum cadaver erigitur. Imperatores Familix *Tu* seu *Xam*, Tabellam *Cbum*, erectâ breviori Tabellâ *Cbu*, appendebant; Imperatores Familix *Cheu*, eam auferebant. Dein Interpres *Chin hao* sic: Pro Doctore defuncto, seu litterarum laureâ donato, inquit libri Rituum antiquus commentarius, Tabella *Cbum* fit alta tribus cubitis; hæc statim post mortem erigitur ad fulciendum seu representandum Defunctum; quamvis autem non sit illa, quæ post sepultum cadaver erigitur, eandem tamen, quàm illa, legem servat. Ritus ab Imperatoribus Familix *Tu* præscripti volebant, ut sepulto cadavere, illa appenderetur in Aula, in qua feretrum jacuerat; Imperatores autem Familix *Cheu*, sepulto

to cadavere, factâ Ceremoniâ *Tu* seu tranquillitatis, de quâ infrâ, & cre-  
ctâ breviori Tabellâ *Cbu*, illam auferebant & sepeliebant.

Idem Interpres in alio loco ejusdem libri Rit. tom. 7. cap. 20. *Ta ki xam*, ubi dicitur Tabella illa *Chum* sepeliri, sic: Factâ Ceremonia *Tu*, Ta-  
bella *Chum* sepeliebatur ad orientalem partem extra Parentalis Majorum  
domûs portam.

Lib. *Kia li*, seu Rituum Domestic. tom. 4. sic: Mortualis thronus,  
finicè *Lim tso*, hoc modo statuatur: ante cadaver erigatur aliquod ful-  
crum coopertum tapete, vel panno serico; ante fulcrum exponatur se-  
des, supra sedem tapes, supra tapetem vestis, supra vestem serica animæ  
Fascia. Ante sedem autem apponatur inensa, supra mensam odorum vas  
cum sua capsula, vini cyathus & poculum, potûs *Cha* vasculum, fructu-  
um lances, dapum disci, & similia; famuli manè, & vespere deferant pe-  
ctinem, & aquæ pelvim ad lavandum, escarûmque fercula non secus ac  
vitæ tempore.

Posteâ quid significet ista animæ Fascia, sic explicat: Nunc ista ani-  
mæ Fascia fit ex longo albi serici volumine; conficitur instar cinguli in  
nodum collecti, quod ejusdem cordis nexum vulgò vocant; à parte supe-  
riori promicat caput; à duobus lateribus aures erumpunt; à parte infe-  
riori dependent reliqua ad duos pedes constituendos. Cùm ergo habeat  
cum hominis figurâ aliquam similitudinem, videtur posse adhiberi, ut  
per illam fulciatur seu repræsentetur Defunctus, vel Spiritus.

Deinde inferiùs sic habetur: Doctor *Von kum* asserit animæ Fasciam  
adhiberi loco Tabellæ *Chum*, de qua suprâ; Doctor vero *Chu bi* putat il-  
lam temporum circumstantiis adaptari, nec opus esse antiquitati nimis in-  
hærere.

4. De Labaro, in quo Defuncti nomen scribitur, sic Lib. Rit. tom. 6.  
cap. 15. *Sam so fiao ki*: facta inclamatione Defuncti ad redeundum, ejus  
nomen scribitur in signo memorativo.

Dein idem Liber Rit. tom. 2. cap. 4. *Tan kum bia* sic: Signum me-  
morativum, id est, Defuncti labarum; quia enim amor non patitur fili-  
um separari à defuncto Patre, ideò in isto labaro inscribit ejus nomen, ut  
semper patris recordari possit, & recordando eum amare, amando reve-  
reri, atque ita filii obsequiosi munus explere. Tum Interpres *Cbin hao*:  
Illud labarum sic inscribendum præscribit libri Urbanitatum, & Rituum  
Caput *Su sam li*: Defuncti *N. aeternum monumentum*. Exponitur primò

supra gradus Aulæ ad occidentalem partem ; deinde erecta altiori Tabela *Chum*, apud illam exponitur. Denique postquam feretrum pice & bitumine bene illicum est atque confectum, ad ejus orientale latus erigitur.

Labarum illud, inquit interpretatio Doctoris *Kia*, pro Doctore seu viro litterato, sit longum tribus cubitis ; pro Toparcha seu Primario Præfecto, quinque ; pro Regulo, septem ; pro Imperatore, novem.

Lib. *Kia li*, seu Rit. Domestic. tom. 4. de hoc labaro idem refert ; nisi quod illud prius ponendum asserat ad dexteram throni mortualis partem, deinde ad feretrum, ut antè.

5. De *Confanguineis & Amicis*, qui statim veniunt in domum Defuncti pro luctu, sic : Lib. *Kia li* tom. 4. prius præmittendo nihil esse faciendum quod ad *Fa Sectam*, seu ad Bonziorum res idololatricas spectet, sic ait : veniens ad luctum procedit ante cadaver, ac plorat ; iensque ante mortualem thronum (jam explicatum) præsentat odores, sive incendit suffitum. Dein facta una leviori ac bina profundiori reverentia sistit gemitum ; si adsit Herus, verso ad illum vultu : quomodo, inquit N. sic mortuus est ? Herus nihil respondens, profundam usque ad terram exhibet reverentiam, & uterque gemitum edens discedit. Si loco Heri adsit funeris Præses : Orphanus N., inquit, hoc infausto casu afflictus, plurimum tibi obstrictus est ob consolationem, quam tua visitatione illi atters ; quia autem nondum funebres vestes potuit habere absolutas, ideo non ausus exire ac comparere, me iussit tibi plurimas agere gratias ; móxque binam illi exhibet profundam reverentiam.

Deinde, ut ibidem habetur, præparatur lectus cum suis stercis, super quem cadaver imponitur ac cooperitur, & in medio Aulæ statuitur. Altero post die, linteaminibus involutum feretro imponitur, ad cuius partem orientalem collocatur Defuncti lectus cum suis sispariis, stercis, pulvinari, vestibus, ocreis, calceis, fulcro ad impediendum ventem, perinde ac dum vivebat.

Quæres 3. Quinam sint alii Ritus usque ad cadaveris sepulturam, quæ solet in China diu differri ?

Respondeo 1. De cibo & potu, qui bis quotidie usque ad sepulturam apud cadaver apponitur, Lib. Rit. tom. 2. cap. 3. *Tan kum xam*, sic ait *Cem tsu* Confucii discipulus : statim atque aliquis obiit, escæ, quæ in penu superfuerunt, ei apponuntur. Tum Interpres *Chin hao* : simul atque, inquit, aliquis obiit, carnis exsiccatæ ac conditæ ferculum cum vino no-

vo apponitur ad cadaveris lectum in parte orientali, & in altitudine Defuncti humeros adæquante, ita ut Spiritus seu Defunctus habeat quo nitatur seu representetur. Quæ superfuit, dum adhuc viveret, in penu caro exsiccata & condita, ei apponitur. (Olim Sinæ semper utebantur ista carne exsiccata, cui condimentum addebant.)

Lib. *Kia li* tom. 4. idem sic dicit: Famuli carnem exsiccata & conditam super mensam ad orientale cadaveris latus in humerorum altitudine apponant.

Deinde de eodem cibo & potu, qui singulis diebus manè, & vespere usque ad sepulturam apponitur, (diem autem sepulturæ præscribit liber Rituum tom. 3. cap. 5. *Vam chi*, pro Plebeiis, pro Litteratis seu Doctoribus, & pro Præfectis tertio post obitum mense; pro Regulis, quinto; pro Imperatore, septimo. Pro Patre & Matre defunctis, funebri vestis depositionem quoad omnes præscribit, tertio post obitum anno) sic dicit idem Lib. *Kia li*, tom. 5. in principio: singulis diebus summo mane famuli deferant aquæ pelvim, linteum, pectinem ad latus lecti Defuncti (prius explicati;) & omnia, quibus Defunctus in vita utebatur, apponant; deinde carnem exsiccata ac conditam, aut alia escarum fercula, orizam, potum *Cha*, vinum, paxillos comestorios super mensam ante mortualem thronum (supra explicatum) apponant.

Postea tota domus conveniat; & unusquisque stet in suo ordine; fiat planctus communis. Exponatur Defuncti lectus; extrahatur serica animæ Fascia & exponatur supra sedem. Lector seu Cereemoniarum Præfectus lavet manus; cremet odores; infundat vinum & potum *Cha*; fiat bina profunda reverentia, & Ritus peractus est. Vespere idem servetur, famulis matutini temporis fercula auferentibus, & nova afferentibus, sericæque Fascia exponatur in Defuncti lecto, apud quem calcei & ocreæ apponantur, sublatis pectine, & pelvi. (Quod attinet ad istam sericam animæ Fasciam, non memini me eam vidisse.)

Motivum apponendi hæc cibaria, sic habet Lib. Rit. tom. 2. cap. 3. *Tam kum xam*: Manè exorto sole, & vespere occidente sole, mensa cum suis fereulis Defuncto apponatur. Tum Interpretes *Chin hao*: hæc fercula, inquit Doctor *Fam*, manè ad repræsentandam matutinam, vespere ad repræsentandam vespertinam refectionem apponuntur; quia filius obsequiosus inservit defunctis Parentibus, sicut vivis inserviebat.

Idem Lib. *Kia li*, tom. 4. sic: Quia manè, & vespere quies *Yn* & motus

*Tam*,

ram, seu nox & dies se invicem excipiunt; idè istæ matutinæ & vespertinæ appositiones fiunt ad cogitandum de Parentibus.

Idem Lib. in fine ejusdem tomi sic: Quia Spiritus, inquit Doctor *Chim*, figura & sensibili specie carent, idè vespere & manè dapes apponuntur ad illos fulciendos seu repræsentandos, (nempe tamquam si adhuc mensæ, ut in vita, accumberent &c.) Vide plura in alio Tractatu de Ceremoniis Sinarum erga Defunctos.

2. De hospitibus venientibus in Defuncti domum ad luctum demonstrandum, & funus cohonestandum Lib. *Kia li*, tom. 5. sic: Quisquis ad luctûs domum vadit, induatur veste funebri, id est, albâ. Ubi appulsus est, verso ad mortualem thronum vultu, stans edat planctum. Edito planctu accedens ante mortualem thronum præbeat odoramenta; levio-rem unam, ac binam profundiore usque ad terram corporis inflexionem exhibeat; tum Hero dicat: cheu! insperatus adversæ fortis casus! his dictis, unam levio-rem, binamque profundiore ei exhibeat reverentiam. Gai Herus: Mea peccata sunt gravissima; hoc malum Parenti invexerunt; (si non sit Pater vel Mater, omittantur ista verba) singulariter tibi, Domine, sum obstrictus ob solatium, quod mihi tantopere afflicto afferre voluisti. Quibus dictis, binam pariter usque ad terram corporis inflexionem ei exhibeat. Hoc peracto hospes recedat, & Herus in funeris conclave lugendo redeat. Funeris Præses supplens Heri vices, hospitem deducat, vel tantisper subsistenti potum *Cha* propinet.

Quando verò is, qui sic venit ad luctum, offert munera, v. gr. odoramenta, folia potûs *Cha*, candelas, vinum, fructus, pecuniam, serica volumina; sic solemniori pompa Ritus peragitur: Herus factus certior de adventu hospitis, cremat odoramenta, accendit candelas, sternit storceam vel tapetem, & omnes alii vestitu funebri induti, & in suo quique ordine constituti, planctum edunt, expectantes hospitis adventum; interim funeris præses it ei obviam. Lector, seu Ceremoniarum Præfectus, præmissâ reverentiâ eum deducit ante mortualem thronum. Hic hospes plangit, reverentiam exhibet, cremat odoramenta, flexis genibus vinum in terram effundit, vini craterem ibidem reponit; (sæpe tamen Sinae non effundunt vinum, sed tantum præsentant seu apponunt vini scyphum.) Lector seu Ceremoniarum Præfectus etiam flectit genua, & recitat hanc munerum schedulam ad latus hospitis: hoc anno N. mense N. die N. indignus consanguineus N. istud mundum vinum, & ista varia vul-



vulgarium esearum præsentia fercula reverenter appono ad faciendam Ceremoniam Cy consanguinei N. sandapilæ, vel cadaveri in sandapila posito; id penè gratum habebis. Hoc lecto, hospes surgit, plangit, reverentiam exhibet leviozem; paulisper retrocedit, ac tres, ut suprà, corporis inflexiones facit. Crematur dicta munerum schedula. Quo peracto paucula verba, ut suprà, hospitem inter & Herum miscuntur, & abitur.

*Motivum horum munerum offerendorum sic habet Lib. Pe hu tum;* seu communis litteratorum sensus tom. 2. art. ultimo *Pum bum*: Qui novit aliquem obiisse, vestimenta & linteamina affert ad testandum suum affectum, quo cupit adjuvare viventem in persolvendis Defuncto exequiis, in recolendis beneficiis, in morte cohonestanda. Deinde sic: Quid est offerre funeralia munera? Respondeo: est *adjuvare*; nimirum unus alterum adjuvat, dando id, quo alter caret & eget.

Idem Lib. Rit. tom. 1. cap. 1. *Kio li xam* sic: Hospes veniens ad exequias, qui non potest funerale aliquod munus offerre, non debet de earum sumptibus interrogare. Tum Interpres *Chin hao*: fericis pannis, & pecuniâ adjuvare alium ad faciendam exequiarum solemnitatem, id vocatur *Fu*, id est, funerale munus seu subsidium.

Idem Lib. Rit. 2. cap. 3. *Tan kum xam*: Funeralium munerum, inquit discipulus *Cem tsu*, legere schedulam, id non est Ritus antiquus. Tum Interpres *Chin hao*: Currus & equi oblatis in funere, vocantur *Fum*; Munus *Fum*, id est, quo adjuvatur mortuariæ domûs Herus ad celebrandas exequias.

3. De Ceremonia Cy Spiritui loci sepulcralis facienda antequam sepeliatur cadaver, ibidem liber *Kia li* tom. 5. refert ejus Ritus, sic: Nempe ad dexteram loci sepulcralis erigitur signum Spiritûs repræsentativum, seu ejus nomine inscriptum, ante quod cremantur odoramenta, offertur vinum & in terram effunditur; apponuntur aliquot esearum fercula; recitatur Ceremoniæ Cy formula, qua rogatur Spiritus ut istud sepulcrum ab omni malo custodiat, cum variis corporis inclinationibus. Sed cum ipsemet glossator *Xin yam* ibidem asserat istum Ritus non esse antiquum, cumque referat ad Spiritum fictitium & Idololatricum, non est opus plura ad eum rejiciendum addere.

4. De *petra sepulcrali*, quæ paulo ante sepulturam sculpsitur, uti & de variis sculpsit figuris v. gr. curru, equis, famulis varia esearum fercu-

la in manu gestantibus, præteritæque vitæ famulatum ac usum referentibus; de variis vasis, & instrumentis ad funeris & sepulchri ornatum spectantibus, ibidem agit Lib. *Kia li* tom. 5.

*Horum motuum*, sic habet Lib. Rit. tom. 2. cap. 4. *Tan kum hia*: Sub Imperatoribus Familix *Yu* cœpit feretro superaddi exornatum tegmen; sub Imperatoribus Familix *Cben* cœpit feretrum variis ornamentis, instar muri, vallari, & erigi figuræ, instar ventilabri, efformatæ, sinicæ *Xa*. Tum Interpres *Chin bao*: Hæ figuræ, aliæ sunt quædam securis species; aliæ velut duæ claves sibi invicem oppositæ; aliæ tenuissimæ nubes formam referentes; atque harum numerus major aut minor correspondet majori aut minori conditionis gradui.

Hinc ait idem liber Rit. tom. 5. cap. 10. *Li ki*: Pro Imperatore eriguntur octo; pro Regulo, sex; pro Primario Præfecto seu Toparcha, quatuor; major harum numerus denotat majorem honorem. Vide etiam eundem librum Rit. tom. 8. cap. 22. In fine pro his, & ejusmodi feretri & sepulchri ornamentis.

Item Lib. *Kia li* tom. 5. Circa medium, & finem sic: Fit ex cannabina tela labarum longum tribus cubitis, ad dirigendam procedentis sandapilæ viam. Dum in via occurrunt loca altiora, decliviora, abrupta, illius aspectu dirigitur funeris via.

5. *De lignea Tabella dicta Chu*, de qua jam supra, sic Lib. *Kia li* tom. 5. habet: Tunc præparatur lignea Tabella *Chu*, cujus forma in ejusdem libri tom. 1. sic descripta est: Fit alta uno cubito, & duobus digitis; larga tribus digitis; profunda uno digito, & duabus decimis illius partibus; ejus apex seu pars superior est rotunda; inferitur cistulæ oblongæ in sua basi constitutæ. De hac Tabella vide iterum infra post peractam sepulturam.

6. *De valedictione Majorum defunctorum*, ibidem Lib. *Kia li* tom. 5. sic: Filius Parentans die sepulturam præcedenti, delaturus Defuncti feretrum in Parentalem Majorum domum ut illis valedicat, sicut in vita, dum quis peregrè abit, valedicit Superioribus; coram mortuali throno, seu serica animæ Fascia faciat istius rei denuntiationem; ac postea feretrum funerali pompa illuc deferatur, vel loco feretri, tantum deferatur serica animæ Fascia in cistula posita, coram qua in parentali Majorum domo fiat communis planctus, & referatur in pristinum locum.

*Hujus Ceremonia motuum* sic habet Lib. Rit. tom. 2. cap. 4. *Tan kum hia*:

*hia*: deferre Defuncti feretrum ad invisendam Parentalem Majorum defunctorum Aulam, istud est obsecundare filiali Defuncti erga suos Parentes defunctos observantiæ. Ille siquidem dolens se domo avelli, priusquam discedat, Parentalem Majorum domum visitat. Tum Interpres *Chin hao*: Filius obsequiosus dum vult domo egredi, prius Parentes præmonet; redux domum, statim coram illis se sistit, hoc est filii munus. Jam verò cum Defuncti feretrum jam jam tumulandum, defertur in Parentalem Majorum defunctorum domum, certè istud est obsequi filiali Defuncti erga Parentes obsequiosi desiderio; & si volumus scrutari Defuncti animum, haud dubiè à domo paterna, (sinempe sensum & vitam haberet) ægrè avelleretur, cumque cogeretur jam jam abire nunquam amplius reversurus, profectò optaret adire Parentalem Majorum defunctorum Aulam & illis ultimum valedicere.

7. De apparatu ante funebrem sepultura pompa sic idem Lib. *Kia li* tom. 5.: Die sepulturam præcedenti, feretrum transferatur in anteriorem domus Aulam vel locum, dicente prius Lectore flexis genibus ante feretrum: *tu veni, te transferemus in anteriorem Aulam*. Ante illud exponatur mortualis thronus; apponantur escæ; fiat planctus communis. Deinde consanguinei, & amici familiares adveniunt, munera offerunt, cremant odoramenta, tantillum vini in terram effundunt, & postea vini scyphus deponitur supra mortualem thronum. Munerum schedula, ut supra, recitatur, fit planctus, dein profundæ corporis inflexiones, crematur schedula, abitur.

Circa vesperam ejusdem diei, convenit tota domus; fit planctus; cibi & potus fercula apponuntur; cremantur odoramenta; aptatur feretrum ad illud efferendum, & solitæ corporis inclinationes.

Die sequenti, seu ipso die sepulturæ, feretrum fulcris gestatoriis imponitur, & rursus, ut pridie, fit planctus; cibus, potus, odoramenta, corporis inflexiones adhibentur, dicendo ad valedicendum: cum jam mortuali curru, sinicè *Lim kia*, insederis, vade in domum tenebrosam; victoria munera sunt apposita; in æternum vale. Serica animæ Fascia præparatur ad cam deferendam in sella gestatoria; cremantur odoramenta; omnes adstant, etiam mulieres capite & facie velatæ ad sequendum funus. Ii qui illud non sequuntur, feretro valedicunt cum solitis corporis inclinationibus.

8. De funebri sepultura pompa sic idem Lib. *Kia li* tom. 5.: Primò

procedunt illi qui theatraliter vestiti & umbone obiecti gestant quamdam hastæ speciem, quâ quatuor sepulchri angulos percutiunt. De istis theatraliter vestitis hominibus, sinicè *Siam sam*, hoc præscribit liber *Ta mim boei tien* tomo 99. : Mandarinis quarti ordinis & superioris liceat habere quatuor, scilicet istiusmodi homines. Mandarinis septimi & superioris ordinis usque ad quartum, liceat tantum habere duos. Octavi autem & Inferioris ordinis Mandarinis non licet ullum habere.

Deinde sequuntur ii qui illas figuras, (de quibus supra num. 4.) scilicet equos, currus &c. gestant. Postea labarum, in quo scriptum est Defuncti nomen, (suprà Quæres 2. num. 4.) post quod sequitur serica animæ Fascia; post hanc procedit labarum viæ directivum, & figuræ, sinicè *Xa*, de quibus supra num. 4. Denique mortuarius cadaveris curulis, ponè quem sequuntur consanguinei lugentes, viri à sinistris, feminæ à dextris; sed hæ intra portatile tentorium inclusæ. Deinde reliqui suo ordine comitantur. Si amici, vel consanguinei præparaverint locum in via ad quiescendum, seu sistendum feretrum; in eo sistitur & dapes præsentantur seu apponuntur. Ubi appulsus est ad sepulchrum, rursus præsentantur cibi & potus; fit communis omnium consanguineorum planctus. Hospites & amici discedunt. Demittitur feretrum in sepulchrum, capite ad Boream vergente; funeris Dominus seu Herus parentans ad latus feretri deponit aliquot diversi coloris serica volumina; pecunia, aut aliæ res pretiosæ non debent sepulchro imponi. Impositâ calce & terrâ clauditur sepulchrum.

De his sericis voluminibus sic dicit Lib. Rit. tom. 2. cap. 4. *Tan kum bia*: Ubi feretrum in sepulchrum demissum est, funeris Dominus offert munera: Tum Interpres *Chin hao*: quando feretrum pervenit ad portam Urbis, (in China mortui sepeliuntur extra Urbes) tunc Regulus mittit suum primum Ministrum offerre cærulei & subrubri coloris serica volumina; & ubi feretrum in fossam demissum fuit, tum illa Defuncto offert seu deponit in loco sepulturæ.

Quod attinet ad Ritum sepeliendi cadaveris capite ad Boream verso, sic habet Lib. Rit. tom. 2. cap. 4. *Tan kum bia*: sepelire mortuum ad borealem Urbis Regiæ partem, capite in Boream verso, iste semper fuit universalis trium primorum Imperiorum *Hia*, *Xam*, *Cben* Ritus; quia nempe in tenebrosam regionem vadit. Tum Interpres *Chin hao*: quando cadaver adhuc domi remanet, exponitur capite ad Austrum verso; quia fi-

lius

lius parentans nondum sustinet tractare Parentem suum sicut Spiritum vel defunctum, (id est, Defuncti Ritibus ; ) quando autem sepultus est, tunc ultimum mortis ac funeris opus peractum est ; ideò sepeliri mortuum capite ad Boream vergente, semper hæc fuit universalis trium primorum Imperiorum consuetudo, seu Ritus. Regio Australis est clara & lucida ; Borealis obscura & tenebrosa ; dum dicitur : in tenebrosam regionem vadit, explicatur ratio cur capite ad Boream vergente disponatur. Quod attinet ad varia vasa & instrumenta, quibus cibi & alia allata fuerant, idem Liber *Kia li* tom. 5. dicit ea deponi in loco commodo ad latus sepulchri.

Deinde de his escis in loco sepulturæ appositis, sic glossator *Tam* ibidem : quamvis, ut ait Doctor *Chu bi*, præci illas escas apponerent ad demonstrandum se non posse pati, ut mortui sui Parentes à se tractarentur tamquam mortui ; reverà tamen sunt res inutiles, imò cum caro statim corrumpatur, putrefiat, & generet vermes, est quid adhuc magis incongruum. Ceterum ut ista possent congruere, existimarem esse imminuenda, & ex singulis speciebus tantillum dumtaxat apponendum ; v. gr. si aliquot grana ex singulis frugum speciebus ; aliquot frusta ex earne siccata & condita relinquantur ut antiquus Ritus penè conservetur, id certè mihi videtur rationi non repugnare.

9. De Ceremonia Cy Spiritui loci sepulchralis rursus facienda ut supra num. 3. statim post sepultum cadaver, idem Liber *Kia li* tom. 5. agit ; sed de illa jam supra dixi. Liber quidem Rit. tom. 2. cap. 4. *Tan kum hia*, sic refert quemdam Ritus antiquum : Sepulto cadavere filius Parentans jubet unum Præfectum apposita parvâ mensâ fultrice & storeâ, (olim Sinæ super storeas humi sedebant, & parvulæ mensæ incumbabant & illâ fulciebantur, ) deponere seu præsentare dapum fercula ad sinistrum latus sepulchri. Tum Interpretes *Chin hao* : Filius parentans jubet unum Præfectum apponere dapum fercula ad colendum terræ Spiritum, ut illi Parentis cadaver commendet. Verùm hic Spiritus, de quo Ritus antiquus loquitur, non erat iste Spiritus recens dictus *Tu ti*, ex tali Familia ortus, ut ait Lib. *Kia li* ; nempe fictitius, & idololatricus. Quis scit, an non forsan illi antiqui Sinæ vero Spiritui loci tutelari commendarent Defunctum ?

Quæres 4. Quinam Ritus sint à sepulto cadavere, usque ad finitum triennium, quo durat funebris Parentum luctus ?

E ;

Re-

Respondeo 1. *De erectione, & inscriptione Parentalis Tabellæ diſſa Cbu* sic Lib. *Kia li* tom. 5. : Cadavere in ſepulchrum illato, mox famuli menſam collocant ante mortualem thronum. Lector ſeu Ceremoniarum Præſectus cum ſcriba lavat manus : ille ex arcuſa educit ligneam Tabellam (de qua jam ſuprà), eamque ſuper menſam reclinat ; hic in excavata interiori biſidæ Tabellæ facie ſcribit hæc verba : *Imperante Familia N. Præſecti N. cognomine N. vulgari nomine N. honorario nomine N. primogeniti, (vel ſecundo, tertio geniti &c.) filii deſuncti ſeu Spiritus ſignum*, ſinice *Xin chu*. Deinde ſuper exteriorem biſidæ Tabellæ faciem, hæc ſcribit : *præclari Patris Præſecti N. à morte cognominati N. domus Domini deſuncti ſeu Spiritus ſignum*. Poſtea Lector accipit illam Tabellam *Cbu*, & collocat in mortuali throno ; auſertque ſericam animæ Falciam ; cremat odoraſmenta ſeu bacillos odoriferos ; infundit vinum ; flexis genibus recitat hanc ſchedulam : hoc Imperatoris N. anno N. menſe N. die N. orbus filius N. palam audet Præſecto N. à morte cognominato N. domus ſeu Familiæ Domino hæc dicere : *Quum* cadavere in ſepulchrum illato, & Spiritu (nempe alludendo ad illum antiquum Spiritum perſonatum, ſeu puerum Actorem, qui tunc domum deducebatur, eiſque fiebat Ceremonia *Yu*, ut jam dicetur,) in domus Aulam reverſo, ſit conſectum Deſuncti ſignum, humiliter exopto, ut Mens veneranda vetere relicto, (nempe ſigno, ſinice *Cbum*), ſe novo (nempe *Cbu*), accommodet. Iſtud eſt representatio, iſtud eſt fulcimen, (nempe alludendo ad menſam parvulam cui in vita humi ſedendo homo innitebatur.) Poſtea ſurgit, & in ſuum locum redux ſolitas exhibet corporis inclinationis. Scribæ aguntur gratiæ. Tabella *Cbu* imponitur fulcro geſtatorio, & retro illam extat arcuſa ſericæ Falcie, ac comitantibus conſanguineis domum reſertur, ablato mortuali throno. Ubi demum appulſum eſt, Lector illam in mortuali throno deponit, & fit communis omnium planctus.

2. *De Ceremonia Yu, qua fit in domo Deſuncti ipſo die ſepultura*, ſic Lib. Rit. tom. 2. cap. 4. *Tan kum bia* : Filius parentans ſepulto cadavere, domum regrediatur, & in meridie faciat Ceremoniam *Yu* ſeu tranquillitatis. Pro hac tranquillitatis Ceremonia conſtituatur actor, ſeu Puellus perſonatus representans Deſunctum, & apponatur ei menſa parva, cui incumbat, & duplex ſtorea ſternatur ad ſedendum. Tum Interpres *Chin hao* : antequam cadaver ſit ſepultum, Deſuncto præſtatur cultus ac ſervitium utendo viventis Ritibus ; poſtquam verò ſepultum eſt, tunc Parentis

visibilis species abscondita est ; idè pro tranquillitatis Ceremonia constituitur Actor personatus ad representandum Spiritum, seu Defunctum.

Idem Lib. Rit. ibidem sic : Lector, seu Ceremoniarum Magister à loco sepulchri domum statim redeat, ( scilicet ante funeris Herum, ) & reverenter excipiat, domumque introducat puellum personatum, cui tranquillitatis Ceremonia facienda est. Tum Interpres *Chin hao* sic : Sepultura peracta excipiebatur Spiritus, ( scilicet personatus, ) domum reducebatur, & in domûs Aula, in qua jacuerat feretrum, meridie fiebat ei Ceremonia Cy ad eum tranquillandum ( nempe à filio parentante ; ) si Defunctus erat masculus, masculus agebat Spiritum personatum ; si foemina, foemina. Personatus autem ille Spiritus si velimus explicare quid nunc sit, est ipsa Tabella *Chu*. Cùm enim visibilis Parentis species non ampliùs cerneretur, animus parentantis nihil habebat, in quo suum scopum figeret, ac hæreret ; idcirco constituebatur ille Spiritus personatus & jubebatur Defuncti vestes induere, ut obsequiosi filii animus haberet aliquid, in quo hæreret ac suum scopum figeret.

Quamvis triennium quo durat luctus, constitueretur diversus Spiritus personatus pro diversitate masculi aut foeminæ Defunctæ, & diversa mensula ad incumbendum apponeretur ; postea tamen quando in parentali Parentum defunctorum Aula fiebat Ceremonia Cy, una & eadem pro masculis & foeminis apponebatur mensula fultrix, unusque & idem Spiritus personatus constituebatur.

Hanc Ceremoniam *Tu* sic Lib. *Kia li* tom. 6. fusiùs exponit : Famuli apponunt vasa & utensilia, nimirum pelvim & lintea ; in medio Aulæ mensam cum odorematis & candelis & fasciculo herbarum *Mao* arenæ immixtarum, ( hæc tamen herbæ, ut audiui, nunc non adhibentur, vel forsân rarissimè, ) ante mortualem thronum in quo collocata est lignea Tabella *Chu* ; deinde aliam mensam quadruplici ordine ferculorum cibi & potûs instructam ; sed secundus ordo relinquitur vacuus, ut, dum fiet præsentandi Ritus, escis præsentatis repleatur. Insuper aliam adhuc mensam apponunt ad imponendum ferculum pecudis integræ ; ( sed hæc pecus integra rarè, & in solemnissimis tantùm Ceremoniis adhibetur. Imò, inquit idem Liber ibidem, si assumatur mensa, vel mense, quibus Defunctus in vita utebatur, aptissimè patefiet mens inservienti Defuncto, si-  
cut vivo.

Postea accedit tota domus ; fit planctus communis ante ligneam Tabellam.

bellam *Chu*, quam Lector locat in suo throno seu exponit; lavantur manus, cremantur odoramenta ante mortualem thronum, in quo est lignea Tabella; una levior & bina profundior fit reverentia; demittitur Spiritus, id est, Herus seu filius parentans flexis genibus exceptum à famulis vini scyphum totum effundit super fasciculum herbarum *Mao*; (ordinariè effunditur vel in subjectam pelvim vel in terram, aut tantum præsentatur,) & solitas facit corporis inflexiones; & ubi recessit ad suum locum, easdem omnes simul faciunt. Tum Lector sive Ceremoniarum Præfectus in vacuo mensæ supradictæ secundo ordine apponit dapum fercula, v. gr. pisces, carnes, orizam, farinam &c. Herus ante mortualem thronum, flexis genibus ter tantillum vini effundit super prædictum herbarum fasciculum, & ante eundem deponit scyphum famulus. Deinde omnibus in genua provolutis, Lector etiam flexis genibus hanc Ceremoniæ schedulam recitat: hoc Imperatoris N. anno N. mense N. die N. orbus filius audet Defuncto Patri (vel Matri,) Præfecto N. vel Defuncti Intelligentiæ hæc palam dicere: diebus & mensibus assidue currentibus tandem advenit tempus primum tranquillitatis Ritum peragendi. Manè surgendo & vespere decumbendo præ tui mœrore, & desiderio quietus esse nunquam potui; nunc igitur omni reverentia cum hac capra, seu ove pecude munda, cum his variis escarum ferculis, eum hoc puro vino solatii obsequium tibi gemebundus exhibeo. Id penè gratum habebis. Quo Lector surgunt, planctum edunt, & solitas faciunt corporis inclinationes.

Deinde iterum bis, ut prius, vinum præsentatur, tantillum in terram effundendo, & scyphum deponendo. Postea infuso in scyphum vino ante ligneam Tabellam, omnes egrediuntur; portæque clausæ, vel vimineo velo demisso, tantisper quiescunt. Postea Lector ruffienti similis ter lugubrem oris sonitum edit, sinicè *T bin*. (*T*, id est, vox suspirantis; *Hin* id est, vox significans desiderium quo optaretur, ut res præsentatas haberet gratas Defunctus, aut spectaret;) aperitur porta, infunditur potus *Cha*, Lector dicit opus alimonie esse peractum; valedicitur Spiritui seu Defuncto, nempe Tabellæ; fit planctus, & solitæ reverentiæ. Ceremoniæ schedula crematur. Tabella & fercula colliguntur; & abitur. Lector sericam animæ Fasciam in terra defodit. Vespere & manè non amplius apponuntur epulæ, sed tantum fit planctus; uti ait idem Lib. Rit. tom. 2. cap. 4. Duobus autem sequentibus alternatis diebus, repetitur prædicta tranquillitatis Ceremonia *Tu*; & alternato uno die



Cap. IV. De funebribus Ritibus à morte hominis. 41

die, fit altera Ceremonia penè eodem modo & penè iisdem verbis ad terminandum diurnum planctum, persistente tamen adhuc matutino, & vespertino.

*Motivum hujus Ceremonia tranquillitatis*, sic habet Lib. Rit. tom. 2. cap. 4. *Tan kum hia*: Filius parentans ipso sepulturæ die facit tranquillitatis Ceremoniam, quia nè uno quidem die potest à Patre separari. Et paulò infrà: non potest nè uno quidem die ferre, ut Pater non habeat, quo redux repræsentetur.

De ista terna Lectoris lugubri voce, idem, quod jam explicui, habet Liber Rit. tom. 4. cap. 7. *Cem isu ven*. Denique de ultima ista Ceremonia ad terminandum planctum, vide etiam eundem Lib. Rit. tom. 2. cap. 4. *Tan kum hia*.

3. De viſitùs temperantia quam ſervant Sina triennalis luſtùs tempore ſic: Hoc luſtùs tempore, filius Parentans & fratres ejus abſtinent carnibus; ſeu vili & inſipidà tantùm orizà veſcuntur, nec legumina nec fructus comedunt niſi poſt unum annum; bibunt aquam; detrahunt leſti cortinas; pro cervicali adhibent ligni fruſtum. Lib. Kia li tom. 6.

4. De Ceremoniâ Cy, qua Parentis defuncti Tabella apponitur in Parentali Majorum domo, apud Avi Tabellam, ſic habet Lib. Rit. tom. 2. cap. 4. *Tan kum hia*: Sequenti die poſt Ceremoniam terminandi diurni planctùs, fit alia ad apponendum defunctum Patrem apud Avum defunctum. Dein Interpres Chin bao ſic: Per hanc appoſitionis Ceremoniam denunciatur quod Avi Tabella ſit transferenda in aliam Parentalem Aulam, ( Imperator enim & Reguli habebant plures ), & in eam introducenda noviffimè defuncti Patris Tabella.

Hanc Ceremoniam fuſè etiam exponit Lib. Kia li tom. 6. ſic: Priùs itur in Parentalem Avi & Avix defunctorum Aulam; hujus, vel illius Tabella lignea exponitur, illi dicendo: Accede, Tabella, precor, in tuum thronum. Reditur domum; accipitur nova defuncti Patris Tabella; lugubri planctu deferitur in Parentalem Avi Aulam, & deponitur ſuper menſam ad latus Tabellæ Avi & Avix. Cetera fiunt, ut antè in tranquillitatis Ceremonia. Poſtea illa Tabella domum refertur. Ceremoniæ verò ſchedula, ſeu verborum formula, quæ recitatur, eſt hæc: hoc anno, menſe, die, obſequioſus pronepos humillimè cum iſta munda pecude ove, vel capra, iſtis eſcarum ferculis, iſto puro vino accedens ad tuum

latus, præclare Proave, Familiæ Domine, (vel Proavia,) nepotem defero. Id penè gratum habebis.

5. De variis aliis Ceremoniis Cy ad usque triennalis luctûs finem ex eodem Libro *Kia li* tom. 6. hæc pauca : Refertur alia Ceremonia Cy, quæ anniversario obitûs die fit ad mutandam vestem magis funebrem in minùs funebrem, & ad terminandum planctum matutinum & vespertinum; & idem penè Ritus, ut suprà. Tunc legumina & fructus comedere incipiunt.

Altero seu secundo anniversario obitûs die, quo vestis minùs adhuc funebris induitur, fit alia Ceremonia Cy, tum ad auferendam Atavi Tabellam è Parentali Majorum domo, tum ad introducendam novam defuncti Parentis; & tunc mutantur Tabellarum inscriptiones: Tabella Proavi inscribitur Abavi nomine, Avi, Proavi nomine, Patris, Avi nomine; in illa enim Parentali domo ponuntur tantùm Tabellæ quatuor generationum. Ablata Tabella defoditur ad latus sepulchri. Tunc carnes comedere, & vinum bibere incipiunt, & suum cubiculum ad dormiendum repetunt. Ibidem.

Secundo post hanc ultimam Ceremoniam Cy mense, fit alia ad depouendam omninò funebrem vestem.

In his Ceremoniis Cy, penè iidem Ritus ut suprà; dicendo in verborum formula seu schedula: quamvis filii teneantur perpetuò recordari Parentum, Ritus tamen habent suos terminos &c. Et antequam Tabella Defuncti exponatur, dicendo illi: te rogo, ad talem locum accede. Denique ibidem refertur Ceremonia Cy pro transferendo cadavere ab uno sepulchro ad alium sepulchri locum; Ritus penè iidem, qui suprà relati sunt in sepulturæ pompa. Dum Parentans dicit: Timeo, ne ob incongruam cadaveris sepulturam, inopinatus casus commoveat Patris intelligentiam, seu Patrem defunctum: Ac paulò post, aperiendo sepulturam: cùm nunc sim sepulturam mutaturus, humillimè exopto, ut veneranda Intelligentia non commoveatur; vel loquitur modo Rhetorico, vel juxta mentem Sectariorum dicentium unam ex tribus animabus sepulchrum custodire. Deinde ipse glossator *Tam* asserit istam transferendæ sepulturæ Ceremoniam non haberi in Libro *Kia li*; sed se eam supplevisse, aut addidisse.

Supradictos funerales Ritus in toto hoc capite 4. relatos, vide etiam in Lib. *Ta mim boei tien* tom. 99. & 100.

## CAPUT V.

# CAPUT V.

## De Parentali signo seu ligneâ Tabellâ, sinicè Mo chu, quam erigunt Sinæ ad colendos Defunctos.

**Q**Uæres 1. Quenam sit ligneæ istius Tabellæ origo, aut quonam tempore inceperit?

Respondeo 1. Confucius, qui 500. & ampliùs annis vivebat ante Christum, sic in suo Libro *Chun cien* tom. 14. cap. *Ven kum xam* ait: Princeps *Ven kum* anno 2. sui Regni ligneam defuncti Reguli *Hi kum* sui Prædecessoris Tabellam *Chu* erexit. Jam verò Regulus iste *Ven kum* multis adhuc ante Confucium annis vixit.

2. Lib. Rit. tom. 1. cap. 2. *Kio li hia*, agens de antiquo Ritu in morte Imperatoris servando, sic: Postquam Parentalis domus exstructa, & ligneâ Tabella *Chu* erecta est, tunc defunctus Imperator vocatur *Ti*; (id est nomen Imperatoris honorificum.) Tum Interpretes *Chin hao*: Statim à morte erigitur Tabella *Chum* ex ligno confecta, ad fulciendum Spiritum seu ad repræsentandum Defunctum. Post peractam tranquillitatis Cereemoniam *Tu*, defossâ Tabellâ *Chum*, brevior Tabella *Chu* erigitur ad eundem fulciendum seu repræsentandum.

3. Idem Lib. Rit. tom. 4. cap. 7. *Cem tsu ven*, ostendens jam apud antiquissimos Imperatores illam Tabellam *Chu* haberi, sic ait: prisce Imperatores, (discipulus *Cem tsu* interrogat Magistrum suum Confucium) in bellum proficiscentes, ferebantne necessariò secum ligneam Avi, ultra quartam generationem remoti Tabellam *Chu*? cui Confucius: Imperator visitans Regulorum regna ligneam remoti Avi Tabellam *Chu* secum ferebat. Ibidem paulò pòst: Cum ergo, inquit discipulus *Cem tsu*, prisce Imperatores in bellum proficiscentes non transferrent secum Tabellam *Chu*, in quo, quæso, animum suum figebant? in iussu, reponit Confucius. Quid, precor, hoc significat, subjicit *Cem tsu*? Imperator, (inquit Confucius,) aut Regulus in bellum profecturus, assumpto serici volumine, & pelltâ honoris tesserâ, in Parentali palatio de sua protectione defunctos Avos admonebat; dein in aureo curuli collocatis hoc serico volumine, & tesserâ, iter aggrediebatur. In singulis refectionibus epulas ante illa

apponebat; domum reversus statim Avos defunctos de suo reditu admonerat; dapes apponebat; denique collectum sericum volumen ac tesseram, binarum inter scalarum gradus defodiebat, & tunc abibat. Adeo magnificiebat Avorum jussu.

Cum ergo tempore Confucii jam diceretur illa lignea Tabella in usu fuisse apud prius Imperatores, qui fortasse ante illum vixerant mille & amplius annis, patet ejus originem esse antiquissimam; & illi erigendæ videtur occasionem dedisse mos ille Sinarum antiquissimus apponendi hospiti honorifico parvulam mensam ad incumbendum; (Sinæ enim tunc humi super stercas sedebant,) qui mos refertur in Libro *Ti* 4, id est, urbanitatum & Rituum tom. 8. Eam etiam parvulam mensam Patri viventi apponi filius curabat, ut habet Lib. *Siao bio*, id est, doctrina parvulorum, cap. 2.

Quæres 2. Quisnam sit finis erigendæ Tabellæ *Cbu*? & quid significet?

Respondeo 1. Lib. Rit. tom. 9. cap. 30. *Fam* ki sic: In Ceremonia *Cy*, inquit Confucius, Spiritus personatus seu Puer Actor Defunctum repræsentans; & in Parentali domo lignea Tabella *Cbu*, habetur ad ostendendum populis, quod habeant, cui cultum & obsequium præstent; unde cultus & obsequium, quod præstatur in componenda Parentali Defunctorum Majorum domo, & in servanda Ceremonia *Cy* reverentia, fit ut edocantur populi filialem diuturnæ memoriæ erga Parentes defunctos observantiam. Sed quamvis hoc fræno ac lege coercerentur, adhuc tamen vel sic defunctos Parentes oblivioni tradunt. Dein Interpres *Chin hao*: loco Parentum, inquit Doctor *Fam*, qui mortui erant, adhibebatur personatus Actor, ut illos viventes repræsentaret. Loco Spiritus qui perierat seu defierat, adhibebatur lignea Tabella, ut illum subsistentem adumbraret, juxta id quod libri antiqui & classici Sapientum dicunt: mortuis sicut vivis, non subsistentibus sicut subsistentibus inservitur; & idcirco dicitur: *Ad ostendendum populis, quod habeant cui cultum & obsequium præstent.*

2. Lib. Rit. tom. 5. cap. 11. *Kiao te sem*: Ista vox *Xi* seu Actor personatus significat *exponere* vel *instruere*. Tum Interpres *Chin hao*: Cum ista vox *Xi* seu Spiritus personatus sit Defuncti imago, debet habere eundem sensum, quem vox *Cbu*, seu lignea Tabella; adeoque errat Liber dicendo, quod significet *exponere*, vel *instruere*.

3. Lib. *Ven bien tum hao*, tom. 123. sic: Ratio, inquit Lib. *Pe hu tum*, cur fiat Tabella *Cbu*, est quia Spiritus nulla re sensibili nititur, live est

est expers rei, quâ possit sensibilibiter percipi; hinc filius obsequiosus illâ utitur ad suum animum illi affigendum. Illa Tabella ex ligno conficitur, quia cùm lignum habeat initium & finem vitæ, aliquam habet cum homine similitudinem. In illa scribitur Defuncti cognomen, nomen, cognomentum, &c. quia volumus ut ille postmodum cognosci possit.

4. Lib. *Ou kim* 7, sive specialis in quinque libros classicos discursus, sic: Modus faciendi Tabellam ligneam *Cbu*, hic est: in medio quatuor laterum sculpsitur lignum correspondens quatuor orbis partibus. Pro Imperatore fit alta cubito uno & duobus digitis; pro Regulis, cubito uno; in ejus dorso sculpsitur cognomentum à morte datum. Hæc autem Tabella *Cbu* est imago aut representatio Spiritûs, seu hominis Defuncti. Sepulturâ enim peractâ, quia filius Parentans non habet in quo animum figat, nec quo fulciatur ac nitatur ejus mens, idcò ad faciendam tranquillitatis Ceremoniam ipso peractæ sepulturæ die, erigit Tabellam *Cbu*, ut suam ei filialem observantiam præstet.

Quæres 3. An in illa Tabella *Cbu* resideat Spiritus hominis defuncti?

Respondeo 1. Lib. Rit. tom. 5. cap. 11. *Kiao te sem* sic: Dum præsentatur costâ pecudis caro, Lector seu Ceremoniarum Præfectus defert præsentantis verba ad Tabellam *Cbu*; dùmque fit Ceremonia *Cy* ad conquirendum Spiritum, idem Præfectus etiam facit Ceremoniam *Cy* vel intra, vel extra portam Parentalis Aulæ; nescit enim ubinam sit Spiritus: hincne, an illic? an procul ab hominibus recesserit? & certè faciendo sic Ceremoniam *Cy* intra, aut extra portam Parentalis Aulæ, numquid quasi dicitur quòd ille in loco remoto requiratur?

2. Lib. Rit. tom. 1. cap. 2. *Kio li bia*: In denuncianda Imperatoris morte adhibetur hæc verborum formula: Imperii Rector ascendit *Kia*. Quid autem vox *Kia* significet, sic ibi dicit Interpres *Chin bao*: putat Doctor *Liu* legendum esse *Ke*, non *Kia*, id est, *appellere, pertingere, penetrare*, uti in Libro *Ye kim* symbolo *Tsuy* dicitur &c. Ego autem puto legendum esse *Hua*, id est, *procul, remotè, longè*; vultque dicere, quòd locus ille, ad quem ascendit, sit valde altus & remotus, sicut id quod libri Imperii *Han* vocant *magnum iter*; nempe iter, quod successivè initur; vocatur autem *magnum iter*, quia qui semel illud adiit, non amplius redit.

3. Lib. Rit. tom. 2. cap. 4. *Tan kum bia*: Celeberrimus ille Regni

*Lu* incola *Ten tim* bellissimè funebris luctûs modum callebat. Ubi primùm ejus Parens obiit, innox gemebundus anhelabat non aliter, ac si eum quæreret & non inveniret. Ubi cadaver feretro illatum in sepulturam deportabatur, suspirans prospiciebat non aliter ac si eum sequeretur, & non posset assequi; ubi denique feretrum sepultum fuit, dolens ingemiscebat non aliter ac si non posset domum reverti, ac sublelebat tamquam speraret Patrem adhuc reversurum. Tum Interpres *Chin hao*: quamvis sepultus jam abierit, nec ampliùs redeat; filius tamen obsequiosus dum excipit Spiritum seu Actorem personatum ac domum redit, adhuc se ita habet, quasi de hoc dubitaret.

4. Idem Lib. Rit. tom. 2. cap. 4. *Tan kum bia*, agendo de filio Reguli *Ou*, cognomine *Xi*, sepelientis filium suum primogenitum in Regno *Cy*, ubi tunc agebat, sic ait: Feretro filii in sepulchrum illato, exutus veste exteriori ad sepulchri lævam cœpit plorare, & redire ad ejus dextram; tēque exclamare dicendo: corpus quidem in terram ac pulverem reverti, iste est vitæ humanæ status ac conditio; quod verò attinet ad vitalem animæ auram, nullus est locus, quem non adeat; nullus, est, inquam, locus quem non adeat. Hæc effatus, mox abiit; id est, uti ibi ait Interpres *Chin hao*, finitâ ac dissipatâ hominis vitâ abiens anima non habet locum (nempe sensibilem, ac circumscriptivum;) & sunt verba quibus ostendebat quàm ægrè à filio avelleretur, & quàm optabat ut se redeuntem sequeretur; (vel potiùs dic, quòd Parentans in quovis loco honorem Defuncto seu Defuncti Spiritui exhibere possit, & quòd nesciret in quo præcisè loco ille tunc existeret.)

5. Idem Lib. Rit. tom. 5. cap. 11. *Kiao te sem* sic: Quando larvata illa turba veniebat ad effugandos Spiritus morbiferos, Confucius aulica veste indutus in orientalibus domesticæ scalæ gradibus itans se prodebat, servando aut tranquillando Parentalis conclavis Spiritus seu Defunctos. Sed ista ultima verba: *servando aut tranquillando* &c. non habentur in libro Sententiarum, sinicè *Lun yu*, referente eundem textum art. 10. Hic autem Liber pluri fit à Sinis, quam Liber Rituum; hūncque textum in Lib. *Lun yu*, sic explicat Doctor *Chu bi*: Quamvis istius larvatæ turbæ circumcursatio esset antiquus Ritus, multum tamen redolebat rem histrionicam. Confucius verò veste aulica indutus ad illam accedebat, ut ostenderet se veram ubique servare reverentiam.

Eundem textum sic explicat liber Imperatoris *Kam bi*, dictus *Ge kiam*

*kiam su xu*: Quamvis iste Ritus esset antiquus, valde tamen erat similis actioni hiltrionicæ. Confucius autem domi degens, dum occurrebat illi turbæ sui loci seu oppidi agenti istam expellendorum morbiferorum Spirituum Ceremoniam, ipse ad reverendum Principis jussum seu legem (nempe priscum Ritum in antiquo Rituali Imperii *Chen* præscriptum,) induebat vestem aulicam, & stabat ad orientales gradus scalæ, ut servaret Heri domestici statam urbanitatem, dum illi larvati homines domum veniebant. Fortasse sic agebat Confucius, ut ostenderet se suis defunctis Parentibus adhuc eam reverentiam exhibere, quam ipsis exhibuisset; si tunc in vivis fuissent & domi egissent. Deinde an id reverà ageret Confucius, quis scit?

6. Idem Lib. Rit. tom. 8. cap. 24. *Cy y*, & Lib. *Siao bio* cap. 2. art. 1. sic: Ipso Ceremoniæ *Cy* die statim atque filius Parentans Parentale conclave ingreditur, subito sibi videtur videre Parentem tamquam effigie expressum in suo signo, seu in Tabella lignea extantem; dum Ceremoniæ *Cy* tempore circumit ad portam, subito videtur sibi audire Parentis tamquam gravitate verendi & se se moventis strepitum; dum portâ egressus auscultat, subito videtur sibi audire illius tamquam singultu oppressi, & profunde gementis vocem. Unde patet priscos Imperatores in præstanda filiali erga Defunctos observantiâ, Parentum speciem suis oculis, vocem auribus, desideria cordi tamquam præsentia sitisse. Et verò qui Parentes defunctos toto corde amat, hi tamquam adhuc viventes ac subsistentes se ei sistunt (scilicet in mente); qui illos toto corde veneratur, hi tanquam spectabiles se ei reddunt; qui autem defunctos Parentes tamquam viventes, subsistentes ac spectabiles in corde habet, quomodo possit debitam illis observantiam non præstare? Tum Interpretes *Chin* haq: Istâ verba: *Videtur sibi videre Parentem in Tabella extantem*; id est, tamquam si filius videret suum Patrem in Spiritûs seu Defuncti Tabella extantem.

7. Dictionarium *Tsu guey* in littera *Chu* sic; Istâ vox *Chu* significat etiam ligneam Spiritûs seu Defuncti Tabellam, quæ in Parentali domo erigitur, ut Mens resideat aut colligatur. Liber autem *Kum mio ly yo kso*, id est, examen Confucii funebri palæstræ Rituum, & Musicæ, tom. 1. dicit istam erigendæ Tabellæ *Chu* normam adhibitam fuisse ut colligeretur, aut resideret Spiritus in corde, seu mente (nempe Parentantis.)

8. Lib. *Xi kim*, id est, Carminum, tom. 8. cap. *Chen isum*, odâ *Cim miao*, agens de Principe *Chen kum* cum Proceribus ac Regulis faciente Ceremoniam Cy defuncto Patri suo *Ven vam*, sic: Proh! quam admirabile est istud Parentale quietum palatium! Cernis, ut omnes illi Principes ac Reguli, summa cum reverentia ac concordia adjuvant Imperialem Parentalis Ceremoniæ Cy pompam? ut in tota illa Doctorum, virorumque etuditorum turba nullus est, qui defuncti Principis *Ven vam* virtutes ac gesta non celebret? postquam venerabundi, illius Spiritui in cælo esistenti honorem exhibuere, tum properant ad illius Parentale palatium. Ad quem locum sic Interpret *Chu bi*: Postquam venerabundi, illius Spiritui in cælo esistenti cultum præbuere, statim festinant ad ligneam illius Tabellam in Parentali dæmo extantem. Cum igitur dicat hic Intepres defuncti Spiritum in cælo existere dæm fit Ceremonia Cy, satis innuit eum in Tabella non residere, uti etiam colligi potest ex prædictis Textibus.

## C A P U T VI.

### De Parentali ædificio, quod exstruunt Sinæ ad colendos defunctos Parentes.

**Q**UÆRES 1. Quænam sit origo istius Parentalis ædificii?

Respondeo videtur esse antiquissima: Nam in Annalibus universalibus refertur Parentalis domus jam exstructa fuisse Imperatori *Hoam Ti* Defuncto. Deinde Liber *Ven bien tum hao*, tom. 91. refert Imperatores *Tao & Xun* exstruxisse defunctis suis Majoribus quinque Parentales domos; unam Familiæ suæ conditori, secundam Atavo, tertiam Abavo, quartam Avo, quintam Patri. Deinde sequentes Imperatores trium Imperiorum *Hia, Xam, Chen* semper easdem exstruxerunt, ut patet ex toto Libro *Xu kum*, seu Annalium Imperialium.

QUÆRES 2. Quando exstruitur ista Parentalis Domus?

Respondeo 1. Lib. Rit. tom. 1. cap. 2. *Kio li bia* sic: Dum vir Princeps meditatur exstruere palatium, primum quod facit, est exstruere Parentalem Majorum defunctorum domum; deinde equile & ærarii locum; ultimo loco suam habitationem.

2. Lib. *Kia li* tom. 1. sic: Dum vir sapiens meditatur exstruere domum



rum honorificam ; ad orientalem anterioris habitaculi partem exstruit Parentalem Parentum defunctorum Aulam ; hæc Parentalis Aula vel triplici vel unico ædificii ordine construitur. Ibidem sic : Cùm litterarum alumni, & viri plebei ob suum inferioris conditionis gradum non possint exstruere Parentalem illam domum, dictam *Miao*, exstruunt tantum Parentalem Aulam, dictam *Tsu tam*, seu Aulam Ceremonialem ; imò, ut paulò post ibidem habetur, ii, qui non habent dignitatem hereditariam, nunc nec audent exstruere Parentales domos dictas *Miao* ; sed tantum exstruunt Parentales Aulas *Tsu tam*.

3. Deinde Lib. Rit. tom. 7. cap. 21. *Tsa ki bia* refert olim illiniri sanguine animalium Parentales Imperatorum Aulas, & quædam principaliora earum vasa. Sed de hoc illitu & ad quem finem fieret, vide Tractatum de Ceremoniis Sinarum erga Defunctos, nec nunc fieri arbitrator. Præterea illud videtur fuisse tantum adhibitum Parentalibus Imperatorum domibus, aut similibus, ideoque de illo nihil loquitur Liber *Kia li*.

Quæres 3. Quid Sinæ intelligant per vocem *Miao*, qua Regum ac Principum defunctorum Parentales domos nominant ? eadem enim voce nunc Idolorum fana appellant.

Respondeo 1. Dictionarium *Ta tsu gney* in littera *Miao*, sic : Ista vox *Miao*, ut omnes antiqui & moderni interpretantur, significat alicujus speciem ; est autem id, quo hominis Defuncti species repræsentatur ac refertur.

2. Lib. Carminum tom. 8. cap. *Cheu tsun*, odâ *Cim miao*, sic compendiose Interpr. compilatio : Ista vox *Miao*, significat alicujus speciem, seu repræsentare ac referre alicujus speciem ; quia enim Defunctus spectari amplius non potest, ideò exstruitur Parentalis domus ad repræsentandam illius speciem.

3. Lib. *Kum miao ly yo kao* tom. 1. sic : Domus, inquit Dictionarium antiquum *Lb ya*, habens ab Oriente & Occidente lateralia cubacula, dicitur *Miao* ; non habens hæc cubicula, tantum dicitur *Cin*. Paulò post sic : *Cin*, est locus comedendi & dormiendi ; *Miao*, est locus regendi & gubernandi. Iterum paulò post : Doctor *Chim kam chim* dicit anteriorem istius Parentalis domus partem vocari *Miao*, posteriorem vocari *Cin*.

4. Lib. *Ven bien sum kao* tom. 91. sic : *Miao*, inquit Doctor *Chin* in suo Libro Rituum, est ad repræsentandum, quod Defunctus haberet

olim in vita Aulam ad gubernandum; *Cin*, est ad repræsentandum, quodd haberet habitationem ad comedendum & dormiendum. Idem tom. 92. sic: Quod attinet ad priscorum Imperatorum normam, illi in anteriori parte extruebant *Miao* ad repræsentandum quod Defunctus haberet olim in vita Aulam Imperialem pro regimine; in posteriore extruebant *Cin*, ad repræsentandam quodd haberent habitationem, seu locum pro corporis refectione & somno. Hinc Sinæ Defunctorum ædificium sæpissimè vocant *domum*, *palatium*, *Aulam* &c. non verò *templum*. Itaque

5. Lib. Carmin. tom. 8. cap. *Lu tsun*, odâ *Pie kum* sic ait: Secretissimum *palatium* singulari pace, & quiete gaudet. Tum Interpres *Chun bi*: Secretissimum *palatium*, id est, Parentalis domus *Miao*.

6. Item Lib. Rit. tom. 2. cap. 4. *Tan kum bia* sic: Si Majorum defunctorum domus incendio perierit; tribus diebus fiat funebri luctus; idcirco, (uti habetur in Libro *Chun cieu*, id est, *Vere*, & *autumno*) cum novum *palatium* incendio periisset, tribus diebus ploratum fuit. Tum Interpres *Chin hao*: Majorum defunctorum domus, id est *Miao*, seu Parentale ædificium. Anno tertio Principis *Chim kum* Reguli Regni *Lu*, incendio periit Parentale ædificium *Miao* prædecessoris ejus *Suen kum*; dicitur autem novum *palatium*, quia novissimè illata illuc erat Defuncti Tabella *Chu*.

7. Lib. Rit. tom. 4. cap. 8. *Ven vam xi tsu* sic: Dum Regulus adit curiam Imperialem, naturales filii, utpote officio carentes, communia Parentalia Majorum *palatia* custodiunt: legitimi filii custodiunt Parentalem conditoris Familæ Aulam: Patruum, honoratiora eorumdum *palatia* & *conclavia*.

Ex his vides ista Parentalia ædificia *Miao* vocari nunc *palatia*, nunc *domus* &c. Unde videntur Idololatæ mutuati fuisse à Parentalibus domibus nomen *Miao* ad vocanda Idolorum suorum fana; non verò Parentales domus à fanis.

Quæres 4. Quomodo olim construerentur istæ Parentales domus?

Respondeo 1. Lib. Rit. tom. 3. cap. 5. *Vam chi* sic: Imperator septem Parentales domos construit; tres à dextris & tres à sinistris, & in earum medio aliam pro Imperialis Familæ conditore. Reguli construant quinque; duas à dextris & duas à sinistris, & in medio earum aliam pro Familæ suæ conditore. Primarii Præfecti seu Toparchæ, tres; unam à dex-

dextris, alteram à sinistris, & in utriusque medio tertiam pro Familiæ conditore. Doctores, seu litterarum & dignitatis laureâ donati unam tantum; viri autem Plebei nullam, sed tantum in propria sua domo Parentibus defunctis cultum exhibent. Has septem Parentales domos pro Imperatorum Avis, etiam nunc præscribit Lib. *Ta mim hœi tien* tom. 86.

2. Idem Lib. Rit. tom. 8. cap. 23. *Cy fa* sic: Imperator construit septem Parentales domos, unum aggerem & unam scrobem. Prima est pro Patre defuncto. 2. Pro Avo. 3. Pro Proavo. 4. Pro Abavo. 5. Pro Familiæ conditore. In his quinque fit unoquoque mense Ceremonia *Cy*. Atavi autem, & alterius remotioris Avi Parentales domus sunt tantum duo lateralibus cubacula, alterum orientale, alterum occidentale Parentalis palatii Familiæ conditoris, in quibus illorum lignæ Tabellæ reconduntur; illisque fit tantum cum aliis Ceremonia *Cy* unoquoque trimestri. Sed pro Avo in septimo generationis gradu remoto fit agger; pro Avo in octavo, fit scrobs; (nempe dum faciendâ est illis Ceremonia *Cy*;) non fit autem illis Ceremonia *Cy*, nisi dum occurrit aliqua postulatio (faciendâ scilicet cæli Domino, seu *Xam Ti*; pro qua re vide Tractatum de Ceremoniis Sinarum erga Defunctos;) pro ulterioribus Avis nihil fit, sed vocantur *Quey*, hoc est, nomen commune Defunctorum.

Reguli verò construunt quinque Parentales domos, unum aggerem, & unam scrobem, &c. Primarii Præfecti seu Toparchæ, tres domos, & duos aggeres, &c. Supremi ordinis Doctores, duas, & unum aggerem, &c. Secundi & tertii ordinis Doctores, unam tantum. Denique viri Plebei, nullam. Ad quem locum sic Interpres *Chin hao*: Præteritorum Doctorum, qui Parentalium domuum leges ac Ritus accuratè, singillatimque, explicuerunt, nemo umquam de isto aggere & scrobe loquutus est. Insuper idem Interpres *Chin hao* in variis rebus improbat istud capitulum *Cy fa*. Unde, inquit, iis, quæ in illo dicuntur, non valde magna fides adhibenda est. Atque ita de istis antiquis Parentalium domuum Ritibus hac in parte res est incerta.

Quæres 1. Quomodo nunc construantur Parentales domus dictæ *Tse tam*; id est, Ceremoniales Aulæ?

Respondeo Lib. *Kia li*, tom. 1. sic habet: In hac Parentali seu Ceremoniali Aula sculptuntur quatuor lignea loculamenta ad capiendas quatuor generationum, id est, Abavi, Proavi, Avi, Patris defunctorum Tabellas *Chw*; unaqueque habet suum loculamentum, & in loculamento

suam thecam oblongam in qua reconditur. Ante hæc loculamenta, sita in unica longa mensa, dependet vimineum seu diaphanum velum. Tabellarum, seu loculamentorum superior ordo incipit à parte occidentali. Ante omnia loculamenta extenditur alia longa mensa communis, vel una ante singula ad gradus scalarum; deinde rursus alia communis apponitur pro odoramentis, &c. Lateralium consanguineorum sine Posteris defunctorum Tabellæ collocantur apud alias, quibuscum habent relationem; v. gr. Patruorum aut Avunculorum Abavi, Proavi &c. collocantur apud Patris Abavum, Proavum &c. Amitarum aut matererarum Abavia, Proavia &c. apud Matris Abaviam, Proaviam &c. Penè idem vide apud Lib. *Ta mim boei tien* tom. 95.

Quæres 6. Ob quem finem extruantur istæ omnes Parentales domus?

Respondeo 1. Lib. Rit. tom. 8. cap. 23. *Cy fa* sic ait: Dum Imperator constituit domuum Parentalium formas cum suis adjacentibus aggeribus & scrobibus ad faciendas Ceremonias *Cy*, id facit habitum tum propinquioris & remotioris consanguinitatis, tum plurium & pauciorum Parentalium ædificiorum, quæ uniuscujusque conditioni competunt, ratione. Dein Interpret *Chin hao*: Constituere, inquit Doctor *Fam*, Parentalium domuum cum suis adjacentibus aggeribus & scrobibus formas, est id, quo filialis erga Parentes amor exhibetur; cumque in exhibendo erga Parentes amore non possit non esse distinctio, idè stabilitur propinquioris & remotioris consanguinitatis numerus, qui relucet in Parentalibus ædificiis, aliis à læva, aliis à dextra, aliis pro Avo, aliis pro Patre defuncto positis. Deinde dum aliis septem, aliis quinque, aliis tres, aliis duæ tantum domus Parentales determinantur, tunc fixus illarum tum pauciorum, tum plurium numerus habetur.

2. Idem Liber Rit. tom. 8. cap. 24. *Cy y* sic: Sapientes illi Imperatores nondum his contenti, insuper extruxerunt varias Parentales domos ad distinguendos propinquioris & remotioris consanguinitatis gradus, ad discernendos propinquos à non propinquis, ad docendos populos antiquitatem recolere, sui Principii recordari, nec eos ex quibus progeniti essent, oblivisci.

3. Vide etiam hinc suprà Quæres 3.

Quæres 7. Quando, & quomodo in Parentalibus istis domibus fiat Ceremonia *Cy* Parentibus defunctis?

Respondeo 1. Lib. *Kia si* tom. 7. sic describit vel præscribit illam Cere-

Ceremoniam Cy, quæ in statis quatuor anni temporibus fit Parentibus defunctis; fit autem secundo cujusque tempestatis, v.gr. vernæ, æstivæ &c. mense. Sub finem mensis, qui Ceremoniam præcedit, sorte eligitur dies, vel eliguntur dies hoc modo: Primo die ultimæ decadis mensis, qui Ceremoniam Cy immediatè præcedit, assumitur in singulis sequentis mensis decadibus unus dies, vel *Tim*, vel *Hay*, (sunt nomina dierum,) & eodem die exponitur odoramentorum mensa præ foribus domûs Parentalis ad Occidentem, vas odoramentorum, tubulus canneus bifariam divisus, pelvis. Tum filius Parentans, seu paterfamilias cum suis Liberis, Generis ac Nepotibus in suo ordine dispositis, honestiore veste indutus, stans ante odoramentorum mensam, supra tubulum bifidum cremat odoramenta; & Lector recitat hanc verborum formulam: N. meditans consuetum anni obsequium sequentis mensis die N. exhibere, accedit ad suos Majores: id penè gratum habebitis. His dictis tubulus bifidus in discum jacitur; si tubuli facies altera cadat aperta sursum, & altera aperta deorsum, censetur faustus dies intra primam sequentis mensis decadem assumptus; si aliter cadat, infausus; & tunc pari sorte examinatur alter dies intra secundam dicti mensis decadem assumptus. Si fors nondum succedat, non amplius jacitur; sed dies intra 3. mensis sequentis decadem assumptus reservatur. Deinde additur: si hæc fortis jactio non fiat, superior Ceremonia potest omitti. Et paulò post: Dum dies sorte electus, ut inquit Doctor *Chu bi*, non determinatur, animus non est à sollicitudine liber. Doctor autem *Su ma ven kum*: possunt etiam, inquit, tantum assumi dies Æquinoctii & Solstitii. Si ergo juxta hujus Doctoris mentem, assumantur tantum dies Æquinoctii & Solstitii, judico expedire, ut mense præcedente paterfamilias priùs eat in Parentalem domum, & præfixum Ceremoniæ Cy diem denuntiet. Hæc denuntiatio ibidem sic describitur: Paterfamilias cum supradictis generis, liberis ac nepotibus exhibet solitas corporis inclinationes; accedit ad mensam odoramentorum; flexis genibus cremat odoramenta; surgit, iterat inclinationes; Lector ad ejus latus flexis genibus recitat hanc formulam: obsequiosus nepos N. meditans sequenti mense, die N. reverenter præstare consuetum anni obsequium suis Majoribus defunctis, audet electum diem denuntiare. Quo lecto, repetuntur corporis inclinationes, exitur, clauditur porta, & ad portam foris unus domesticorum, patrisfamilias nomine, sic: Cùm nepos obsequiosus N. meditetur sequenti mense, die N. reverenter præ-

stare consuetum anni obsequium Majoribus defunctis; omnes, qui funguntur aliquo munere, diligenter res necessarias præparent. Cui respondent: parebimus. Quod attinet ad has sortes, sintne superstitiosæ, necne? vide Tractatum de Ceremoniis Sinarum erga Defunctos. Deinde ibi dicit Liber quòd non omnes possint servare hos Ritus; imò jam pridem hos pauci servant.

Posteà refert res necessarias ad præfatam Ceremoniam Cy: scilicet mensas, sedes, discos, scyphos, pocula, fercula, vasa, pelvim, lintea, mantilia, odoramenta cum suis capsulis, candelabra cum sua pelvi, fasciculos herbarum *Mao*, de quibus jam supra; pecudes, v. gr. ovem vel capram, vel porcum, vel gallinam, vel anatem; vinum, fructus, legumina, carnes, pisces, orizam, potum *Cha*, &c. Magistros Ceremoniarum & famulos. Hisce præparatis, ut ibidem describitur, tribus diebus ante Ceremoniam Cy servanda præscribitur variarum rerum abstinencia. Quibus in rebus consistat, & cur, vide Tractatum de Ceremoniis Sinarum erga Defunctos, & alibi.

Die Ceremoniam præcedenti, Paterfamilias cum liberis, generis & famulis it in Parentalem domum; Aula verritur, mensæ ac sedes teruntur, pro singulis quatuor generationibus defunctorum Progenitorum, nempe pro Patre & Matre, Avo & Avia, Froavo & Proavia, Abavo & Abavia, designantur 4. loca; unusquisque locus continet unam mensam cum duabus sedibus simul junctis; & hoc vocatur sinicè *Guei*, scilicet locus designatus, in quo Tabella Patris & Matris, Avi & Avia &c. exponuntur tamquam ad epulum. Alia mensa odoramentorum apponitur in medio Aulæ cum suis candelabris & odoramentorum vasis, & infra eam fasciculi herbarum *Mao* arenæ immixtarum, uti & infra prædictas mensas. Hinc, & hinc aliæ mensæ ad apponendum cibum & potum. Item mortuarius lectus cum epulis ad Occidentem.

Posteà Paterfamilias ducens secum suos generos ac liberos, it ad locum, ubi inspiciuntur animalia, ut illorum occisioni præsit seu curet occidi, sinicè *Li xa*, (non ut propriis manibus occidat); illa inspicit aut examinat; illorumque inspectione ac determinatione peractâ, nempe illis occisis, Materfamilias cum suis nuribus mundat suppellectilem, condit ac præparat epulas, &c. Sequenti die summo mane surgitur; Paterfamilias cum tota sua Familia vadit in Parentalem domum. Supra unamquamque mensam quadruplex ferculorum ordo dispo-

ſponitur ; ſed ſecundus vacuus relinquitur ad eum implendum , dum ſit Cereſonia præſentandi. Deinde ſi adſit animal integrum , ( nempe pridie occiſum ) apponitur adhuc alia menſa pro eo imponendo ; ſi non adſit , non apponitur.

Deinde hæc adjungit : ſi modus ordinariorum conviviorum adhibeatur , videtur mihi ſic penè exprimi mens inſerviendi mortuis , ſicut vivis.

Hoc igitur die poſtquam Paterfamilias & Materfamilias cum tota Familia in Parentalem domum advenerunt , & manus laverunt ; famuli aperiunt thecas in quibus reconduntur lignæ Parentum defunctorum Tabellæ ; has extrahunt ; ſuper odorariam menſam flexis genibus cremantur odoraſenta , & recitatur hæc formula : Cùm nepos obſequioſus hoc ſecundo N. ( id eſt , veris , vel autumni , vel æſtatis , vel hiemis ) menſe velit ſua præſtare obſequia Abavo & Abaviæ , Proavo & Proaviæ , Avo & Aviæ , Patri & Matri ; audet vos rogare , Spirituum ſeu Defunctorum Tabellæ , ut exeatis , & veniatis in medium anterioris Aulae , ubi poſſit reverenter ſuæ obſervantiæ miniſterium exhibere.

Tum factis corporis inclinationibus , poſitæ in lancibus Tabellæ , præeunte Patrefamilias , deferuntur in anteriorem Aulam , & in præparatis locis ( de quibus antè ) deponuntur. Deinde omnes ſimul faciunt ſolitas corporis inclinationes , id eſt , unam levioſem , & quatuor profundiores. Poſt demittitur Spiritus ; id eſt , Paterfamilias poſt lotas manus genibus flexis cremat odoraſenta ſuper menſam odorariam ; unus è conſanguineis vel liberis , à ſiniſtris Patrifamilias fleſtens genua , ei offert ſcyphum orbiculo impoſitum ; alter à dextris etiam flexis genibus vinum infundit in ſcyphum. Paterfamilias lævâ tenens orbiculum , & dextrâ ſcyphum , totum vinum effundit ſupra prædictum faſciculum herbarum *Mao* arenæ immixtum , ( jam ſuprà dixi hoc vinum vel in terram , vel in pelvim ſubjectam ſolere effundi , ) binamque Tabellis profundioſem reverentiam exhibet. Tum Pater & Materfamilias accepta è manibus famulorum ſercula piſcium , carniū , edulioſum , orizæ &c. apponunt in ſecundo menſæ ordine vacuo ante prædictas Abavi & Abaviæ , Proavi & Proaviæ , Avi & Aviæ , Patris & Matris Tabellas ; & ceteri conſanguinei ſimilia ante collateralium conſanguineoſum Tabellas. Deinde Paterfamilias prima vice vinum præſentat : id eſt , ante unamquamque Abavi & Abaviæ , Proavi & Proaviæ , Avi & Aviæ , Patris & Matris Tabellam tantillum vini è ſcypho effundit ſupra prædictum

Etum herbarum *Mao* fasciculum , & ante eandem receptum scyphum deponit famulus. Quo facto omnibus in genua provolutis, Lector etiam flexis genibus ad lævum latus Patrisfamilias hanc verborum formulam recitat : Hoc Imperatoris N. anno N. mense N. die N. obsequiosus abnepos N. Præfectus N. cognomine N. nomine N. audet palàm præclaris Abavo, Proavo, Avo, Patri, præfectis N. familiæ Dominis ; & præclaris Abaviæ, Proaviæ, Aviæ, Matri, cognominatis N. cognomine N. hæc dicere : Anni ordo suas assidue mutat vices : nunc vernum tempus, ( vel æstivum, autumnale &c. ) advenit. Dilabentis igitur anni tempore excitatus ad recordationem , diuturno vestri desiderio vehementer teneor. Idcirco omni reverentiâ cum hac munda pecude nempe ove, vel capra, vel porco ; cum hisce farinæ , orizæ , ceterarumque rerum ferculis , cum hoc puro vino, consuetum annui obsequii munus submisissè vobis exhibeo ; uti & consanguineo, vel consanguineis N. N. , quos vobis mensæ comites adjungo : id penè gratum habebitis. Quo lecto unius consanguineorum senior prædictam vini præsentandi Ceremoniam etiam facit collateralibus consanguineis. Deinde assum jecur apponitur ad dictas Tabellas ab aliquo etiam seniore consanguineorum, & hic idem vel Materfamilias, vel rursus Paterfamilias secundâ vice ac tertiâ vinum præsentat, sicut prima vice fuit præsentatum ; & post utramque istius præsentati vini Ceremoniam, ad easdem Tabellas apponitur caro assa ab aliqua nuru seniore, si Materfamilias istam præsentandi vini Ceremoniam faciat ; vel ab aliquo consanguineo seniore, si vel Paterfamilias, vel consanguineus senior eam faciat.

Posteâ fit invitatio seu exhortatio ad epulas ; id est, Paterfamilias infundit vinum in scyphos ante Majorum Tabellas, & Materfamilias infigit cochlear in orizæ scutellis, & ambo factis solitis inclinationibus corporis, cum aliis egrediuntur ; porta clauditur, vel demittitur velum vimineum , & silentio tantisper quiescunt, ( nempe sicut olim relinquebatur comedere ille Puer Actor, qui Defunctum repræsentabat. ) Tum Lector ruffienti similis, ter vocem lugubrem edit, *finicè T bin,* ( vide supra ) ; aperitur porta ; apponitur potus *Cba* à Patre & Materfamilias, aliisque consanguineis ante singulas Tabellas. Posteâ felicitas, seu vinum faustitatis ebitur, & carnis vel orizæ ferculum excipitur sic : famuli sternunt floream ante mensam odoramentorum , ad quam accedit Paterfamilias ; vini scyphum extantem ante Abavi Tabellam



lam accipit Lector ; & flexis genibus Patrifamilias, genua etiam flectenti, eum tradit ; Paterfamilias tantillum vini in terram effundit, ac tantillum degustat, seu scyphum ad labra tantum admovet. Idem Lector cum cochleari accipit tantillum orizæ ex omnibus scutellis ante Tabellas extantibus, & disco imponit ; pergensque ad lævam Patrifamilias, hanc apprecatoriam verborum formulam recitat : Defuncti Avi jubent me internuntium tibi nepoti obsequioso felicitatem, quam communices tuis nepotibus obsequiosis, ( nempe operis perfectionem, &c. ut infra dicitur ) sine termino deferre seu nuntiare, ita ut à Cælo Magistratus stipendia accipias, optimam ex agris messem colligas, & longissimam vitam ducas. Vide, ne hunc Parentalem Ritum negligas, sed cum tuis Posteris trans mitte. His lectis, Paterfamilias deponit humi vini scyphum ante floream, binamque profundiorē reverentiam exhibet ; rursus flectit genua, tantillum orizæ è catino, quem Lector tenet, accipit, degustat, in vestis manica includit ; recipit vini scyphum & exhaurit, eumque cum orizæ catino reddit famulo. Dein Lector dicit : alimoniz opus est peractum. Sequuntur solitæ corporis inclinationes, redit unusquisque ad locum suum, valedicitur Spiritui, id est, Defuncti Tabellæ sic : una levior, & quatuor profundæ corporis inclinationes exhibentur. Postea crematur supradicta verborum formula seu schedula, qua res fuerunt præsentatæ. Eodem modo, quo allatæ sunt, referuntur Tabellæ in pristinum locum ; colliguntur fercula ; & omnis Ceremonia peracta est.

Pro his omnibus Ritibus modò recensitis, & infra adhuc recensendis, vide Tractatum de Ceremoniis Sinarum erga Defunctos, ubi singuli in particulari discutiuntur, & motiva ac intentiones, ob quas instituti sunt & exercentur, reperies.

Post hæc, Pater & Matrifamilias sedent in medio Aulæ ; Liberi, nurus, nepotes, alique Posterī unam leviorē, & quatuor profundiores, ut supra, corporis inclinationes eis exhibent. Deinde illorum unum natu grandior accipit vini scyphum, & accedens ante Patris & Matrifamilias sedes flectit genua ; si hic sit filius aut nepos, sedendo ; si sit frater, stando illum excipiunt. Deinde Lector hanc verborum formulam recitat : quandoquidem Parentalis Ritūs opus sit peractum, Majorisquē defuncti gratum munus habuerint ; submissè exoptamus, Parentes venerandi, ut quintuplicem felicitatem ( scilicet longam vitam, divitias, cordis & corporis tranquillitatem, honestatis amorem, finalem virtutis

H

per-

perfectionem) perfectè recipiatis, totamque nostram Familiam protegetis ac rectè componatis. His lectis, vini scyphum tradit famulo; famulus eum ante Patrem & Matrem familias apponit; ille autem statim exurgens, factâ leviori reverentiâ, redit in suum locum, ubi cum aliis omnibus consanguineis unam leviolem, & quatuor profundiores corporis inclinationes eis exhibet, nempe omnino, ut sit Defunctis. Tum Paterfamilias: quandoquidem, inquit, Parentalis Ritus opus peractum sit; quintuplicis felicitatis bonum, omnibus vobis commune facio. Quo dicto, rursus iteratæ corporis inflexiones. Deinde viri in exteriori, mulieres in interiori Aula præsentatas dapes seu peracti convivii reliquias comedunt & bibunt. Idem vide apud Lib. *Ta mim boei tien* tom. 95.

Interpres *Lien cham* sic ait: Epotandæ felicitatis, inquit Doctor *Han guey* in suo Libro *Kum kia cy*, & excipiendæ carnis Ritus jam pridem exolevit, (nempe in Parentum defunctorum Ceremoniis,) nec in praxim deducitur. Nunc ergo sufficit, ut residuæ Parentationis. escæ & vinum distribui tantum jubeatur inter consanguineos seniores & juniores ad illas edendas, & hoc bibendum.

2. De Ceremonia *Cy primis Familia Avis*, vel primis hominum *Avis faciendâ in Solstitio hiberno*, agit idem Liber *Kia li* tom. 7. Sed ibidem dicit, uti & Liber *Sim li ta ciuen* tom. 21. eam inventam fuisse à Doctore *Chim* oriundo ex pago *Y chuen*, sub Imperio *Sum*, nec jam in usu esse. Hujus Ritus, penè ut in præcedenti, vel potius, ut in sequenti. Antequam crematur pécudis adeps supra vas odoramentorum, sic Lector ait: Cum obsequiosus nepos N. hoc Solstitio hiberno suum velit obsequium præstare magno seu primo Avo ac magnæ Avix, audet rogare venerandas Intelligentias, ut descendant & degant in Spiritus seu Defuncti Tabella ad Ceremoniam *Cy*, eis reverenter faciendam.

*Nota:* Cum dicat Liber hanc Ceremoniam *Cy Sinas* nunc non audere facere, nec ergo prædicta formula recitatur; hoc ergo fuit tantum inventum istius hominis particularis, nec usu receptum: dein more vel Idololatrarum Sinenſium vel Rhetorum loquebatur. Prædictæ Ceremoniæ *Cy* formula sic assignatur: Anno N. obsequiosus nepos N. audet palam magno, sinicè *Hoam*, primo Avo, & magnæ primæ Avix hæc dicere: cum advenerit Solstitium hibernum seu initium dierum crescentium, memor debitæ gratitudinis erga meum Principium ac originem non ausum Ritus negligere; ideo omni cum reverentia, istam mun-

mundam pecudem ovem, ista escarum fercula, istud purum vinum, annui obsequii munus submisit vobis appono. Id penè gratum habebitis.

3. Idem Lib. *Kia li* tom. 7. refert Ceremoniam *Cy* initio Veris faciendam antiquioribus Avis, seu Majoribus ultra quatuor generationes remotis; sed hanc ait etiam esse ex inventione ejusdem Doctoris *Chim*, & per eam quasi usurpari Ritus, Regum proprios; posse tamen quandoque fieri ad animorum conjunctionem; nempe ab iis, qui ex multis Parentelæ ramis collecti per multas generationes simul convalescunt; ab iis autem, qui eadem Parentelâ per quatuor tantum generationes uniti simul cohabitant, non oportere fieri; sed Liber *Sim li ta ciuen* tom. 21. absolute dicit hanc, uti & præcedentem, nunc non fieri. Ritus, ut in penultima Ceremonia *Cy*, præter hos paucos magis particulares; Pro lignicis Tabellis, adhibetur papyrus, in qua scribitur istorum Majorum nomen. Die Ceremoniam præcedenti sub vespèram occiditur pecus vel pecudes, prius inspectæ à Patrefamilias, quæ postquam occisæ sunt, ipsemet eas abscindit; ex pilis & sanguine unum, ex capite & corde unum, ex jecore & pulmone unum, ex adipe & contrita herba odorifera *Hao*, vel ex aliis odoribus unum, ex jecoris minuti ali duo parvula, ex pulmonis minuti etiam duo parvula facit fercula; ex simplici seu puro carnis semicoctæ jusculo majorem scutellam, & ex ejusdem jusculo mixto cum leguminibus minorem componit. Integrum animal (scilicet occisum,) in magna lance apponitur. Sed ibidem sic dicit: Nunc in solemnibus Regni Ceremoniis *Cy*, animal quidem integrum apponitur defunctis Regibus ac Principibus; sed in inferioribus & secundariis, ad singulas ligneas Tabellas pars unicuique divisa apponitur: Et nunc sic morem esse mutatum arbitror.

Deinde ibidem sic: Juxta Ritus Ceremoniæ *Cy*, quæ fit in singulis quatuor anni temporibus, debent prius inspicere & occidere animalia; sed nunc hoc non fit. Ideo hic istud suppleo. Ac postea dicit, quod Patrefamilias cum suis Generis aut Liberis adeat locum ubi sunt animalia, ea inspiciat, & curet occidi, ut supra; id est, die Ceremoniam *Cy* præcedente. Sequenti die manè exponuntur vasa, epulæ supradictæ, signa papyracea; Patrefamilias cremat ter odoramenta in mensa odoraria; dein Lector legit eandem formulam, quam supra in præcedenti Ceremonia *Cy*, mutando tantum hæc verba: loco magni aut primi Avi, dicit antiquiorem seu priscum Avum; & loco primæ Avix, dicit priscam Aviam.

Cum hæc Ceremonia Cy sit etiam ex inventione Doctoris *Chim*, idem etiam esto iudicium de ejus formula, quod de præcedenti.

Recitatâ hac formulâ, (pergit idem Liber *Kia li*) pecudis adipem in vase supra carbones cremat Paterfamilias; postea sequuntur corporis inclinationes &c. ut supra num. 1. Deinde idem Paterfamilias apponit sanguinem cum pilis, carnem crudam, carnem coctam, orizam coctam, prædictam majorem & minorem scutellam apud præsci Avi & Avix signa papyracea, & ter vinum præsentatur cum reliquis, ut supra eodem num. 1. Istius Ceremoniæ Cy formula hæc est: hoc anno, mense, die, &c. obsequiosus nepos &c. Audet palam antiquiori seu præscio Avo N. Præfecto N. familiæ Domino, & antiquiori seu præscæ Avix N. cognominatæ N. cognomine N. hæc palam dicere: Cum nunc Ver, nascentium rerum Principium incipiat, diuturnâ vestri memoriâ commotus ad grates nostræ origini persolvendas, statos Ritus oblivisci non ausim; ideò omni cum reverentia istum mundum porcum, istam limpidam aquam, istud vinum novum & defæcatum, annui obsequii munus submisit vobis appono; omnèque nostri Majores huc adveniant. Id penè gratum habebitis. Hæc verba ultima: *Omnes nostri Majores huc adveniant*, non habet Liber *Sim li ta ciuen*, qui ibi tomo 21. dicit hanc & præcedentem Ceremoniam Cy nunc non fieri, sinicè *Kiay pu kan cy*; utraque fuit novum inventum prædicti Doctoris *Chim*.

4. Idem Lib. *Kia li* tom. 7. refert Ceremoniam Cy in fine autumnii faciendam Patri & Matri defunctis; vel alterutri, si alteruter sit adhuc superstes. Ritus, ut numero 1. de Ceremonia Cy quatuor temporum. Ceremoniæ formula sic ait: Hoc anno, mense, die &c. obsequiosus filius N. palam audet præclaro Patri Præfecto N. & præclaræ Matri cognominatæ N. Cognomine N. hæc dicere: Nunc autumnii finem, quando res incipiunt esse maturæ ac perfectæ, instare videns, commoveor ad vestri recordationem ac desiderium. Vastissimum Cælum caret limitibus; (ita nimirum Parentum beneficia;) ideò omni cum reverentia &c. ut supra.

5. Idem Lib. *Kia li* tom. 7. refert seu præscribit Ceremoniam Cy defuncto Parenti faciendam in Anniversario ejus obitus die; hocque die nec vinum bibitur, nec caro comeditur; nec musicæ, seu comediæ afficitur; lugubris vestitus induitur; seorsim ab uxore dormitur. Ritus ut supra num. 1. Ceremoniæ formula sic est: Hoc anno &c. obsequiosus filius,

filius, vel nepos, abnepos &c. N. audeat palam Patri, vel &c. hæc dicere; Anni ordo assidue suas mutat vices; nunc cum recurat obitus tui dies, hic me ad diuturnam tui recordationem excitat. Vastissimum cælum caret limitibus; omni igitur cum reverentia ad prodendum meum affectum istam pecudem & vinum tibi appono. Id penè gratum habebis.

6. Idem Lib. ibidem aliam refert Ceremoniam Cy verno tempore ad sepulchrum seu in sepulturæ loco faciendam. Uno aut altero die ante Ceremoniam, Paterfamilias cum famulis pergit ad sepulturam, mundat locum, evellit herbas, spinas, tribulos. Ceremoniæ Ritus, ut suprà num. 1. Nisi quod lignæ Tabellæ non apponantur; lugubris vestitus induitur; sternuntur floreæ ante sepulchrum ad dapes exponendas; Ceremoniæ formula sic ait: Hoc anno &c. obsequiosus vel filius, vel nepos &c. N. audeat palam Parentis vel consanguinei N. Præfetti N. sepulchro hæc dicere; Anni ordo assidue suas mutat vices; cum ros & pluvia terram irrigarint, ideo sepulturæ vestræ sepulchrum visitaturus veni, ut illud mundarem ac verterem. Ad ejus conspectum incredibili tui, vel vestri desiderio exarsit. Quare istam mundam pecudem, (nempe pecudis carnes,) & istud vinum, annui obsequii munus submisit ac reverenter vobis appono, vel præsentato. Id penè gratum habebitis. Deinde ibidem adhuc refert Ceremoniam Cy Spiritus istius loci, de quo suprà.

7. Idem Lib. *Kia li* ibidem tom. 7. ponit Ceremoniam Cy faciendam, quando Imperator aliquem Defunctum titulo honorario, seu honorifico cognomento exornat. Ritus, ut suprà num. 1. In fine Ceremoniæ, schedulam, in qua scriptum cognomentum honorificum miserat Imperator, unà cum Ceremoniæ Cy formula comburitur. Hujus formulæ sensus est: Imperator memor rerum à Defuncto olim in Magistratu bene gestarum, misit istud elogium, seu cognomentum honorarium; Parentans & gaudet & dolet; nam dum istius elogii schedam comburit honoris ergò erga Imperatorem, sibi auget doloris sensum erga Defunctum; hinc cum isto vino, atque fructuum ferculis demonstrat suam reverentiam.

Hæc Ceremonia habetur tom. 1. dicti Libri *Kia li*; sed glossator *Tam* in hoc tom. 7. eam auxit.

Deinde idem glossator in eodem tom. 7. addit alias duas faciendas duobus Spiritibus, scilicet Spiritui alicujus loci terræ dicto *Tu ri*, de quo suprà; & Spiritui foci, ultimo die anni.

8. Nota: Idem Liber *Kia li* tom. 1. & 2. leviores quasdam Cere-

monias aut honoris exhibitiones etiam refert seu describit; v. gr. pro primo anni die, pro 1. & 15. die mensis, pro solstitio hiemali, pro impositione primi pilei, &c. Sed cum nihil habeant speciale, eas omitto.

Videamus nunc ob quem finem, intentionem, motivum istæ omnes Cereemoniæ, illarumque Ritus particulares instituti fuerint ac nunc servantur, aut exerceantur; hoc enim est præcipuum, quod spectari & attendi debet.

## C A P U T VII.

De fine & intentione, ob quam varii Ritus erga Defunctos olim instituti sunt, ac nunc fiunt in Parentali Cereemonia Cy.

**Q**Uæres 1. Ob quem finem sanguis, pili, caro cruda, jecur, pulmo, cor, caput, aqua apponatur, & adeps concremetur? nempe in quibusdam tantum, & raris Parentum Cereemoniis; &, ut dixi, quæ nunc non fiunt. Pro Confucii Cereemonia Cy, vide Caput sequens.

Respondeo 1. Liber *Ven bien tum kao* tom. 94. sic: Præteriti Doctores dicunt appositionem sanguinis, pilorum, carnis crudæ esse appositionem escarum, quibus in antiquissimis temporibus homines vescabantur; (vide supra, Cap. 1. Quæres 1.) appositionem verò carnum cum aliis prioribus semicoctis simul coctarum, quæ post modicum temporis intervallum fit, esse appositionem escarum, quibus in præsentì tempore homines vescuntur.

2. Lib. Rit. tom. 5. cap. 11. *Kiao te sem*: Pili & sanguis accipiuntur, ad denuntiandam pecudis occisæ obscuritatem seu interioritatem, & integritatem; in denuncianda autem pecudis obscuritate seu interioritate, & integritate ostenditur, quod magnificat totalis ejus perfectio. Tum Interpretes *Chin hao*: quando pecus occiditur, primum accepto sanguine & pilis id Spiritui seu Defuncto, (nempe Defuncti Tabellæ) denuntiatur; quia sanguis est aliquid intrinsecum; ideò dicitur cum eo obscuritas seu interioritas denuntiari; & quia pili sunt aliquid extrinsecum, ideò dicitur cum illis denuntiari integritas; magnificare autem totalem pecudis perfectionem, esse spectare, ut illa intrinsecè & extrinsecè sit omnino perfecta.

3. Lib.

3. Lib. Carminum tom. *Siao ya*, odâ *Sin nan xan*, sic compendiosa Interpretum compilatio : Ipsemet filius Parentans arripit cultum tinnabulo instructum ad abscindendos pecudis pilos auris, ut denuntiet ( nempe Defuncti seu Defuncti Tabellæ ) omnimodam ejus perfectionem ; accipit ejus sanguinem, eumque in scutella apponit, ut denuntiet ejus occisionem, non ex morbo scilicet mortuam. Deinde accipit ejus adipem, eamque cremat cum herba odorifera *Siao*, ut suavem odorem præbeat.

4. Lib. Rit. tom. 4. cap. 9. *Ly yun* sic : Adhibere vinum cæruleum in Ceremonia *Cy*, ( id est, aquam limpida, ) præsentare seu apponere pecudis sanguinem cum pilis, ac carnem crudam &c. ad magnificandam Defuncti animam & corpus, id dicitur habere quandam caliginosam conjunctionem. Ad hunc locum sic Interpres *Chin hao* : præsentare vinum cæruleum seu aquam, ac sanguinem cum pilis, & apponere carnem crudam, hæc tria sunt ad imitandum antiquissimi temporis Ritum ; ( nempe dum nondum vini & ignis usus erat, Sinæ bibebant aquam ac sanguinem ; comedebant carnes crudas cum inhaerentibus pilis. Vide Cap. 1. Quæres 1. ) ; quæ sequuntur autem, id est, coquere carnes, steruere storeas &c. sunt mediz antiquitatis Ritus. Denique recedere ad breve temporis spatium, & reliqua usque ad finem, sunt consueti recentioris temporis Ritus. Idem Interpres ibidem sic : Cum antiquitus nullus vini usus adhuc foret, præsentabatur aqua : ideò posteriores Imperatores in honorem antiquitatis eam appellârunt vinum cæruleum.

5. Lib. Rit. tom. 4. cap. 11. *Kiao te sem* sic : Præsentatur sanguis ad patefaciendam vitalis auræ, quam pecus occisa habebat, abundantiam, seu vitalium spirituum abundantiam. Præsentatur pulmo, jecur, cor ad magnificandam vitalis auræ seu vitalium spirituum præcipua receptacula. Dum præsentatur milium, additur pulmo ; dum præsentatur vinum novum, additur aqua limpida, ut gratiæ agantur rei ad quietem *Yn* pertinenti. Extracta viscerum adeps crematur & caput præsentatur seu apponitur, ut gratiæ agantur rei ad motum *Yam* pertinenti. Tum Interpres *Chin hao* sic : Dum visibilis Defunctorum Majorum species seu corpus in terram revertitur, id dicitur res ad quietem *Yn* pertinens. Pulmo dum comparatur cum quinque primariis Principiis universalibus, ( scilicet terra, igne, aqua, ligno, metallo ) spectat ad metallum ; metallum & aqua sunt etiam quid pertinens ad quietem *Yn* ; ideò pulmo, &

& munda aqua addebatur, ut cum rebus ad quietem *Yn* pertinentibus, gratiæ agerentur Intelligentiæ rei ad quietem *Yn* pertinentis, (nempe Animæ, quatenus olim corpus vivificanti; vel potius corpori, quatenus olim viventi vitâ sensitivâ.) Adeps autem prius in vase focario cremabatur; ac postea dum caro cocta apponebatur, herba odorifera *Siao* mixta cum milio comburebatur. Milium, est quid pertineas ad motum *Yam*, uti & caput pecudis est etiam pars ad *Yam* pertinens. Jam verò quia animæ vitalis aura dum in cælum redit, dicitur res pertinens ad motum *Yam*, ideò cum rebus ad motum *Yam* pertinentibus gratiæ agebantur Intelligentiæ rei ad motum *Yam* pertinentis, (nempe animæ, quatenus olim viventi vitâ rationali.)

6. Lib. Rit. tom. 8. cap. 24. *Cy* sic: Positis igitur his duabus rebus, (scilicet hominis corpore & anima) instituti sunt duo Ritus; primus est matutinum opus, quo pecudis adeps mixta cum odorifera herba *Siao* comburebatur ad gratias agendas vitali auræ seu Defuncti animæ; hoc enim modo instruebantur populi recolere suam originem, ex qua nati erant. Secundus est post matutinum opus, quo præsentabatur jecur, pulmo, caput, cor cum duabus vini novi amphoris, & insuper in terram effundabatur vel præsentabatur (olim videtur fuisse tantum præsentatum, non effusum) vinum ex odoriferis herbis *Yo* & *Cham* confectum, ad gratias agendas corpori. Tum Interpres *Chin hao*: Istæ duæ res, sunt tum vitalis hominis aura, quæ est clara Spiritûs producentis manifestatio, tum corpus, quod est clara Spiritûs destruentis manifestatio. Isti duo Ritus, sunt tum matutini operis, quo nempe adeps comburebatur, & caro cruda, sanguis &c. præsentabatur seu apponebatur; tum subsequenter operis, quo carnes coctæ ac conditæ inferebantur, Ceremoniæ. Insuper adhibebatur vini odoriferi in terram effusio, quia Defuncti corpus in terram rediit. Hæc quidem Ceremonia fiebat in principio; sed liber eam hic ponendo post præsentatum milium & carnem coctam, vult significare, quod non tantum milium & caro cocta apponebatur ad gratias corpori agendas, sed etiam quod illa vini odoriferi in terram effusio, quæ in principio fiebat, simul adhiberetur ad gratias eidem agendas.

Interpres *Hoam* in suo Commentario dicto *Li ki kiam y*, id est, interpretatio Libri *Li ki*, ad eundem textum sic: Id, quod per istam & adipis & herbæ odoriferæ *Siao* vel *Hao* combustionem intendebatur, erat suavis exhalatio ac bonus odor. Odor & exhalatio cum sit quid  
ad



Cap. VII. De fine variorum Rituum Parentalium. 63

ad motum *Yam* pertinens erat id, quo Spiritui producenti serviebatur, & vitali auræ olim viventi, (id est, animæ) gratiæ agebantur; atque ita docebantur populi recolere suam originem. Appositio milii, jecoris, pulmonis, capitis, cordis cum duabus vini novi amphoris, & vini odoriferi in terram effusio initio adhibita, sunt quid spectans ad gustum & saporem. Gustus autem & sapor cum sit quid ad quietem *Yn* spectans, erat id, quo serviebatur Spiritui destruenti seu abeunti, & corpori olim viventi gratiæ agebantur.

7. Lib. Rit. tom. 8. cap. 24. *Cy* sic: Ceremoniæ *Cy* die, ipse Rex seu Imperator fune trahit bovem, (id est, Liber refert id quod olim fiebat) ejus filio ad latus unâ trahente; primarii Regiæ Ministri in suo quique ordine sequuntur. Postquam Parentalis ædificii portæ successit bos, alligatur ad foramen lapideæ columnellæ. Unus è primariis Ministris, exuta veste exteriori, abscindit istius bovis auris pilos; quodque magni sit, est auris. Deinde cultro ex quo ad consonantiam tintinnabulum dependet, jugulatur, accipiturque intestinorum adeps. Tum ad breve temporis spatium receditur. Deinde istius bovis caro cruda & semicocta præsentatur, & abitur. Hæcque est maximæ reverentiæ demonstratio. Tum Interpretes *Chin hao*: Quando jam jam jugulanda erat pecus, accipiebantur laterales auris pili ad eos Defuncti Tabellæ deferendos; pili autem deferebantur, ut pecudis occisæ omnimoda perfectio denuntiaretur. Per aurem, quæ est auditûs organum, Parentans indicabat suum desiderium, quo voluisset ut Spiritus vel Defunctus se audiret; (id est, demonstrabat filialis animi affectum &c.)

Quæres 2. Ob quem finem olim ipsemet Rex exuta veste exteriori, pecudem pro defunctorum Parentum Ceremonia *Cy* occisam, in frustra abscindebat?

Respondeo. Lib. Rit. tom. 5. cap. 11. *Kiao te sem* sic: Princeps binam profundam reverentiam præstat, ac deinde caput usque ad terram demittit; vestem exteriorem exuit; occisam pecudem propriis manibus abscindit. Hoc siquidem modo summam venerationem exhibet: Summam autem venerationem exhibere, est morem gerere; binam profundam reverentiam præstare, est aliquod morem gerendi argumentum; caput usque ad terram demittere, est aliud majus; vestem exteriorem exuere, est omnes morem gerendi partes explere. Tum Interpretes *Chin hao* sic: *Morem gerere*, id est, Parentibus obedire & obsequi. *Binam*

*profundam reverentiam praeferre, est aliquod morem gerendi argumentum; caput usque ad terram demittere, est majus; vestem exteriorem exuere, est omnes morem gerendi partes explere, id est, vera quidem obsequendi & morem gerendi ratio in interiori animi sensu consistit; sed cum vestem exteriorem exuit & caput profundissime demittit, non tantum animum interiùs, sed etiam totum corpus exteriori Parentibus morem gerere atque obsequi ostendit Parentans.*

Quæres 3. An ista cibi & potus fercula apponantur, ut Parentum defunctorum animæ comedant ac bibant?

Respondeo 1. Lib. Rit. tom. 2. cap. 4. *Tan kum bia* sic: Olim, inquit Confucii discipulus *Cem tsu*, ubi aliquis obierat, statim fastidio & horrore erat; cum enim omni vi & potentiâ destitutus esset, ideò contemptim projiciebatur ac derelinquebatur. Ob hanc causam prisci sapientes Imperatores sancivere varia lintheaminum involucria, & tabulas instar ventilabri efformatas exposuere ad efficiendum, ut vivi mortuos fastidio & horrore non haberent. Quare statim atque aliquis obierat, exsiccatae & conditæ carnis fercula ei apponebantur: ubi in sepulchrum deferendus erat, dapum munus ad valedicendum præsentabatur; postquam sepultus erat, fiebat ei alimentorum appositio: Neminem tamen huc usque reperias, qui unquam viderit mortuum præsentata excipere vel delibare. Ceterum ab omni retrò antiquitate numquam hæc omissa fuerunt; quia nempe volunt Ritus efficere, ut Vivi Mortuos contemptim non projiciant, nec derelinquant.

Dein Interpres *Chin bao* sic: Quandoquidem dicat *Tsem tsu*: *Ubi aliquis obierat, statim fastidio & horrore erat; cum enim omni vi & potentiâ destitutus esset, ideò contemptim projiciebatur ac derelinquebatur*; ego arbitror antiquitus, dum nulli adhuc habebantur Ritus, complures sic egisse. Hinc conjicio primam pritorum Sapientum, qui Ritus instituerunt, mentem hanc dumtaxat fuisse, ut vivos compellerent ad mortuos fastidio & horrore non habendos; nec eos contemptim projicerent ac dereliquerent &c. Ecquis sanè unquam vidit mortuos præsentata excipere aut delibare? Verum ex quo primum Ritus olim instituti fuerunt, numquam audiui ista aliquando neglecta aut omissa fuisse. Hæc igitur servant homines, ut habeant cogitationem suæ vitæ origini grates persolvendi, & suum Principium recolendi, non valendo aliter facere, & affectum suum reprimere.

2. Idem

2. Idem Lib. Rit. tom. 2. cap. 4. *Tan kum bia* sic: Ante sepulturam in apponendis escarum ferculis adhibentur vasa omni ornatu expertia, quia Parentans gerit intimum animi dolorem omni ornatu expertem. Triennali autem luctu peracto, dum Ceremoniam *Cy* peragit, tunc multo cum ornatu omnes sui muneris partes explet; sed quamvis sic agat, qui sanè sciat quidnam gratum habeat Spiritus seu Defunctus? hoc ergo Parentans etiam facit, ut intimum suæ æquitatis & reverentiæ animum demonstret. Ad patefaciendum, addit Interpretes *Chin bao*, *Suum animum*, & nihil aliud.

3. Lib. Rit. tom. 7. cap. 19. *To ki* sic: Quocircà florida illa musicæ symphonia non fit ad suavem vocum sonum audiendum; nec ille æstivæ Ceremoniæ, (qua omnibus Imperatoris Avis defunctis in Parentali Familiæ conditoris Aula dapes simul apponuntur,) Ritus fit ad degustandos ciborum sapes &c. Antiqui Imperatores non instituerunt Rituum ac musicæ leges ad explendam oris, ventris, aurium, oculorum cupiditatem; sed ad docendos populos veram tum amoris, tum odii æquitatem, qua rectam humanarum actionum normam tenerent. Deinde Interpretes *Chin bao* sic ait: Quod musica spectat, est immutare & corrigere prava mores; & quod Parentalis Ceremonia spectat, est grates suæ origini (nempe à qua nati sumus) persolvere, & suum Principium recolere.

4. Lib. Rit. tom. 8. cap. 24. *Cy y* sic: Solus vir sapiens potest *Hiam*, seu exhibere animi affectum supremo Domino, sinicè *Xam Ti*, & solus filius obsequiosus potest *Hiam* suis Parentibus defunctis, *Hiam*, id est, animo spectare; postquam illos animo spectat, tunc potest illis *Hiam*, seu animi affectum exhibere. Idcirco filius obsequiosus coram puella, Parentes Defunctos repræsentante, non erubescit, cumque Rex adducit pecudem & Regina vinum præsentat, Rex isti puella personato præsentat dapes, & Regina dapum fercula; Proceres adjuvant Regem, & Procerum uxores adjuvant Reginam. Omnes sunt in servanda reverentia & sinceritate attentissimi, & cupidissimi, ut ille præsentata munera spectet, gratiæ habeat. Ex paulò infra: Hinc Lector seu Ceremoniarum Præfectus denuntiat Parentantis mentem præ nimio animi dolore, in tractando cum Spiritu intelligente seu cum defuncto Patre, vel cum defunctis Majoribus fuisse consulam ac turbatam; filii autem obsequiosi mentem esse, ut præsentatas dapes penè gratas habeant, vel penè spectent.

5. Lib. Rit. tom. 5. cap. 11. *Kiao te sem* sic: Ea, quæ in canneis & ligneis Ceremoniæ Cy valis apponuntur munera, sunt tum aquatiles, tum terrestres fructus; sed abût, ut escæ vulgaris & vilis saporis assumantur; imò & illarum abundans numerus spectatur, atque magni sit. Porro ratio cur cum Spiritibus intelligentibus seu Defunctis hominibus Vi-vi habeant communicationem, non est ad escas & dapes edendas.

Ex his sat patet Sinas non offerre Defunctis ista cibi & potûs munera, ut eorum animæ illis fruantur.

Quæres 4. An apponantur ista cibi & potûs munera, ut talem eorum vaporem, halitum aut odorem, Defunctorum animæ comedant ac bibant? & quid sit demittere Spiritum, sinicè *Kiam xin*?

Respondeo 1. Lib. Rit. tom. 5. cap. 11. *Kiao te sem* ita ait: Ubi aliqui Regulus ad curiam veniens tractatur ut hospes, Imperator vinum ex nigro milio, & ex herbis odoriferis *To* & *Cham* confectum ei præsentat. Quod in hac vini præsentati Ceremonia spectatur, est ille odorifer suffitus.

2. Lib. Rit. tom. 5. cap. 10. *Li ki* sic: Reguli dum se invicem invisebant, vinum odoriferum ex herbis *To* & *Cham* confectum offerebant; sed non escæ ferculum. Tum Interpres *Chin hao*: Regulus prædictum vinum infundebat in scyphum, ad offerendum Regulo hospiti, sed non offerebat escæ ferculum; quia Reguli in mutua visitatione virtutis odorem & fragrantiam, non cupidiarum ac dapum saporem spectabant.

3. Lib. Rit. tom. 5. cap. 11. *Kiao te sem*: In Ceremoniis Parentalibus Cy id, quod maximè spectabatur sub Imperio Imperatoris *Xun*, erat vitalium Spirituum copia; ideò sanguis, caro cruda, caro semicocta præsentabatur seu apponebatur. Sub Imperio Familiæ *Yu*, id quod maximè spectabatur, erat mulicus concentus; antequam enim pecudes occiderentur, & dapes sapore atque odore gratæ præpararentur; edebatur tertio repetitus mulicæ concentus; quo edito, tunc pecudes adducebantur & excipiebantur. Iste autem mulicus concentus erat, id quo cælum inter ac terram fiebat Ceremoniæ Cy denuntiatio, (nesciebant nempe Sinæ ubinam esset Spiritus seu anima Defuncti.) Sub Imperio autem Familiæ *Chen*, id, quod maximè spectabatur, erat suffitus ac fragrantia; ideò ad faciendam Ceremoniam *Quon*, (id est, ut supra dixi, vinum odoriferum præsentare, vel in terram effundere) Imperatores isti utebantur bene fragranti vini ex herbis *Cham* confecti odore & suffitu, huicque vino su-

ven

ven odoriferæ herbæ *To* succum immiscebant ac superaddebant, ut iste vini odor, utpote quid ad quietem *In*, (id est, Defuncti corpus) spectans, penetraret in inferiores terræ recessus. Ad præsentandum autem hoc vinum, utebantur pretioso vase *Quey cham*; quodque spectabatur, erat etiam ille pretiosi vasis fragrans odor. Hoc vino præsentato vel in terram effuso, tunc demum ibant ad adducendas pecudes; volebant enim prius fragrantem illo vini odore decorare rem ad quietem *In* pertinentem, (nempe Defuncti corpus.) Postea odoriferam herbam *Siao* cum milio miscebant, ut fragrans ejus odor ad motum *Tam*, (nempe animam) spectans, penetraret inter muros ac cubicula. Idcirco post appositas coctas carnes, tunc ista odorifera herbæ *Siao* combustio fiebat. In quavis Ceremonia *Cy* id diligentissimè curabatur; quia enim post mortem animæ vitalis aura in cælum, & corporis visibilis figura in terram revertitur, ideo Parentalis Ceremonia *Cy* est quidam modus quærendæ rei, & ad quietem *In*, & ad motum *Tam* spectantis; (nempe quidam modus quærendi honorem corporis & animæ Defuncti.)

Hinc vides quod omnis ille fragrans odor & suffitus in Parentali Ceremonia *Cy* adhibitus, spectet tantum ad honorandum Defuncti corpus & animam eo modo, quo vivi olim honorabant illustres hospites; non verò ad comedendum & bibendum; Spiritus enim juxta Sinas nec os, nec corpus habent quo comedant ac bibant. Jam verò, illa vini odoriferi in terram totalis effusio, hisce temporibus vulgò vocatur *Kiam xin*, id est, demittere Spiritum vel Defunctum, voce impropria nec olim usitata; nempe demittere, ut infra videbitur, intentionaliter per mentalem Parentantis repræsentationem, non realiter.

Quæres 5. An illæ Parentales Ceremoniæ *Cy* fiant, ut saltem Defunctorum animæ ad eas veniant? vel ut animarum dissipatarum aer seu vitalis aura rursus coagulata illic adsit?

Respondeo 1. Lib. *Ge kiam su xu* tom. 4. in Lib. *Lun yu*, seu Sententiarum art. 3. sic: Confucius faciendo Ceremoniam *Cy* suis Majoribus defunctis, tantam filialis animi observantiam & attentionem adhibebat, perinde omnino ac si Majorum animæ illic sursum adstitissent. Similiter eam faciendo aliis externis Spiritibus, tantam etiam animi reverentiam & attentionem asserbat, perinde omnino ac si intelligentes Spiritus illic sursum adstitissent. Spiritus & animæ, figurâ, corpore, voce expertes, non verè illic adsunt; sed id, quod vera Parentantis sincer-

ritas ac reverentia attingit, est similitudo gemitus qui videtur audiri, & vultus qui videtur videri; quæ similitudo ultrò sic se prodit.

Dum ergo hic idem Lib. *Ge kiam su xu* in alio loco dicit: Perinde omnino ac si suprâ adesset; quique suprâ adest Spiritus, est Spiritus; istud ibi debet intelligi de supremo Spiritu destruyente ac producente, sicutè *Qnei xin*.

2. Lib. *Lun yu*, seu Sententiarum art. 3. sic: Confucius Parentales Ceremonias faciebat suis Majoribus defunctis non secus ac si præsentibus adstitissent. Ad hunc locum ita Interpres *Cbu bi*: Dum Confucius Ceremoniam *Cy* faciebat suis Majoribus defunctis, filialis erga illos animus erat omnino sincerus & ab omni similitate alienus; quamvis enim jam dudum obiissent, stans tamen temporibus ita vividè illorum recordabatur, illòsque sibi repræsentabat, perinde ac si potuisset eorum vocem ac vultum percipere; eisque persolvendo istos honores Parentales, totam filialis animi sui vim & observantiam explere conabatur.

3. Lib. *Su xu che kiy*, id est, interpretatio quatuor librorum Clasticorum Authore *Cham kiu chim* tom. 2. in Libri *Cham yun* art. 16. sic: Illo Ceremoniæ *Cy* tempore dumtaxat repræsentatur Spirituum perfecta intelligentia ac species totum quasi spatium complens ac commovens, ita ut sive sursum, sive dextrorsum, sive sinistrorsum aspicias, eos quasi illic adesse putares. Enimverò Spiritus figurâ, corpore, voce expertes, quæ reverà aut suprâ, aut à dextris, aut à sinistris adsunt?

4. Lib. Carminum tom. 8. cap. *Cheu-tsum*, odâ *Ngo ciam*: Hanc ovem, (vel capram,) & vitulum assero ac præsentio; illud autem Cælum ad ejus dextram adstat; (id est, inquit Interpres *Cbu bi*: Annon pendè Cælum descendit, & ad hujus vituli, ovisque dexteram adstat? non enim audet id certò asserere,) Transmissas à Patre *Ven vam* regiminis leges sequor atque imitor, ut totum Imperium quotidiana & continua pace ac tranquillitate impleam. Hoc autem beat Patrem *Ven vam*, & ad dextram existens munus gratum habet. Id est, inquit idem Interpres *Cbu bi*, dum sequor atque imitor Parentis mei *Ven vam* leges ac Ritus ad pacandum totum imperium, hoc potest beare Parentem *Ven vam*; dum dicitur descendere, & hic ad dextram existens gratum munus habere, istud est quasi cereretur omnino ita esse.

Ibidem compendiosa Interpr. compilatio sic: Nunc sub finem autumnii hanc ovem, (vel capram) & hunc vitulum assero ac præsentio.

Ve-

Verè ego tota mente ad Te, cæli Domine, pertingens, hæc defero ut patefaciam erga superiorem, meam submissionem. Annon Tu, Cælum, quasi descendens ad dexteram hujus ovis & vituli extas? Hic enim ingens meorum votorum ardor. Paucisque interjectis sic: Transmissas ad Posterorà Parente meo *Ven vām* regiminis leges ac normam ego sequor, ego imitor, nec ausim illas transgredi aut oblivisci. Ut ergo ego imiter Parentis mei *Ven vām* leges, omnesque Imperii populos assidue tranquillem, verè tota mente hæc præsentō, iterumque aliàs præsentabo. Hoc autem cum possit beare Parentem *Ven vām*, annon penè descendit, & hic ad dexteram existit ut gratum munus habeat? hæc est ingens meorum gaudiorum summa. Et paulò post sic: Dum Interpretes *Chu bi* ait: *Non audeo id certò asserere*; & istud, est quasi cerneretur omnino ita esse, vult dicere istius odæ verba, (nempe poetica) non esse hæc in re stricta, & ut sonant, accipienda, sive non opus ita accipi.

5. Lib. Carminum tom. 8. cap. *Xam tsūm*, odā *Na*, agendo de Parentali Ceremonia, quæ Imperatori *Chim tam* fiebat, sic: Ego Imperatoris *Tam* nepos post terliteratum Musicæ concentum, accedo ad Avum, atque efformato conceptu ille me tranquillat. Rursus in sequenti oda de efformando conceptu idem repetitur. Ad quem locum sic Interpretes *Chu bi*: Efformato, ait Doctor *Chim*, illo homine Defuncto, quem ego mente recolo ac cogito, tranquillor ac pæcor; & istud est, quod dicitur: *Spiritus intelligens venit, advenit, appellit*; sicut ipse Liber Rituum dicit: Parentaturus intra præmissæ abstinentiæ dies, recolit Parentum Defunctorum habitationem, risum, verba, voluntatem, mentem; recolit id quo delectabantur, quodque appetebant; atque ita post tres abstinentiæ dies, ii, propter quos abstinentiam à variis rebus præmisit, videtur sibi esse spectabiles ac præsentēs; (pro hac Sinica abstinentia à variis rebus, vide Tractatum de Ceremoniis Sinarum erga Defunctos.) Ipso Ceremoniæ 7<sup>o</sup> die statim atque Parentale conclave ingressus est, videtur sibi Parentem tamquam effigie expressum in suo signo seu in Tabella lignea extantem videre; dum ad portam circumit, videtur sibi audire Parentis tamquam gravitate verendi ac sese moventis strepitum. Dum portā egressus auscultat, videtur sibi audire Parentis tamquam singultu oppressi ac profundè gementis vocem: Hæc significant efformare conceptum. Deinde Doctor *Su*: Id, inquit, quod Parentans videt & audit, non existit; à solo conceptu id progignitur. Hæc duæ explanationes

(per-

(pergit Interpres *Chu bi*) mihi videntur verisimiles; quia dum in facienda abstinētia cogitatur ac mente recolitur is, cui facienda sunt Parentalia; dumque ei ita fiunt, non secus ac si ipse videretur & audiretur, tunc certe homo efformatur; nempe in mente, non realiter.

6. Lib. *Su xu mun yn* tom. 5. in Lib. *Lun yn* art. 3. sic: Quæres: dum quis vero ac sincero filialis animi affectu facit Ceremoniam *Cy* Majoribus suis Defunctis, verēne illuc Majores adveniunt, munusque gratum habent? Respondeo: res dictu difficilis. Videntur præteriti Doctores id singillatim discussisse. Quod ad me attinet, ego judico istud maxime consistere in sola Liberorum ac nepotum, affectum suum reprimere non valentium mente ac cogitatione &c. Omnino autem repugnat Parentum aut Avorum aërem seu vitalem auram, postquam semel dissipata est, posse adhuc aliquando colligi ac coagulari. Quod dicitur, *præteritum abiit, futurum continuatur*, id intelligitur de cæli ac terræ Causa efficiēte. Si enim ille dissipatus aër seu vitalis aura, quando Parentalis Ceremonia *Cy* fit, statim colligeretur ac coagularetur; ergo ista Defunctorum vitalis aura seu aër adhuc occulte in mundo degeret; & qui in mundo assidue lique reditque, esset tantum ille modicus & tenuissimus aër; ac proinde nostri Doctores non deberent Sectam *Fæ* falsitatis omnino condemnare &c. dum quis Majores suos mente recolit, mox illos perinde ac si existerent aut adstarent, vero & sincero affectu prosequitur; & illa Parentalium domuum erectio, illæ Ceremoniæ *Cy* leges, illi abstinētiæ Ritus, tantum ex hoc affectu se se cohibere non valente, proveniunt &c. Denique si intime ac profundè res discutiatur, defunctorum Majorum aër seu vitalis aura reapse omnino desuit ac periit; quod illi non moriantur, id tantum facit tum viri recti, tum filii obsequiosi mens & animus. Et verò numquid id asserunt præteriti Doctores, dum dicunt? si adsit animi veritas ac sinceritas, adest Spiritus; si non adsit, non adest. Id ipsum sanè est.

Ex his textibus videre potes juxta Sinas, Defunctorum animas verà non venire ad Parentalem Ceremoniam *Cy*, nec illie Physicè adstare, nec vitalem earum auram rursus colligi aut coagulari; sed tantum illas seu potius Defunctos repræsentari ac coli tamquam præsentēs.

Quæres 6. An Sinæ olim in Parentalibus Ceremoniis *Cy* aliquid peterent aut sperarent à defunctis Parentibus?

Respondeo 1. Lib. Rit. tom. 5. cap. 10. *Li bi* sic ait: Ceremonia *Cy*, inquit



inquit vir sapiens, caret precibus & postulationibus. Tum Interpres *Chin hao* : Ceremonia *Cy* habet suos ordinarios & statos Ritus, nec fit ad rogandum aliquod bonum particulare.

2. Lib. Rit. tom. 8. cap. 25. *Cy tum* sic: Quod in Ceremonia *Cy* facienda spectat filii obsequiosi animus, est non querere propter quid. Tum Interpres *Chin hao*: Non querere propter quid, inquit Doctor *Im*, est non habere intentionem querendi bona seu aliquam felicitatem; atque hoc est quod alibi idem Lib. Rituum dicit: Ceremonia *Cy* caret precibus & postulationibus.

3. Lib. Rit. tom. 3. cap. 6. *Tue lim* : Hoc secundo Veris mense in Ceremonia *Cy* non adhibetur animal. Non adhibetur animal, inquit Interpres *Chin hao*, quia est parva Ceremonia *Cy* ad aliquid rogandum, nempe à *Xam Ti* seu cæli Domino, vel ab aliis Spiritibus.

Hinc vides non tantum non fuisse olim essentiale & intrinsecum Ceremoniæ *Cy*, ut per eam aliquid rogaretur; sed nec ordinarium, nec magnæ Ceremoniæ *Cy* proprium, ut sunt Parentales.

4. Lib. Rit. tom. 3. cap. 9. *Tue lim* : Hoc ultimo seu tertio Veris mense Imperator præsentat flavas vestes priscis Imperatoribus Defunctis; (nempe iis, qui plantarum & arborum usum promoverant.) Præsentat istas vestes, inquit Interpres *Chin hao*, ad Spirituum seu Defunctorum thronum (scilicet locum, in quo illorum Tabellæ erant collocatæ,) ut roget pro bombycum operibus.

In eod. cap. *Tue lim* sic: In magna suspiriosa Ceremonia *Im*, quæ fit cæli Domino seu *Xam Ti*, florida ac plena Musica adhibenda est. Tunc Imperator jubet omnes suæ Imperialis ditionis Præfectos præteritis Principibus ac Magistratibus defunctis, qui olim de populo bene meriti fuerunt, facere suspiriosam Ceremoniam, sive *Im*, ad rogandum pro frugum maturitate. Sed nota ibi non agi de Parentali Parentum Ceremonia *Cy*; deinde ista, & similia possunt intelligi de sola gratiarum actione ad illos Defunctos directâ pro præteritis in patriam meritis, quando tunc fiebat oblatio cæli Domino seu *Xam Ti* ad rogandum pro bonis terræ.

5. Idem Lib. Rit. tom. 3. cap. 6. *Tue lim* sic: Tunc Imperator ascendens navim, præsidet captandis piscibus *Gwey* ad eos præsentandos Parentibus defunctis in Parentali eorum domo; tunc enim pro frumenti maturitate orat. Item paulò post idem Liber dicit quod Imperator

jubeat ab omnibus aliquid contribui ad faciendam Ceremoniam Cy cæli Domino aliisque Spiritibus ac Majoribus defunctis, ad roganda pro populis bona.

Sed nota : Ista omnia quæ spectant Parentes defunctos, posse intelligi de præmonitione, non de postulatione ; id est, dum Imperator volebat orare cæli Dominum, prius ibat in Parentalem Parentum defunctorum domum ut denuntiaret suam mentem ; sicut, dum Parentes vivebant, nihil audebat ex solo suo arbitrio agere. Idque indicat Lib. Rit. tom. 5. cap. 10. *Li ki* sic : Reguli Regni *Lu* quando debebant litare cæli Domino, prius ibant in Majorum defunctorum domum ; ut suam, addit Interpretes *Chim* in Libro *Ven bien tum kao* tom. 71., voluntatem eis declararent, & jussu capefferent ; imò nunc adhuc idem præscribitur pro Imperatore in Libro *Ta mim boei tien* tom. 81. Idem intellige de iis, quæ dicuntur in Libro Rit. tom. 8. cap. 23. *Cy fa*.

6. Lib. *Xu kim*, seu Annal. Imperial. tom. 4. cap. *Kin tem*, sic Princeps *Cheu kum* loquitur : Cum nunc vester nepos Imperii successor N. ( id est *Vu vam* ) vehementi morbo laboret, vos tres Principes, nostri Majores, ( id est *Tay vam*, *Vam ki*, *Ven vam*, ) debetis apud Cælum intercedere, ut suo filio, id est, Imperatori, adsit ; ego autem *Tan*, ( est nomen Principis *Cheu kum* ) lubens pro illo moriar. Sed nota ibi non agi de Parentali Ceremonia Cy ; sed dicitur tantum Princeps *Cheu kum* crexisse tres aggeres ad representandos defunctos Patrem, Avum & Proavum, atque ipse in opposito aggere illos rogasse, ut intercederent apud Cælum pro fratris salute. Hoc factum particulare non indicat fuisse præscriptas preces pro communibus Parentum defunctorum Ceremoniis Cy ; imò quasi indicat contrarium ; quandoquidem ipse Princeps *Cheu kum* noluerit ire in Parentalem Majorum domum, in qua solent fieri illæ Ceremoniæ, ut ibidem dicitur. Jam verò sic illos oravit, quia forte ut sanctos habebat, & eos ob suam virtutem apud cæli Dominum posse intercedere putabat. Istorum trium Principum antiquissimorum virtus valde celebratur in Libro Carminum, & immutabilis Medii.

Simili modo intellige ea, quæ in Libro Carminum tomo *Siao ya*, odâ *Tun ban*, dicuntur de confugientibus ad suos Majores defunctos in publica calamitate : vel dic esse poëticas afflictorum hominum affectiones. Idem dic de Imperatore *Puon kem*, qui in Libro *Xu kim* tom. 3. cap. *Puon kem*, minatur suos Proceres ac populum, si suo jussui non obsequi-

ti

*Cap. VII. De fine variorum Rituum Parentalium. 75*

ti fuerint, à Parentibus & Majoribus defunctis puniendos. Nullas igitur in istis libris classicis & antiquis reperire est præscriptas preces pro communibus defunctorum Parentum Ceremoniis Cy

Quæres 7. An Sinæ nunc in Parentalibus Ceremoniis Cy petant aut sperent aliquid à defunctis Parentibus?

Respondeo 1. Lib. *Ge kiam ye kim*, id est, quotidiana Libri *Te kim* explicatio ab hoc Imperatore *Kam bi* in lucem edita tom. 10. symbolo *Tsui* sic habet: Dum Imperator adit Parentalem Majorum suorum domum seu Aulam, non id facit ut petat ac quærat bona aut felicitatem.

2. Idem Lib. tom. 13. symbolo *Huon* sic: Adire Parentalem Majorum domum, modo non recto, est Defunctis adulari. Ideò illam ad-eundo, oportet veram Majoribus suis reverentiam exhibere & cavere ut fiat Ceremonia Cy ad petenda aut quærenda bona.

3. Lib. *Ta mim hoc tien* tom. 86. art. *Xi biam*, Formula Ceremoniæ Cy, quæ in quatuor anni temporibus pro Imperatoris defunctis Majoribus præscribitur, sic: Hoc Imperatoris *Hum vu* anno N. mense N. abnepos Imperator N. audet palam Abavo & Abaviæ, Proavo & Pro-aviæ, Avo & Avix, Patri & Matri hæc dicere: Cum nunc Ver, (Æstas, Autumnus, Hiems) advenerit; Ritus rigidè exigunt, ut fiat vobis Ceremonia Cy. Omni igitur cum reverentia istas pecudes, illud vinum, ista omnia dapum fercula ad patefaciendum meæ diuturnæ recordationis & desiderii affectum vobis appono. Id penè gratum habebitis.

4. Lib. *Kia li* tom. 7. Formula communis Ceremoniæ Cy, quæ pro quibuscvis Parentibus præscribitur facienda in 4. anni temporibus, sic: Hoc Imperatoris N. anno N. &c. Vide suprà Caput 6. Quæres 7. Respondeo 1. Vide etiam ibidem aliarum Ceremoniarum Cy formulas, in quibus nihil omnino à Parentibus defunctis petitur, uti nec in aliis omnibus, quas idem Liber præscribit pro aliis Parentum Ceremoniis; cum tamen in formulis, quas ponit pro supradicto Spiritu terræ, includatur petitio seu oratio; sic enim tom. 5.: Tu, Spiritus, hanc sepulturam protege, tuere, adjuva, ut nullum damnum aut malum patiat; & tom. 7. sic: Hanc sepulturam semper protege, adjuva, tuere; tuo, Spiritus, favori verè innitor; &c. Doctor quidem *Chu bi*, qui hujus Lib. *Kia li* Auctor fertur, in appendice declarando Parentibus suis Defunctis suam voluntatem abdicandi Magistratûs, dicit: submissè exopto, ut Avi mei protegant, adjuvent, respiciant, gaudeant & usque, & usque sine tædio; hoc ardentè cupio:

Sed ista formula non est communis ; est tantum illius privata formula ; loquiturque vel juxta mentem sectariorum Idololatrarum, vel juxta Rhetoricum loquendi modum, alloquendo mortuos tamquam si viverent ; maxime cum ipsemet ibidem alloquendo Matrem Defunctam dicat : tamquam si, Mens benefactrix , existeres. Cumque ipse putet animas post mortem perire, quomodo potest aliquid ab iis petere ?

Itaque ex his supradictis colligitur Sinas nunc nihil à Parentibus defunctis in Parentalibus Ceremoniis, quas illis faciunt, petere aut sperare.

Quæres 8. An facienti Parentalem Ceremoniam promittantur bona ? & quid per vocem *felicitas*, sinicè *Fo*, quæ sæpe in istis Ceremoniis Cy usurpatur, intelligatur ?

Respondeo 1. Lib. Carmin. tom. 8. cap. *Cheu tsun*, odâ *Cien* sic : Omnes isti pisces sunt ad parentandum, ad præsentandum, ad magnam felicitatem.

2. Idem Lib. Carm. tom. *Siao ya*, odâ *Tsu tsu* sic : Dum meæ lobæ ac milii messis uberrima fuerit, horreæque penitus plena ; tunc esca & vinum habebitur ad parentandum & præsentandum ( nempe Majoribus defunctis, ) ad pacandum ( nempe Spiritum Personatum seu Puelum Actorem, ) ut securè & tranquillè sedeat, ad eum exhortandum ut magis comedat, ad magnam felicitatem. Deinde paulò post : Ceremoniæ Cy opere exactè peracto, tunc Majores defuncti instar Principum augusti videbuntur, pacatîsque gaudebit Spiritus personatus, nepos obsequiosus felicitate potietur, eritque merces ad magnam fecilitatem, mille & mille vitæ anni sine termino, seu vita longissima.

3. Lib. Carmin. tom. *Siao ya*, odâ *Sin nan xan* : In agrorum marginibus serantur cucumeres ; hi bene dissecti ac conditi præsentabuntur augustis Avis defunctis ; pronepos longissimos annos vivet, cælique auxilium ac felicitatem excipiet ; vel potius dic : vivat, excipiat, &c.

4. Lib. Carm. tom. *Siao ya*, odâ *Tien pao*, hospes conviva suo Principi sic apprecatur : Dum facies Parentalem Ceremoniam, Spiritus adveniens multam tibi felicitatem relinquat ; sint, inquam, populi tui sin- ceri ac recti.

5. Lib. Carm. tom. 8. art. *Lu tsun*, odâ *Pi kum*, Regulum *Hi kum* ob reedificatum Parentale Majorum suorum ædificium, quod collapsum fuerat, sic laudat poëta : Vere igitur & Autumno facere Ceremoniam

Cy

Cap. VII. De fine variorum Rituum Parentalium. 77

Cy non negligas, & cave nè illam faciendo aberres; maximus cæli Dominus ac Rector præsideat; maximus tuus Avus *Hen cie* illi comes adjungatur; si præsentès rubram pecudem: est id, quod gratum est; est id, quod æquum est. Postquam autem multa felicitas descenderit, Princeps *Cheu kum*, aliique præteriti Reguli te etiam beent.

Nota: ille color ruber, tunc erat in usu; antea alius. Deinde Interpretès *Cbu bi* sic ait: Hic & sequens articulus refert summam Reguli *Hi kum* reverentiam in suburbano cæli litamine, & in Parentali Majorum palatio relucentem. Quod autem spectat ad felicitatem, quam Spiritus immittit, eam sic illi exoptat populus. Ibidem compendiosa Interpretum compilatio sic: Quod spectat ad obtinendam Ceremoniæ Cy in Parentali palatio exhibitæ felicitatem, eam nos omnes sic illi exoptamus, utpote qui Parentale istud ædificium restauravit.

6. Lib. Rit. tom. 8. cap. 25. Cy tum sic habet: Dum dicitur: *Sapientia Ceremonia* Cy haud dubiè suam recipit felicitatem, non intelligitur illa, quam mundus vocat felicitatem: hæc felicitas, est operis perfectio: operis perfectio est omnimodæ morigerationis & obsequentiæ vocabulum; qui enim in omni re se morigerum & rationi obsequentem præstat, hic perfectus vocatur; id est, qui intus omnes sui cordis partes prorsus explet, foris uni rectè agendi viæ diligenter adhæret, fideliter Regi, obedienter Parentibus inserviendi principium credit unum & idem esse, denique qui sursum Spiritibus, extra domum Regi ac Magistratibus, intra domum Parentibus accuratè obsequitur atque obtemperat, hic perfectus vocatur. Jam verò solus vir sapiens potest sic esse perfectus: qui autem potest sic perfectus esse, hic demum potest facere Ceremoniam Cy. Idcirco sapientis Ceremonia Cy perfectam veritatem, sinceritatem, rectitudinem, reverentiam includit; suam ipse facit Ceremoniam cum debitis rebus, dirigit cum præscriptis Ritibus, temperat cum recta Musica, distinguit cum diverso tempore; puro denique ac perfectio corde illam facit & nihil aliud. Quod enim spectat filii obsequiosi animus, est non quærere *propter quid*. Tum Interpretès *Cbin hao*: *Non quærere propter quid*, inquit Doctor *Im*, id est, non habere intentionem quærendi felicitatem seu bona. Atque hoc est quod idem Liber alibi dicit: Ceremonia Cy caret postulatione & precibus.

7. Lib. Rit. tom. 4. cap. 9. *Ly yun* sic: Communem illam & anti-

in Principio Ceremoniæ Cy alloquitur Spiritum, id est, defuncti Tabel-  
lam; & in fine nomine Spiritûs personati bene apprecatur Parentanti,  
non audere immutare, id dicitur magna felicitas. Tum Interpres *Cbin*  
*hao*: *Magna felicitas*, idem significat ac id, quod in superiori articulo  
*magna prosperitas* dicitur; (in dicto autem articulo *magna prosperitas*, in-  
quit idem Interpres, idem est ac *restitudo, probitas, bonitas*;) vult ergo  
dicere: Qui servat Ritum ex se naturaliter servandum, hic naturaliter  
habet felicitatem: hæc felicitas est perfectio magna.

Omitto multa alia similia, quibus maximè Liber Carminum est re-  
pletus; ex his enim liquet illam Ceremoniæ Cy felicitatem esse tantum  
operis perfectionem, reſtitutionem, vitæ honestatem, ex qua naturali-  
ter bona tum virtutis, tum fortunæ sequuntur ob impletum ritè suum  
officium; eamque non à Parentibus, sed à Cælo sperari. Deinde illa fe-  
licitas ab aliis exoptatur Parentanti, non à Parentante postulatur; & sæpe  
sunt tantum verba à Musicis decantata, quibus eam optant; non verò  
habetur ulla Parentantis oratio, quâ sibi eam petat.

Quæres 9. An in aliis festivitatis aut Ceremoniis politicis adhi-  
beat etiam illa felicitatis apprecatio?

Respondeo 1. Lib. *Kia li* tom. 2. in Ceremonia, qua primus pileus  
solemniter imponitur Adolescenti; vel Puellæ ornatus capitis, Lector  
seu invitatus Ceremoniarum Præfatus hanc illi apprecatoriam verbo-  
rum formulam recitat: hujus felicitis mensis optimo die indue tandem  
primum Adultorum habitum; puerilis ætatis mentem ac sensa exue;  
virtutis tuæ perfectioni prosperè stude; longissimam vitam feliciter age  
ad magnam & excellentem felicitatem. Paulò post sic: hujus felicitis  
mensis optimâ horâ, tuam tandem vestem tibi impono; omni cum dili-  
gentia tuam gravitatem ac modestiam serva; sedulam tuæ viri virtuti  
operam nava; florenti ætate mille & mille annos vive, longæque vitæ  
felicitate perfrui. Et paulò infrâ sic: hoc optimo anno & mense su-  
perindue tuum hunc habitum; en omnes fratres tui coram adsunt, ut  
illorum virtutem promoveas ac perficias; capillis & vultu sine si-  
ne virentibus excipe Cæli felicitatem. Vide insuper suprâ cap. 2. Quæ-  
res 2. de octava Ceremoniæ Cy specie, num. 2.

2. Lib. Carm. tom. *Siao ya*, odâ *Tien pao*, sic hospes suo Principi  
in convivio bene apprecatur: Cum Cælum conservaverit & stabilierit  
tuum Regnum; idem efficiat, ut omni ubertate, & abundantia semper &  
ubi-

Cap. VII. De fine variorum Rituum Parentalium. 79

ubique floreat ; omni bonorum genere te Cælum cumulet ; perennem tibi nullo unquam die terminandam felicitatem impertiat.

Innumeræ sunt aliæ ejusmodi faultæ apprecationes pro conviviis in isto Carminum Libro.

Quæres 10. Quid significant istæ duæ voces *Xam biam*, quibus solent terminari Ceremoniarum Cy formulæ ? an significant comestionem aut rei degustationem ?

Respondeo 1. Lib. Rit. tom. 5. cap. 11. *Kiao te sem* sic Interpres *Chin bao* : ista vox *Xam* significat *vix, penè*, aut *quasi*, sinicè *Xu ki*. Eadem significacionem refert Dictionarium ordinarium *Ta tsu guei*.

2. Lib. Carm. tom. 8. art. *Cheu tsun*, odâ *Chin lu* sic : Dum illic versantur , carent odio ; dum hic existunt carent fastidio ; atque ita illorum laudes *penè*, ( sinicè *Xu ki* ) possunt de die in diem continuè perennare. Tum compendiosa Interpr. compilatio : ista bina vox *Xu ki*, est vox optantis, non sperantis, seu significat quoddam desiderium, non spem.

3. Dictionarium *Ta tsu guei* in littera *Hiam* : Hæc vox *Hiam*, est eadem ac alia vox *Hiam* ( aliter nempe formata de qua jam dicam, ) significatque convivalis solemnitatis Ritus, ab unius loci incolis in publica schola celebrari solitum ; ( hic Ritus habetur Lib. Rit. tom. 10. cap. 45. ) significat etiam idem, ac vox *Hin*. Vox *Hin* in eodem Dictionario significat Ceremoniæ Cy suffutim gratum haberi à Spiritu, gaudere, delectari, optare, appetere. Vox vero *Hiam* aliter formata in eodem Dictionario significat præbere, præsentare, facere Ceremoniam Cy, idem ac vox *Hin* jam dicta, excipere, pertingere, significat Ceremonialis convivii honorarias exhibitiones, & juncta cum voce *Ten* ipsum etiam reale convivium. Istæ autem honorariæ, inquit Doctor *Tu yu*, Ceremonialis convivii exhibitiones, ex multis honoris signis & urbanitatibus componuntur : exponitur fultrix parva mensa, sed illi non incumbitur ; vini scyphus impletur, sed illud non bibitur ; carnis siccata & condita ferculum apponitur, sed illa non comeditur ; atque hæc fiunt ad docendam reverentiam, urbanitatem, temperantiam.

4. Lib. Rit. tom. 5. cap. 10. *Li ki* : Qui Ritus servat, hujus virtutem gratam habent Spiritus, sinicè *Hiam*. Vide etiam supra in hoc Capite 7. Quæres 3. num. 4. Itaque istæ duæ voces *Xam biam* in fine formularum Parentalis Ceremoniæ nihil aliud videntur significare, quàm *penè* aut *quasi* gratum habere, sive id *penè* gratum habebis, vel habebitis ;

ni-

nimirum exoptat Parentans, ut Defunctus non secus ac si adhuc viveret, quasi aut penè respiciat, & gratum habeat id, quod apponit in isto Ceremoniali convivio.

Quæres II. Ob quem tandem finem fiunt istæ Parentales Ceremoniæ?

Respondeo 1. Lib. Rit. tom. 7. cap. 10. *Li ki* sic: Ritus sunt id, quo recordamur eorum, ex quibus nati sumus. Dein Interpres *Chin bao* sic: Omnes res suam à Cælo trahunt originem, homines suam à suis Avis. Quod Ritus spectant, est grates nostræ origini persolvere, nostrum Principium recolere, nec unquam oblivisci eorum, ex quibus nati sumus.

2. Lib. Rit. tom. 8. cap. 24. *Cy y*: Vir sapiens antiquitatis memor, & gratus erga suum principium, non potest oblivisci eorum, ex quibus vitam accepit. Idcirco quàm maximam potest, affert reverentiam; omnem animi sui affectum prodit; totas suas vires in quavis re seu Ritu bene peragendo exerit. Ut enim grates Parentibus persolvat, omnes sui muneris partes non adimplere non audet.

3. Lib. Rit. tom. 8. cap. 24. *Cy y*: Dum Princeps *Ven vam* faciebat Ceremoniam *Cy* Parentibus, inserviebat mortuis, sicut vivis inservisset; cogitabat mortuos perinde ac si non optasset ipse vivere, illisque commori desiderasset. Anniversario obitus die intimum suum dolorem singulariter demonstrabat, & ita Parentum defunctorum nomen proferebat, quasi eos vidisset: adeò vera & sincera erat ejus Parentantis observantia.

4. Liber Rit. tom. 6. cap. 15. *Sam fo fao ki*, Interpres *Chin bao* sic: Ad faciendam Parentalem Ceremoniam *Cy* adhibere illos Ritus, qui erga vivos adhibebantur, istud est adimplere verum filii munus.

5. Lib. Rit. tom. 8. cap. 25. *Cy tum*, Interpres *Chin bao* sic: Veritas, sinceritas, fidelitas, reverentia, hæc quatuor virtutes sunt id, in quo se fundat Parentalis Ceremonia *Cy*.

6. Lib. Rit. tom. 8. cap. 24. *Cy y*: Dum filius obsequiosus Parentalem facit Ceremoniam *Cy*, ita omnem cordis sui affectum intendit, ut etiam se foris prodatur; & ita omnem internam suam sinceritatem ac reverentiam explet, ut simul exterius appareat; omnes Ritus absque ulla transgressione servat; sive accedat, sive recedat, ita reverentem se semper præstat, perinde ac si ipse esset auditorus Parentum jussa, aut fortè illi aliquid sibi forent præcepturi.

Hæc clariora sunt, quàm ut ulteriori explicatione indigeant; ac proinde satis patet, ob quem finem istæ Parentales Ceremoniæ fiant.

CAPUT



## C A P U T VIII.

## De Parentalibus Ceremoniis, quæ fiunt Benefactoribus defunctis, &amp; maximè Confucio.

**Q**UÆRES 1. Quænam origo faciendi Parentales Ceremonias Benefactoribus defunctis, & maxime priscis Magistris?

Respondeo 1. Lib. Rit. tom. 8. cap. 23. *Cy fa* sic habet: Sapientes prisci Imperatores sic Ceremoniarum *Cy* leges instituerunt, ut qui præclara olim vivendi ac regendi præcepta populis tradidissent, iis fieret Ceremonia *Cy*; quique pro patria defendenda, adjuvandâque occubuissent, fieret etiam iis Ceremonia *Cy*, &c. Deinde Interpres *Chin hao* sic ait: incipiendo ab Imperatore *Xin num* & Principe *Ki* usque ad Imperatorem *Yao*; & ab Imperatore *Hoam Ti* usque ad Principem *Sie* (nimirum duobus & amplius ante Christum natum annorum millibus juxta Chronologiam Sinicam) sunt ii, qui præclara vivendi ac regendi præcepta populis tradiderunt.

2. Lib. *Chou li*, seu Ritus Imperii *Chou*, tom. 3. *Chun quon* art. *Ta fu yo* sic: Qui doctrina & virtute præcellunt, jubendi sunt filiorum Principum Magistri; post illorum autem mortem, quia fuerunt virtutum concordiae Authores, seu rectè vivendi viæ Doctores, ideò illis in Schola *Ku tsun* facienda est Ceremonia *Cy*. Et ibidem Interpres *Chin gin fie* addit: ad ostendendum nos non oblivisci doctrinæ, quam tradiderunt.

QUÆRES 2. Ob quem finem fiebant istæ Parentales Ceremoniæ *Cy* priscis Magistris?

Respondeo 1. Lib. Rit. tom. 8. cap. 24. *Cy y* sic habet: Imperator in Pædagogorum Schola facit Ceremoniam *Cy* priscis Sapientibus ad edocendos Regulos sapientiam ac virtutem. Hæc Schola erat in occidentali suburbio Regiæ urbis sita.

2. Lib. Rit. tom. 6. cap. 18. *Hio ki* sic: Quando discipuli Adultorum Scholam primum adeunt; litterarum Praefectus, confectum ex cervina pelle pileum gerens, præsentat priscis Magistris legumina, ut discipulis ostendat existimationem & venerationem, quam erga scientias & liberales artes habere debeant.

L

3. Lib.

3. Lib. *Ven bien tum kao* tom. 43. sic: Olim discipuli Magistrum inviscentes, legumina ei offerebant. Ibidē sic: Ritus præsentandi priscis Magistris legumina, significat munus, quod quis offert, dum alium primò invilit.

4. Lib. Rit. tom. 4. art. 8. *Ven vam xi tsu*: In qualibet palæstra, litterarii vernæ & æstivæ tempestatis Præfecti ea, quæ præsentant priscis Magistris, tantum apponunt seu coram deponunt; litterarii hibernæ & autumnalis tempestatis Præfecti eodem modo etiam faciunt. Dein Interpreter *Chin bao* sic ait: quæ præsentant, tantum coram apponunt; nullus ibi habetur Spiritus personatus, seu Actor Defunctum repræsentans; non comeditur, non bibitur, non sibi invicem propinatur, &c. sic autem agunt; quia id, quod spectant, est exhibere illum honoris Ritus, non pensare merita.

5. Lib. Rit. tom. 4. cap. 8. *Ven vam xi tsu* sic: Quotiescunque nova palæstra erigitur, oportet dona apponere, seu præsentare priscis Sapientibus ac priscis Magistris; & hæc dona debent esse serica volumina seu sericum volumen; (munus nempe ordinarium quo viventes utuntur, dum se invicem invisunt, ut passim videre est in Libro *Y li*, id est, Urbanitatum & Rituum.) Dein Interpreter *Chin bao*: Dum novus Regulus creatur, suique regni possessionem accipit, jubetur ab Imperatore suos populos docere, ideoque statim scholam erigit.

Quæres 3. Quando & quomodo inceperit Parentalis Ceremonia Cy fieri Confucio, seu prisco Magistro?

Respondeo 1. Lib. *Ven bien tum kao* tom. 43. sic: Imperator *Kao tsu* primus Familiæ Imperialis *Han*, rediens ex parte Australi transivit per Provinciam *Xan tum*, & Parentalem Ceremoniam fecit Confucio in ejus Parentali domo, præsentans unum bovem, ovem, porcum.

Sub Imperatore *Tuen Ti* ex eadem Familia *Han* decimo, Confucius habitus est ut Imperatorum Magister, & donatus titulo honorario Principis ditionis *Pao chim*, & ejus Posteris nobilitatis titulis decorati. Imperator *Quam vu*, ex eadem Familia *Han* decimus sextus, visitans Provinciam *Xan tum*, misit unum supremi tribunalis Præsidem ad faciendam Confucio Ceremoniam Cy in ejus Parentali Aula. Imperator *Mim Ti*, prædicti *Quam vu* Successor jussit, ut omnes urbes & oppida murata, celebrando Ceremonialem publici convivii Ritus in Schola, Parentalem facerent Ceremoniam sapientibus Magistris *Chen kum* & Confucio. Et aliquot post annis, ipsemet visitavit Parentalem Confucii domum, eique, & 71. ejus di-

discipulis fecit Ceremoniam *Cy*. Intravit in Aulam, in qua olim docebat Confucius, ibique iussit filium suum Imperii heredem, aliósq; regios Principes explicare libros clauicos.

Hujus Successor *Cham Ti* visitando orientalem Sinenfis Regni partem, transiit per Provinciam *Xan Tum*; & Parentalem Confucii domum, dictam *Kine li*, vel potius sitam in loco dicto *Kine li*, inuifit; eique, & 72. ejus discipulis fecit Ceremoniam *Cy* cum Musica, præsentando bovem, porcum & ovem; congregavitque sexaginta tres ex Posteris Confucii; & qui inter illos erant litterati, iussit ut explicarent librum Sententiarum. Deinde Imperator *Vu Ti* ex Imperiali Familia *Cin*, iussit ut singulis quatuor anni temporibus in Regia Schola, & in Provincia *Xan tum* præpararentur tres pecudes Confucio præsentandæ. (Nimirum Principes olim Sinenfes solebant illustribus hospitibus præsentare seu offerre tres pecudes, unum bovem, ovem, porcum; uti fuse describitur in libro antiquo Ceremoniali *Y li*, id est, Urbanitatum & Rituum, tomo 8.)

Imperator *Kao tsu* ex Familia *Tam*, magni Magistri titulo Confucium donavit. Imperator *Kao tsu* ex Familia *Tam*, iussit Præfectos litterarum exstruere Principi *Chou kum* & Confucio Parentalem Aulam, sive Parentalem palæstram, unicuique suam; & singulis quatuor anni temporibus facere illis Ceremoniam *Cy*.

2. Liber *Kum miao ly yo kao*, tom. 1. sic: Cùm priùs haberentur duæ Parentales Aulæ; altera pro Principe *Tay kum*, fratre minore Principis *Chou kum* tanquam militarium virorum coryphæo, sita ad partem occidentalem; & altera ad orientalem pro Confucio tanquam civilium Alumnorum Magistro: Imperator *Hum vu* primus ex Familia *Ta mim* iussit, ut tolleretur seu abrogaretur ista Principis *Tay kum* Parentalis Aula; & omnes tum militarium, tum civilium disciplinarum alumni unum solum Confucium revererentur, eique soli juxta Ritus Regiæ Scholæ Parentalem facerent Ceremoniam *Cy*. Deinde cum à sectariis Idololatriæ, seu cultoribus idoli *Fa*, sub Imperatore *Huen tsu* Familix *Tam*, cœpisset erigi statua Confucio, vestitūque & insignibus Imperialibus ornari; Imperator *Hum vu* conspicatus illum errorem, iussit omnes Confucii statuas detrui, & earum loco poni Tabellam ligneam (Confucii scilicet nomine inscriptam); atque ita diuturnus Idololatriarum error sublatu est. Sed quia aliqui non sustinuerant detrui Confucii statuas, quæ adhuc aliquæ remanebant; ideò Imperator *Kia cim* seu *So hoam* fortiter tandem omnes abstulit.

Postea ibidem refert, & refellit varia honoraria nomina; præsertim Imperatoris, indita Confucio à præteritis Imperatoribus.

3. Lib. farrago variarum rerum ad scientias spectantium, sive *Y ven luy ciu*, tom. 3. 2. art. *Xe tien*, sic ait: Doctor *Fan kieu* imperante Familia *Cin*, in suo libro Doctorem *Fum boy* interrogat his verbis: Eccur, inquit, ab Imperio Familiae *Han* usque ad hæc tempora, Parentalis Rituum munus prisca Magistris apponi vel præsentari solitum, uni tantum Confucio præsentatur, non autem Principi *Cheu kum*? Enimvero reponit Doctor *Fum*, juxta id quod dicis, non tantum Princeps *Cheu kum*, sed etiam Principes *Tao, Xun, Ven vam*, proponendi essent. Ex hoc patet, quod Parentalis domus vel Aula ab Imperatore *Kao tsu*, ut dixi supra, jussa erigi Principi *Cheu kum*, non durarit.

4. Lib. *Kum miao hy yo kao*, tom. 3. in principio sic habet: Sub tribus primis Imperiis Familiarum *Hia, Xam, Cheu*, dum Reguli creabantur, tunc unumquodque illorum Regnum seu principatus habebat suam Scholam; ideo in unaquaque prisca Magistris fiebat Ceremonia *Cy*. Postquam autem surrexit Imperium Familiae *Cin*, quæ Regulos, & regna abstulit, tunc iste Parentalis Rituum coepit negligi & omitti. Deinde exurrexit Imperium Familiae *Han*, cujus primus Imperator *Kao*, ex Australi fluvii *Hoay* regione rediens, transiit per Regnum *Lu*, id est, Provinciam *Xan tum*, & Parentale munus bovem, ovem, & porcum præsentavit Confucio. Deinde Imperator *Quam vu*, visitando istud Regnum *Lu*, jussit supremi tribunalis operum publicorum præsidem, Parentalem facere Confucio Ceremoniam. Postea Imperator *Mim Ti* visitans locum, in quo est Confucii sepulchrum seu Parentalis domus, Parentale etiam unius bovis, ovis, porci munus ei præsentavit. Ibidem eidem Imperator *Ngan Ti* fecit Parentalia; sed hæc Parentalia tunc tantum casu fiebant. Postea verò cum imperassent Principes Regnorum *Tsao, Guei, & Ci*, tunc jusserunt publicarum Ceremoniarum *Cy* Præsidem istum Ritum facere, tuncque coepit vocari prisca Magistri Parentalis Ceremonia *Cy*, & horum vestigiis inhæserunt sequentia Imperia tum Australia, tum Borealia, dicta *Cin, & Guey*. Denique Imperatores Familiae *Say* illam Parentalem prisca Magistri Ceremoniam *Cy* sanciverunt fieri secundo veris & secundo autumnii mense. Ejus historia in singulis urbium majorum & minorum Scholis potest videri.

Quæres 4. Quinam sint Parentalis Ceremoniæ *Cy*, quæ sit Confucio, Ritus?

Re-

Respondeo; Lib. *Ta mim boei tien* tom. 9 1. art. *Sien fu kum tsu*, id est, *priscus Magister Confucius*, sic illos refert ac præscribit: Imperator *Hum vu* anno sui Imperii 15. iussit omnes litterarum Præfectos Parentalem facere Confucio Ceremoniam Cy; & anno 26. modum ejus faciendæ pro omnibus Imperii urbibus majoribus & minoribus sic præscripsit: Primò servetur consuetudo à variis rebus abstinentia, & præmoneantur ii Præfecti, qui in Parentali functione debent fungi aliquo officio. Postea inspiciendæ & occidendæ pecudes; scilicet, unus bos, quinque capræ, novem porci, unus cervus, quinque lepores. Deinde Liber ibidem describit quomodo ista omnia animalia occisa, & confecta ex iis aliisque rebus dapum fercula, ac vasa disponantur ante Confucii, ante *Yen tsu, Cem tsu, Tfu su tsu, Mem tsu*, & ante aliorum decem Confucii discipulorum ligneas Tabellas, quæ sunt hinc & hinc suo ordine distributæ, tamquam discipulorum loca, in Parentali Confucii palæstra seu Aula. Præterea ante illam Confucii Aulam, in lateralibus atrii cubiculis orientalibus, sunt insigniorum Doctorum quinquaginta tres ligneæ Tabellæ; in occidentalibus quinquaginta duæ, ante quas sua etiam dapum fercula apponuntur, &c.

Die Ceremoniæ Cy allapso, sic Ritus fiunt: Unus Præfectus Ceremoniarum dicit: Pulsatores instrumentorum & musici gesticulatores seu Saltatores, suum quique locum adeant; Præfecti officio fungentes, suum quique curent munus. Adjutores & Comites Parentalis Ceremoniæ Præfecti, suum teneant locum. Alius Ceremoniarum Præfectus dicit: deduc Præsidem Parentalis Ceremoniæ ad locum, in quo manus lavandæ. Alius Præfectus Ceremoniarum ait: accedat ad manus lavandas, inferat lateri Tabulam onychinam, (quam nempe olim Sinæ in manu præferebant honoris ergo); illam extrahat, vadat ad locum, ubi reverentia exhibenda. Reverentiâ exhibitâ, alius Ceremoniarum Præfectus ait: capiat suum locum. Alius Præfectus Ceremoniarum: excipiat Spiritus; edatur Musica. Musica cessante, alius Præfectus Ceremoniarum dicit: quadruplex profunda reverentia exhibeatur. (Nota dum hi Præfecti Ceremoniarum dicunt aliquid faciendum, statim id fit.) Alius Præfectus Cerem. ait: Ceremoniæ comites eandem exhibeant.

Alius Præfectus Cerem. ait: prima vice præsentetur vinum: edatur Musica. Præfecti officio fungentes accipiant serica volumina, & scyphi vinum; unusquisque eat ante cujusque Defuncti, seu Spiritus Tabellam. Alius Præfectus Cerem. dicit: deducatur Præses Ceremoniæ ante prisci

Magistri summè excellentis Confucii defuncti seu Spiritus Tabellam ; inferat lateri Tabulam onychinam ; præsentet serica volumina. Tum famuli illa accipiunt & coram apponunt ; quibus appositis, tradunt vini scyphum, & alius Præfectus Ceremoniarum dicit : Præses præsentet vini scyphum ; extrahat Tabulam onychinam ; eat ad locum legendæ Parentalis Ceremoniæ formulæ destinatum. Dein cessante Musica, pergit : omnes flectant genua. Alius Præfectus Cerem. dicit : Lector accipiat formulam ; flectat genua ad sinistram Præsidis, legat ; nempe hanc Parentalis Ceremoniæ formulam : *Hoc Imperatoris Hum Vu anno N. mense N. die N. ipse Imperator misit Præfectos N. N. ad faciendam Ceremoniam Cy prisco Magistro Confucio, & quatuor ejus Comisibus discipulis, hac dicendo: Tua virtus, Magister, calo terraque aequatur: tua doctrina omnibus novis & antiquis ( scilicet Sinenfibus ) præcellit; in sex libris classicis expurgandis & explicandis, omnia futura secula illustrasti. Idcirco adhibendo istas pecudes, ista serica volumina, istud vinum, istas dapes, ista omnia ferulorum genera, magna cum reverentia juxta veterem normam ordinatim sibi appono mundam muneris exhibitionem: tibi que Comites adjungo discipulum Yen tsu, verum Magistri exemplar; discipulum Cem tsu, genuinum Magistri Interpretem; nepotem Tsu su tsu, studiosum Avi doctrinæ propagatorem; & Mem tsu, alterum à Te xim, seu sapientem. Id penè gratum habebis.* Qua lectâ formulâ, Præfectus Ceremoniarum dicit: reverentiam exhibeant levi corporis inclinatione; surgant. Præses eat ante *Yen tsu*, veri Confucii exemplaris defuncti Tabellam; inferat lateri Tabulam onychinam; præsentet vini scyphum; extrahat Tabulam onychinam; eat antè *Cem tsu* genuini Confucii Interpretis defuncti Tabellam, &c. ut antè. Eat ante *Tsu su tsu*, studiosi Confucii doctrinæ propagatoris defuncti Tabellam, &c. ut antè. Eat ante *Mem tsu*, alterius à Confucio Sapientis defuncti Tabellam, &c. (*ut antè*, id est, præsentet vini scyphum;) redeat ad locum.

Musicâ cessante, Præfectus Cerem. dicit: Adjutores & comites Parentalis Ceremoniæ Præfecti, accedant ad suum locum; præparent se ad res præsentandas; eant ad lavandas manus, inferant Tabulam onychinam; eam extrahant; eant ante Defunctorum, nempe decem Confucii discipulorum, Tabellas; inferant lateri Tabellam onychinam; famuli serica volumina tradant Præfectis. His voluminibus coram appositis, famuli

muli rursus tradunt, Præfectis vini scyphum; quo etiam appposito, rursus Ceremoniarum Præfectus dicit: extrahant Tabulam; redeant ad locum.

Alius Præfectus dicit: vinum secundâ vice præsentetur; edatur Musica. (Famuli tradunt vini scyphum Præsidi ad apponendum ante Confucii Tabellam, qui nempe, uti prima vice, apponitur; sine sericis tamen voluminibus.) Cessante Musicâ, nit, vinum tertiâ vice præsentetur, (nempe Confucio tantum, uti in secunda.) Edatur Musica, &c. Cessante Musicâ idem Præfectus Ceremoniarum dicit: bibatur felicitas, seu vinum faustitatis, & excipiatur escæ ferculum. Alius Præfectus Cerem. dicit: Præses, eat ad locum bibendi vinum faustitatis; flectat genua; inserat lateri Tabulam onychinam. Tunc famuli tradunt ipsi vini scyphum; quo tradito, rursus Præfectus Cerem. dicit: bibatur vinum faustitatis; (nempe vini scyphum leviter admoveat ad labia.) Postcâ famuli ei tradunt carnis appositæ ferculum; & Præfectus Ceremon. dicit: excipiatur ferculum; extrahatur Tabula onychina; fiat corporis inclinatio, surgat, redeat ad locum; omnes utrimque profundam reverentiam exhibeant, (pro hoc escæ ferculo & faustitatis vino vide Tractatum de Ceremoniis Sinarum erga Defunctos.) Alius Præfectus Ceremoniarum dicit: colligantur fercula; edatur musica. Tunc famuli omnia fercula, quæ ante singulas ligneas Tabellas erant apposita, colligunt. Postquàm cessavit Musica, rursus dicit: deducatur Spiritus, sive valedicatur Spiritui vel Tabellæ; edatur musica. Alius Præfectus Cerem. dicit: Omnes quadruplicem profundam reverentiam exhibeant. Alius dicit: Lector accipiat Ceremoniæ formulam & Præses præsentata serica; eantque ad foveam, in qua ista concrementur. Cùm ista concremantur, rursus dicit: spectent ad foveam. Redeant ad locum. Cessante Musicâ alius dicit: Ceremonia peracta est. (Pro his & aliis Ceremoniis vide præfatum Tractatum.)

Jam verò quod attinet ad Musicam, hæc ab Instrumentorum pulsatoribus, & musicis gesticulatoribus seu tripudiantibus decantatur; intellige in grandioribus urbibus; nam in minoribus non adhibetur illa Musica gesticulatoria.

Prima Musica seu versuum stropha, quæ decantatur, dum dicitur, excipiatur Spiritus, hæc est: O quanta excellentis Doctoris dignitas! doctrina veneranda; virtus sublimis. Verum Regum regimen inde normam accipit, & populi documenta ejus venerantur. Ritus & Ceremoniæ suas statas habent leges; mundities ac bonitas pari curâ servata est. Adveniente Spiritu, proh! quam resplendet excellens species!

2. Ver-

Secunda Versuum stropha, quæ decantatur, dum serica volumina præsentantur & prima vice vinum præsentatur, hæc est : *Ecquis ab omni Ævo* ( scilicet in China ) ejus perfectionem potuit attingere ? clara illa nostri Magistri intelligentia omnes præteritos Sapientes ( sinicè *Xim*, id est, Excellentes ) superavit. Dapum fercula & serica munera perfecta extant ; Ritus ac decor illis correspondent ; milium quidem odore caret, ( id est, non est sicut vinum odoriferum, quod bonum odorem exhalat ; ) sed Spiritus intelligit.

Tertia Versuum stropha, quæ decantatur, dum secunda vice præsentatur vinum, hæc est : *O quanta sapientis Magistri excellentia !* verè à Cælo est ista virtus. Ad eam celebrandam Musica composita : statim temporibus sine fastidio fit Parentalis Ritus. Limpidum vinum optimè fragrat ; præstantes pecudes perfectam suam & magnitudinem & pinguedinem habent ; ista omnia præparata munera claro Spiritui ita præsentantur, quasi ipse manifestè adveniret.

Quarta Versuum stropha, quæ decantatur, dum tertia vice vinum præsentatur, hæc est : *O coryphæe, omnium Imperatorum Magister !* *O omnium populorum ac rerum norma !* Num spectatis, ut magnifica illius species diffundatur ? ut Spiritus quietè sistat ? vinum vasi aureo infusum, ô quantam & claritatem & saporem exhibet ! ter præsentato vino ascendendo, ( nempe ad Tabellam, ) o quàm bene Ritus erit peractus !

Quinta Versuum stropha, quæ decantatur dum colliguntur fercula, hæc est : *En existunt in primo ordine vini amphoræ, bovis & elephantis formam præferentes, ac deinde omnia dapum vasa in sua quæque serie ritè ordinata ; cùm illud fuerit bene fragrans ad præsentandum, & hæc bene munda ad apponendum ; Ceremoniæ exactè servatæ, Musica perfecta, homo tranquillatus, Spiritus oblectatus ; ergo Ritu & felicitas excipitur, sequendæque sine transgressione rectè rationis via indicatur.*

Sexta Versuum stropha, quæ decantatur, dum dicitur valedici Spiritui seu Defuncto, hæc est : *Quàm veneranda est Scholæ Aula !* ex omni plaga ad eam colendam advenitur. Parentale opus & interiori reverentia, & exteriori gravitate peractum est. Id enim quod gratum habetur, est tantum odor ( nempe virtutis, &c. ) Aurigans redit Spiritus. Absolutâ igitur mundâ honoris exhibitione, innumeram omnes recipiant felicitatem.

Pro his omnibus versuum strophis vide etiam jam sæpius dictum *Tractatum de Ceremoniis Sinarum erga Defunctos.*

Quæ-



Quæres 5. Ob quem finem fiat Confucio Parentalis Ceremonia Cy? & an in ea aliquid à Confucio petatur?

Respondeo 1. Lib. *Sim li piao ti*, seu naturæ & rationis brevis expositio tom. 1. art. *Kum tsu xam* sic ait: Confucii Liber dictus *Ver & autumnus* rectam imperandi viam monstrat ac magnam regiminis artem perspicuam reddit. Hunc Confucius pro futuris Imperatoribus elaboravit; relati enim ibi perduelles Præfecti ac prædones qui dignis olim suppliciis affecti fuerunt, metum venturis incutiunt. Præclarum sanè opus, perenni ævo dignissimum! Hinc Imperatores ad compendendam Confucii virtutem & merita inexhausta, Parentalem ei faciunt Ceremoniam Cy.

2. Lib. *Ven bien tum kao* tom. 43. sic ait, referendo supplicem aliquem Regii Ministri libellum: Quia Confucius concinnavit librum *Annalium Regni Lu*, id est, Provinciæ *Xan tum*, dictum *Ver & autumnus*; composuit Librum de filiali observantia; fusiorem Libro *Te Kim* adiunxit elucidationem; & omnia in aliis libris classicis debito ordine disposuit & explanavit: idèò singulariter ei erecta est Parentalis Aula seu Palæstra; donatusque honorario titulo Principis ditionis *Pao chim*. Dum in quatuor anni temporibus itur ad faciendam ei Ceremoniam Cy, confestim eà facta abitur; nec ullus est, qui Parentalis Aulae suppellectilem custodiat. Rogamus igitur Vestram Majestatem, ut custos aliquis constituatur.

3. Idem Lib. eod. tom. 43. sic: Imperator *Tay tsu* ex posteriori Familia *Cheu*, annis sui Imperii dictis *Quam xun*, visitans Parentalem Confucii Aulam, cum vellet coram Confucio se prosternere, monitus fuit ab Aulicis, nè id faceret; quia non decebat subditum à Domino coli. Quid? respondit illis Imperator: rei litterariæ Princeps, Infinitorumque Imperatorum Magister non meretur, ut profundissima veneratione colatur? quibus dictis, statim ante Parentalem Confucii Aulam profunda cum reverentia se prostravit, & dona præsentavit.

4. Lib. *Kum miao ly yo kao* tom. 1. refert Imperatorem *Cchim tsu ven*, seu *Tum lo*, sic loquentem: Quod spectat ad Confucium Imperatorum Magistrum; ego quidem scio Imperatores esse populorum Dominos; sed Confucius viam, quam populi tenere ac sequi debent, stabilivit: ipse enim magnum illum triplicem humanæ conditionis ordinem inter Patrem & filium, inter Regem & Subditum, inter maritum & uxorem; Cardinales illas quinque virtutes, pietatem, æquitatem, honestatem,

M

pru-

prudentiam, veritatem; eximias illas & universales recti Regiminis leges ad omnium sæculorum instructionem singulari claritate elucidavit. Hinc me decet adire primariam palæstram, ut ei tamquam prisco Magistro, Parentalem faciam Ceremoniam Cy; Litteratos honorandi, eorumque doctrinam magni faciendi intentioni obsecuturus.

5. Lib. *Ven bien tam kao* tom. 44. art. *Tam kay yuen li*, Parentalis Ceremoniæ Cy, quæ fieri solet Confucio, quæque ibidem fusè describitur, hanc affert formulam: Hoc anno, mense, die, Præfectus N. nomine N. missus ab Imperatore ad vinum præsentandum, audet palam prisco excellenti Doctori Confucio hæc dicere: vastam, Magister, intelligendi facultatem, naturalémque rerum notitiam liberalissimè Cælum tibi donavit; hinc Rituum leges ac Musicæ artem bellissimo ordine concinnasti; liberales disciplinas, honestamque vivendi rationem perspicuè tradidisti; aliæque præclara gesta ac mores transmissi, qui etiam nunc post tot sæcula suspiciuntur, efficiunt, ut ego tuorum discipulorum ultimus, honestati & litteris acquirendis vacare possim. Idcirco adhibendo ista serica volumina, istas pecudes, istud vinum, ista omnia dapum fercula omni cum reverentia juxta antiquam normam ordinatim tibi appono mundam muneris exhibitionem, priscumque Magistrum *Yen tsu*, & reliquos tibi comites adjungo. Id penè gratum habebis.

Vides ex hac verborum formula, quâ Præses Ceremoniæ, nomine Imperatoris, apertè declarat suam intentionem, mentem, ac motivum faciendæ istius Ceremoniæ Cy, nullas omninò preces fundi Confucio; sed ejusmodi honorem illi exhiberi ob doctrinam, quam Posteris transmisit. Idem etiam videre potes in alia Confucii Ceremoniæ Cy formula, quàm suprà in hoc Capite 8. Quæres 4. retuli ex Libro *Ta mim hoet tien*, & quæ nunc in usu est; ubi nihil precum, nihil orationis aut postulationis omninò habetur, sed dicitur ob transmissam doctrinam talis honor ei præstari; ac proinde liquet ob quem finem ac motivum fiat Confucio illa Parentalis & solemnis Ceremonia Cy.

Deinde nullam in Parentali Confucii palæstra seu Aula haberi statuat aut imaginem supradictus Lib. *Kum miao ty jo kao* tom. 1. circa finem sic disertis verbis asserit: Nunc verò Confucii statuae, quæ prius habebantur, omninò sublatae sunt; uti & omnes ejus imagines etiam sublatae; habitusque ille Imperialis, quo induebatur, reformatus. Dum quis Parentalem ejus palæstram nunc ingreditur, ejusque Aulam ascendit,